

ମାଧ୍ୟତ ଲିଖିତ ସୁସମାଚାର ମାତିୟ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହଁ କାବୁ ପତିୟାଁ ବିତ୍ରାଟି ମାତିୟ ରାଚାମାନି ନେହଁ କାବୁ ଜୀସୁ କ୍ରୀସୁ ଜୀଝୁତି କାତା ରାସ୍କି ଆହାମାନେ । ଇ ସାରିଗଟା ପତିୟାଁକ୍ ନେହଁ କାବୁ ଇନେରି । ଏ ପତିୟାଁ ଜୀସୁ ହାତି ତାୟୁ ମାତିୟ, ମାର୍କ, ଲୁକ ଅଡେ ଜହନ ରାଚାମାନେରି । ମାତିୟ ରାଚିତି ନେହଁ କାବୁ ଏଚେଲା ରାସ୍କି ଆହାମାନେ ଇଞ୍ଜି ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆତି ୭୦ ବାର୍ଯା ତାୟୁ ରାସ୍କି ଆହାମାଚେ, ଅଡେ ଆମିନ ଟାୟୁତା ରାସ୍କି ଆହାମାଚେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍କି ଆହାମାଚେ ।

ଜୀସୁ ମାତିୟୁକ୍ ତାନି ସୀସୁ ଆହାଲି ହାଚିତି ନକେଏ ମାତିୟୁ ର ସିସୁ ରାହନାସି ମାଚେସି, ଇଞ୍ଜା ତାନି ଅଡେ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାବୁ ରାଚାମାଚେସି । ଜୀହୁଦିୟାଁ ଜୀସୁକ୍, ଇ ରାକିତା ସାଲୁଝି କିନି ରାଜା ଇଞ୍ଜି ଅଣ୍ପିମାଚେରି, ସାମା ମାତିୟୁ ଏ ନାମୁତି ବାଦ୍ଲି କିହାନା ରାଚାମାନେସି; ଜୀସୁ ଦାରୁତିତି ରାକି ଆଏ, ସାମା ଲାକପୁରୁ ଜୀଝୁତି ରାକି କାତା ଝେସିହଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଚିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃଈ ମେରାତି ଦାମ୍ବୁ ପତିତା ମାହାପୁରୁ ବଲୁ ଝେହନାରି ଝେସାମାଚେରି, ଇଞ୍ଜିହଁ ପୁଣ୍ଡି କିହାଲି ଅଣ୍ପିମାଚେସି, ଇ ଆକୁତା ମାହାପୁରୁ ରାକିତି କାତା ହାଚେକା ଝେସିମାନେସି ।

ମାତିୟୁ ରାଚିତି ନେହଁ କାବୁ ପୁଃନି ମେରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇଚିହଁ ପୁଃଈ ମେରାତି ମାହାପୁରୁ ବଲୁ

ହାରେକା ରାସ୍ତି ଆହାମାନେ, ଇ ପତି ପ୍ଲାଃଇ ମେରା ପୁଃନି ମେରା ତଲେ ଆଣ୍ଡାମାନେ, ଝେଡ଼ା ହପୁଝାକିତି ସଗୁପୁନାରି ଝେସିମାନେରି, ମାତ୍ରିକ ତାନି ଆକୁତା ମସାତି ମେରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହୀନାୟି ଝେ ମେରା ୧୯:୩; ୨୩-୩୩ ।

ପତିତା ମାନାୟି

୧. ଜୀସୁ କ୍ରୀସ୍ତତି ଜାର୍ନା ଅଡେ ତାନି ସେବା କାମା । ୧:୧-୪:୨୫

୨. ଜୀସୁ କ୍ରୀସ୍ତତି ସେବା ଅଡେ ତାନି ଜାପୁନାୟି । ୫:୧-୨୫:୪୭

୩. ଜୀସୁ କ୍ରୀସ୍ତ ହାନାୟି ଅଡେ ଝେଣ୍ଡେ ନିଜିନାୟି । ୨୬:୧-୨୮:୨୦

ଜୀସୁ କ୍ରୀସ୍ତତି ଆକୁ ଆବାୟି

(ଲୁକ ୩:୨୩-୩୮)

^୧ ଅବ୍ରାହାମ ମୀର୍ସସି ଅଡେ ଦାଝୁଦତି ମୀର୍ସସି ଜୀସୁ କ୍ରୀସ୍ତତି କୁଡ଼ା ।

^୨ ଅବ୍ରାହାମ ମୀର୍ସସି ଇସାହାକ, ଇସାହାକ ମୀର୍ସସି ଜାକୁବ, ଜାକୁବ ମୀର୍ସସି ଜୀହୁଦା ଇଞ୍ଜା ତାନି ତାୟିୟା, ^୩ ଜୀହୁଦା ଅଡେ ତାମାର ମୀର୍ସସି ପେରସ ଅଡେ ଜେରହ, ପେରସ ମୀର୍ସସି ହେସ୍ରା, ହେସ୍ରା ମୀର୍ସସି ଅରାମ, ^୪ ଅରାମ ମୀର୍ସସି ଅମିନାଦାବ, ଅମିନାଦାବ ମୀର୍ସସି ନହସନ, ନହସନ ମୀର୍ସସି ସଲମନ, ^୫ ସଲମନ ଅଡେ ରାହାବ୍ ମୀର୍ସସି ବୟାଜ, ବୟାଜ ଅଡେ ରୁତ ମୀର୍ସସି ଅବେଦ, ଅବେଦ ମୀର୍ସସି ଜସି ।

^୬ ଜସି ମୀର୍ସସି ଦାଝୁଦ ରାଜା, ଦାଝୁଦ ଅଡେ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡେସି, ^୭ ସଲମନ ମୀର୍ସସି ରିହବୟାମ, ରିହବୟାମ ମୀର୍ସସି ଅବିୟ, ଅବିୟ ମୀର୍ସସି ଅସା, ^୮ ଅସା ମୀର୍ସସି ଜିହସାପାଟ୍, ଜିହସାପାଟ୍ ମୀର୍ସସି ଜରାମ, ଜରାମ ମୀର୍ସସି ଉଜିୟ, ^୯ ଉଜିୟ ମୀର୍ସସି ଜତମ୍, ଜତମ୍ ମୀର୍ସସି ଆହାଜ, ଆହାଜ ମୀର୍ସସି ହିଜକିୟ, ^{୧୦} ହିଜକିୟ ମୀର୍ସସି ମନସି, ମନସି ମୀର୍ସସି ଆମନ, ଆମନ ମୀର୍ସସି ଜସିୟ, ^{୧୧} ଇସ୍ରାୟେଲଇ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀର୍ସକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡେରି ।

୧୭ ବାବିଲନତା ଅଢ଼ିଆଡ଼ି ଢେଟ ଜିକନିୟ ସଲ୍‌ଟିୟେଲ୍‌ଙ୍କ ଜାନ କିତେସି, ସଲ୍‌ଟିୟେଲ୍‌ ମୀରୁଏସି ଜିରୁବାବେଲ୍, ୧୩ ଜିରୁବାବେଲ୍ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର, ୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ, ୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ, ୧୬ ଜାକୁବ ମୀରୁଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡେସି, ଏଞ୍ଜାଣାଲ୍ କ୍ରୀସ୍ତ ଇଣ୍ଡି ଆହିମାନେ ।

୧୭ ଇଲେଆହି ଅବ୍ରାହାମ ତାଣାଟିଏ ଦାଝୁଦ ପାତେକା ସଦ ଜାଣା ଆକୁୟା, ଅଡେ ଦାଝୁଦ ତାଣାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣସି, ଇଞ୍ଜା ବାବିଲନ ଅଢ଼ିଆଡ଼ି ତାଣାଟିଏ ଜୀସୁ କ୍ରୀସ୍ତ ଜାର୍ନା ପାତେକା ସଦ ମାଣସି ।

ଜୀସୁ କ୍ରୀସ୍ତ ଜାର୍ନା ଆନାୟି (ଲୁକ ୧:୨୭-୩୮; ୨:୧-୭)

୧୮ ✨ ଜୀସୁ କ୍ରୀସ୍ତ ଜାର୍ନା ଇଲେକ୍ ଆଡେ । ତାମି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରାସ୍ତା ଆହାମାଟି ଢେଟ, ଏଢ଼ି କାଲ୍‌ଢ଼ି ଆଆ ନକେଏ, ଏଡି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜି ପୁଣ୍ଡି ଆଡେ । ୧୯ ଏଚେଟିଏ ତାନି ତକ୍ରା ଜସେପ ର ଦାମ୍‌ଲୁ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜି ତହୁଆପେଏ ଇଞ୍ଜି ଏଦାନି ଡକୁହାନା ପିସାଲି ତାରି କିତେସି । ୨୦ ସାମା ଏଞ୍ଜାସି ଏଲେଇଞ୍ଜି ତାରିକିତି ତାୟୁ, ମେହ୍‌ଦୁ, ମାହାପୁରୁତି ର ଦୁତୁ ଏଞ୍ଜାଣାଲ୍ ହାପାନାତା ଏଲେଇଚେସି, “ଆଡେ ଦାଝୁଦ କୁଡାତି ଜସେପ, ମରିୟମନି ତକ୍ରା କିହାଲିତାକି ଆଜାଆନି, ଏନାଆତାକି ଇତିହି ମାହାପୁରୁତି ସୁଦୁଜୀଝୁ ତଲେ ପୁରାମାସା ଆହାମାନେ । ୨୧ ✨ ଏଡି ର କକାଣାଲ୍ ଜାନ କିନେ, ଅଡେ ମୀରୁ ଏଞ୍ଜାଣି ଦରୁ ଜୀସୁ ଇଞ୍ଜି ଇଟାଦୁ, ଇତିହି ଏଞ୍ଜାସି ତାମି ଲକୁଇଁ ତାମି ବାରେ ପାପୁଟି ଗେଲ୍‌ପିନେସି ।”

୨୨ ମାହାପୁରୁ ଅଶ୍ଵତ୍ଠି ବଲ୍ଲୁ ଝେହ୍ନାରି ତାଣାଟି ପ୍ରବୁତି ଇ କାତା ଏନିକ୍ ପୂରା ଆଢେନ, ଇଦାଆଁତାକି ଇ ବାରେ ଆଡେ, ୨୩ “ମେହଦୁ ର ଡାଆ ମାକ୍ଷା ପୂରାମାସା ଆହାନା ର କକାଣାକ୍ ଜାନ କିନେ, ଅଡେ ଲକ୍ଷୁ ଏଝାଣି ଦରୁ ‘ଇମାନୁୟେଲ’ ଇଟିନେରି ।” ଇ ଦରୁତି ଅର୍ତ୍ତ “ମାହାପୁରୁ ମା ତଲେ ମାନେସି ।”

୨୪ ଏମ୍ବାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୂତୁ ଏନିକ୍ ହୁକୁମି ହାହାମାରେସି, ଏଲେକିହି ଏ କିଡେସି, ଏଝାସି ମରିୟମାକ୍ ବାହା ଆଡେସି; ୨୫ ଯାମା ଏଦି କକାଣାକ୍ ଜାନ କିଆ ପାତେକା ଏଦାଣି ତଲେ କୂଡାଆଡେସି, ଅଡେ ଏ କକାଣି ଦରୁ ଜାସୁ ଇଟିଡେରି ।

୨

ଝେଡା ହପୁଝାକିତି ସଗୁପୁନାରି

୧ ହେରଦ ରାଜା ବେଲ୍ଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡି ତାୟୁ, ମେହଦୁ, ଝେଡା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି, ୨ “ଆମିନି କକାସି ଜୀହୁଦିକ୍ଷା ରାଜା ଆହାଲି ଜାର୍ନା ଆହାମାନାସି, ଏଝାସି ଆମ୍ବିୟା ? ମାମ୍ବୁ ଝେଡା ହପୁ ଝାକିଟି ତାନି ହୁକା ମେସାନା ଏଝାଣାକ୍ ଜହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକ୍ଷୁ କାବାଆହାନା ଆଜିଡେରି । ୪ ଅଡେ ଏଝାସି ଲକ୍ଷୁତି କାଜା ପୂଜେରାକ୍ଷା ଇଞ୍ଜା ମେରା ପୁନାରାକ୍ କୂଡି କିହାନା, କ୍ରୀସୁ ଏମ୍ବିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଶ୍ଵତ୍ଠିଡେସି ।

୫ ଏଝାରି ଏଝାଣାକ୍ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଶ୍ଵତ୍ଠି ବଲ୍ଲୁ ଝେହ୍ନାରି ତାଣାଟି ଇଲେଇଞ୍ଜା ରାସ୍କି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,

ଜୀହୁଦାତି କାଜା ନାସ୍କା ବିତ୍ରାଟି ନାନୁ ଡ଼ଣା ଆଏ;

ଇତିହାସ ଆତ୍ମାଆସି ନା ଇସ୍ରାୟେଲ ଲକ୍ଷ୍ମଣୀ ପହି କିନେସି,
ଏଲେତି ର ସାଲ୍ଲକ୍ଷି କିନାସି ନୀ ତାଣାଟି ଖାନେସି ।”

୭ ତାୟୁ ହେରଦ ସଗ୍ନୁ ପୁନାରାଇଁ ମେଣେଏ ହାଟାନା, ଏ ହୁକା ଏରେଲା ତଞ୍ଜାଆଡେ ଏ କାତା ଏଞ୍ଜାରି ତାଣାଟି ନେହୁଁ କୁଁ ଖେରେସି । ୮ ଇଞ୍ଜା ଏଞ୍ଜାସି ଏଞ୍ଜାରାଇଁ ବେତଲିହିମତା ପାଣ୍ଡାନା ଏଲେଇରେସି, “ମୀରୁ ହାଜାନା ଏ କକାଣି କାତା ନେହୁଁ କୁଁ ସିନିକିହାନା ନାଙ୍ଗେ ଜିକେଏ ଖେସ୍ତାଦୁ, ଇତିହାସ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏରେଟିଏ ଏଞ୍ଜାରି ରାଜା କାତା ଖେଞ୍ଜାନା ହାରେରି; ଅଡେ ମେହୁଦୁ, ଏଞ୍ଜାରି ଖେଡ଼ା ହପୁଞ୍ଜାକି ଆମିନି ହୁକା ମେସାମାରେରି, ଏଦି ଏଞ୍ଜାରି ନକି ନକିତା ହାଜାନା, ଏମ୍ବିୟା କକାସି ମାରେସି ଏ ଲାକ ହାଜାନା ନିଡେ । ୧୦ ଏ ହୁକା ମେସାନା ଏଞ୍ଜାରି ହାରେକା ରାହୁଁତଲେ ରାହୁଁ ଆଡେରି । ୧୧ ଏଞ୍ଜାରି ଇଲୁ ବିଡ଼ା ହଡାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଞ୍ଜାଣାଇଁ ମେଣ୍ଡାକୁତାନା ଜହରା କିଡେରି, ଇଞ୍ଜା ତାମ୍ନୁ ତାଟାମାଟି ପେଡ଼ାୟାଟି ବାଂଗାରା, ଦୁପା ଦୁପାଣି ଅଡେ ଗାନ୍ଦା ନିୟୁଁ ବେଟୁ ହୀଡେରି ।

୧୨ ତାୟୁ ହେରଦ ରାଜା ତାଣା ଖେଣ୍ଡା ହାଲାଆପେରିଖା ଇଞ୍ଜୁଁ ମାହାପୁରୁ ଏଞ୍ଜାରାଇଁ ହାପାନାତା ହୁକୁମି ହୀହାଲିଏ, ଏଞ୍ଜାରି ଅର ଜିରୁଟି ତାମି ଦେସାତା ଖେଣ୍ଡାହାରେରି ।

ନିସର ଦେସାତା ହାନାୟି

୧୩ ଏଞ୍ଜାରି ହାଟି ତାୟୁ, ମେହୁଦୁ, ମାହାପୁରୁଡି ଦୁଡୁ ଜସେପଇଁ ହାପାନାତା ଏଲେଇରେସି, “ନିଙ୍ଗାମୁ କକାଣି ତାଲୁଇଁ ଅଡେ ତାମି ଇୟାନି ଅହୁଁ ନିସରତା ହାଲାମୁ, ନାନୁ ମିଙ୍ଗେ ଖେସ୍ତାଆ ପାଡେକା ଏମ୍ବାଆଁ ମାଞ୍ଜୁ, ଇତିହାସ କକାଣି ତାଲୁଇଁ ପାୟାଲି ହେରଦ ଅଣ୍ପିମାନେସି ।”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜା ତାମି ଇୟାନି ଆସାନା ଲାଆଁ ଲାଆଁୟାଁ ନିସର ଦେସାତା ଅହୁଁ ହାରେସି, ୧୫ ହେରଦ ହାନି ପାଡେକା ଏମ୍ବାଆଁ ଏଞ୍ଜାରି ଡୟିଡେରି, ଇ ବାରେ ଗଟଞ୍ଜି ଆନାଣି ମାହାପୁରୁ ଅଣ୍ପୁଡି ବଲୁ ଖେହ୍ନାରି ତାଣାଟି ଇ ମାହାପୁରୁ ଅଣ୍ପୁଡି

ବଲ୍ଲୁ ପୁରା ଆନେ, “ନା ମୀରଏଣାଙ୍କୁ ନାନୁ ମିସର ଦେସାଟି ହାଟା ତାତେସି ।”

କକାରି ତାଲକାଣି ପାୟିନାୟି

୧୭ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଙ୍କୁ ନାଡ଼ିକିହାନା ହାଜାମାନେରି ଇଞ୍ଜୁ ପୁଞ୍ଜାନା, ହେରଦ ହାରେକା କପା ଆଡେସି, ହୁକାତି ଉଜେଡ଼ି ଆମିନି ବେଲାତା ତଞ୍ଜାଆହାମାଟେ ସଗୁପୁନାରି ତାଣାଟି ନେହୁକ ପୁଞ୍ଜାମାଟେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାହୁକାତି ରୀ ବାର୍ଯାଟିଏ ଉଣା କକାରାଙ୍କୁ ପାୟାଲି ତାକି ହୁକୁମି ହୀତେସି ।

୧୮ ଏଟିବେଲା ମାହାପୁରୁ ଅଣପୁତି ବଲ୍ଲୁ ଖେହୁନି ଜିରିମିୟ ଖେସ୍ତି ଇ ବଲ୍ଲୁ ସାତା ଆଡେ,

୧୮ “ରମାତା ହାଡ଼ା ଖେଜିମାନେ,

ଡ଼ାକି ଅଡ଼େ ହାରେକା ଦୁକୁତି ଗିୟାଁ

ରାହେଲ ତାନି ମୀରକା ତାକି ଡ଼ାହିମାଟେ;

ଅଡ଼େ ଏଞ୍ଜାରି ବାରେ ହାହାହାଟେରି ଇଞ୍ଜୁ,

ଏଡ଼ି ଦୁକୁ ତୁକହାଲି ମନ କିହି ହିଲାଆତେ ।”

ମିସରଟି ଖେଣ୍ଡାଖାନାୟି

୧୯ ହେରଦ ହାଡ଼ି ତାୟୁ, ମେହୁଦୁ, ପ୍ରବୁତି ର ଦୁଡୁ ମିସରତା ଜସେପଙ୍କୁ ହାପାନାତା ତଞ୍ଜାଆହାନା ଏଲେଇଟେସି, ୨୦ “ନିଜ୍ଜାମୁ, କକାଣାଙ୍କୁ ଅଡ଼େ ତାନି ଇୟାନି ତଲେ ଇସ୍ରାୟେଲ ଦେସାତା ହାଲାମୁ, ଇତିହୁ ଆମ୍ବାଆରି କକାଣି ଜୀଞ୍ଜୁ ଅହାଲି ତାକି ଅଣ୍ଡିମାଟେରି ଏଞ୍ଜାରି ହାହାମାନେରି ।” ୨୧ ଏଟେଟିଏ ଜସେପ ନିଜ୍ଜାନା କକାଣାଙ୍କୁ ଇଞ୍ଜା ତାନି ଇୟାନି ଆସାନା ଇସ୍ରାୟେଲ ଦେସାତା ଖାଡ଼େସି ।

୨୨ ସାମା ହେରଦ ଚାୟୁତା ତାନି ମୀରଏସି ଆକି ଲାୟୁ ଜୀହୁଦାଟି ରାଜା ଆହାମାନେସି ଇଞ୍ଜୁ ଖେଜାନା ଏଞ୍ଜାସି ଏମ୍ବାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଟେସି, ୨୩ ✱ଇଞ୍ଜା ନାଜ୍ଜରିତତି ଗାଡ଼ାତା ହାଜାନା

✱ ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫

ଡ଼ିକିତେରି, ଏନିକିହିଁ ମାହାପୁରୁ ଅଣ୍ଠପୁତି ବଲୁ ଖେହନାରି ରାଚିତି କାତା ସାତା ଆନେ, “ଏଝାସି ନାକରତତାସି ଇଞ୍ଜିଁ ଖେଜିନେସି ।”

୩

ବାପ୍ତିସ୍ମ* ହାନି ଜହନତି ଖେକ୍ନାୟି

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲାତା ବାପ୍ତିସ୍ମ† ହାନି ଜହନ ଜୀହୁଦା ଦେସାତି ବାଃଲି ବାଗାଟି ଖାହାନା ବଲୁ ଖେକ୍ହାଲି ମାଟ୍‌ହେସି । ୨ *“ପାପୁ ପିସାନା ମନ ଖେଟ୍‌ହା କତାଦୁ, ଇଚିହିଁ ଲାକପୁରୁ ରାଜି ଏଗାଝାହିମାନେ ।” ୩ ମାହାପୁରୁ ଅଣ୍ଠପୁତି ବଲୁ ଖେହନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାତେ,

ଏଝାସିଏ ଇଝାସି; “ରଅଣି ହାଡ଼ା ଲକୁ ହିଲାଆ ଟାୟୁତା ଖେଜିମାନେ, ପ୍ରବୁ ତାକି ଜିରୁ ତିୟି କିଦୁ ।”

୪ ଜହନ ଉଟୁ ବାଣାୟା ତଲେ କେପିତି ହିମ୍ବରିକା ତୁରହିମାତେସି, ଇଞ୍ଜା ତାନି ଟେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଝିତେସି, ଗପ୍‌ବରିକା ଅଡ଼େ ଜାଡ଼ାତି କ୍ରିୟା ଏଝାଣି କାଦି ମାତେ ।

୫ ଏଚିବେଲାତା ଜିରୁସାଲମ ଗାଡ଼ା ଇଞ୍ଜା ବାରେ ଜୀହୁଦା ଦେସା ଅଡ଼େ ଜର୍ଦନ ଦାରିତି ନାସ୍କାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି, ୬ ଏଝାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମ‡ ଅଡ଼େରି ।

୭ *ସାମା ହାଟ୍‌ରେକା ପାରୁସିୟା ଅଡ଼େ ସାଦୁକିୟା ବାପ୍ତିସ୍ମ§ ଅହାଲି ଖାହିମାନାଣି ମେସାନା ଏଝାରାଇଁ ଏଲେଇତେସି, “ଅଡ଼େ ରାସ୍କା କୃତାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ବାଆସି ମିଙ୍ଗେ ସେଡନା ହିୟାତେସି ୮ ଇଦାଆଁତାକି ମନ ଖେଟ୍‌ହାମାନାଣି ନେହିଁ କାମାତା ତହ୍‌ଦୁ, ୯ *ଅଡ଼େ ଅବ୍ରାହାମ ମା ଆବା ଇଞ୍ଜିଁ ମୀ ମନ ବିତ୍ରା ଅଣ୍ଠପାଆଦୁ, ଏନାଆଁତାକି ଇଚିହିଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ

* ୩: ୩:୧ ମୁଞ୍ଜିନାୟି † ୩:୧ ୩:୧ମୁଞ୍ଜିନାୟି ☆ ୩:୨ ୩:୨ ମାତି ୪:୧୭; ମାର୍କ ୧:୧୫
‡ ୩:୬ ୩:୬ ମୁଞ୍ଜିନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜିନାୟି
☆ ୩:୯ ୩:୯ ଜହ ୮:୩୩

ଅହାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି । ୧୦ ✨ଅଡ଼େ ନୀର୍ବି ଜିକେଏ ମାରୁନୁ ତାକିତା କାଃଆଲି ଆଟାମାନେ, ଆମିନି ମାରୁନୁ ନେହଁ ପାଡ଼େୟି ଆୟେଏ, ଏଦାନି ଚୁଣହାନା ହିରୁତା ମେଡ଼ପି ଆନେ । ୧୧ ନାନୁସାଁ ମିଙ୍ଗେ ପାପୁଟି ପିସପି କିହାଲି ଇଞ୍ଜା ମନ ଖେଟ୍ପି କିହାଲି ଏୟୁତଲେ ବାପ୍ତିସ୍ମ* ହୀହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାରେକା ବାଡ଼ୟୁ ଗାଟାସି, ଏଞ୍ଜାସି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜୀଖୁ ଇଞ୍ଜା ହିରୁତଲେ ବାପ୍ତିସ୍ମ† ହିୟାନେସି । ୧୨ ଏଞ୍ଜାସି ତାନି କ୍ଳାନୁତି ନେହଁକଁ ତାସାହାଁ, ତାନି ଆନୀତି କ୍ଳସାହାଁ ଗାଦେୟିତା ଇଟାଲି ଏଞ୍ଜାସି କେୟୁତା ହେଟି ମାନେ, ସାମା ଟାଟା ପଡ଼ତ୍ତି ଏତେଲା ତୁମ୍ବାଆଗାଟି ହିରୁତା ହୁତା ତୁହନେସି ।”

ଜୀସୁ ଏୟୁତା ବାପ୍ତିସ୍ମ‡ ଅନାୟି
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ମ§ ଅହାଲି ତାକି ଜର୍ଦ୍ଦନ କାତାତା ଜହନ ତାଣା ଖାଡ଼େସି । ୧୪ ସାମା ଜହନ ଜୀସୁଇଁ କାହି କିହାଲି ଅଶ୍ପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମ* ଅନାୟି ନା ଲଡ଼ାମାନେ, ଇଞ୍ଜା ନୀନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ହାଡ଼ା ଆହ୍ମୁ, ଏନାଆଁତାକି ଇତିହଁ ଇଲେ ତଲେ ମାହାପୁରୁ ଦାମ୍ଭୁତି କାମା କିନାୟିମାନେ ।” ଏତେଟିଏ ଜହନ ମାନଖି ଆଡେସି ।

୧୬ ଜୀସୁ ବାପ୍ତିସ୍ମ‡ ଅଡ଼ି ଦେବୁଣିଏ ଏୟୁଟି ନିଙ୍ଗା ଖାଡ଼େସି । ଏତେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁଟି ସୁଦୁଜୀଖୁ ପାରଖା ପଟାଲେହେଁ ଜୀସୁ ଲାକ ରେଟା ଖାହିମାଟାଣି ଜହନ ମେସେସି । ୧୭ ✨ଅଡ଼େ ମେହ୍ମୁ, ହାଗୁଟି ଇ ହାଡ଼ା ଆଡେ, “ଇଞ୍ଜାସି ନା ଜୀସୁଟି ମୀରଏସି ଇଞ୍ଜାସି ତାଣା ନା ହାରେକା ରାହାଁ ମାନେ ।”

☆ ୩:୧୦ ୩:୧୦ ମାତ୍ରି ୭:୧୯ * ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି
 ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି * ୩:୧୪ ୩:୧୪ ମୁଞ୍ଜିନାୟି
 † ୩:୧୬ ୩:୧୬ ମୁଞ୍ଜିନାୟି ☆ ୩:୧୭ ୩:୧୭ ମାତ୍ରି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫

୪

ଜୀସୁଙ୍କ ତାୟିପାରି କିନାୟି

(ମାର୍କ ୧:୧୨-୧୩; ଲୁକ ୪:୧-୧୩)

୧ ☆ ଏଚିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଚି ଆହାଲି ସୁଦୁଜୀଞ୍ଚୁ ଲକୁ ହିଲାଆ ଟାୟୁତା ଅଡେ । ୨ ଜୀସୁ ରୀ କଡ଼ି ଦିନା ଲାଆୟା ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡେସି । ୩ ଏଚିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମୀରଏଣାତି ଇଚିସାରେ ଇ ଖାଲକାଣି ରୁଚି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ ମାଣ୍ସି ଖାରଇ ରୁଚି ତିଞ୍ଜାନା ନୀତଅସି, ସାମା ମାହାପୁରୁ ରୁଚିଟି ହଚିମାନି ବଲୁ ତଲେ ନୀଡିନେସି ।”

୫ ତାୟୁ ସୟତାନ ଜୀସୁଙ୍କ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା, ୬ ଏଲେଇଚେ, “ନୀନୁ ମାହାପୁରୁ ମୀରଏଣାତି ଇଚିହୁଁ ଇମ୍ପାଟି ଡ଼ଇକା ଗେମ୍ପାମୁ, ଦାମ୍ବୁ ସାସ୍ତେରିତା ରାସ୍କି ଆହାମାନେ,

ନିଙ୍ଗ ଜାଡ଼ନୁ କିହାଲିତାକି ମାହାପୁରୁ ତାନି ଦୂତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକଁ ଖାଲକାଣା ଆଡ଼ାତ ଇଞ୍ଜା

ଦୂତୁୟାଁ ନିଙ୍ଗ କେସ୍ମାତଲେ ପେର୍ହା ଆସ୍ମାନୁ ।”

୭ ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ନୀନୁ ପ୍ରବୁ ନୀ ମାହାପୁରୁଙ୍କ ତାୟିପାରି କିଆନି ।”

୮ ଅଡେ ଖେଣ୍ଡେ ସୟତାନ ଜୀସୁଙ୍କ କାଜା ହରୁ ଲାକ ଅହାନା ଦାରଚିତି ବାରେ ରାଜି ଅଡେ ଏମ୍ପାଟି ବାରେ ଅଜୁ ଅଡେ ଜୁପକା ତସାନା ଏଲେଇଚେ, ୯ “ନୀନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇଚିହୁଁ ନୀନୁ ଇ ବାରେ ନିଙ୍ଗ ହିୟାଇଁ ।”

୧୦ ଏମ୍ପାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ ! ଦାମ୍ବୁ ସାସ୍ତେରିତା ରାସ୍କି ଆହାମାନେ, ‘ଖାରଇ ନୀ ପ୍ରବୁ ମାହାପୁରୁଙ୍କ ଜହରା କିଦି ଅଡେ ଖାରଇ ତାଙ୍ଗେଏ ସେବା କିଦି ।”

☆ ୪:୧ ୪:୧ ଏବଂ ୨:୧୮; ୪:୧୫

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୂରୁୟାଁ ଖାହାନା ଏଞ୍ଜାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍‌ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ✧ଜହନଇଁ କାୟିଦି ଇଲୁତା ଇଟିତେରି ଇଞ୍ଜିଁ ଖେଞ୍ଜାନା ଜୀସୁ ଏମ୍ବାଟିଏ ଗୁଟା ଆହାନା ଗାଲିଲିତା ଖାଡ଼େସି; ୧୩ ✧ଏଞ୍ଜାସି ନାଜରିତତା ଡୟାଆତେସି, ସାମା କପରନାହୁମତା ଡୟାଲି, ସୁରୁଲୁନ୍ ଅଡ଼େ ନପ୍ତାଲିତା ମାନି ର ଗାଲିଲି ସାମ୍‌ଦୁରି ଗାଟୁତା ମାନି ଗାଡ଼ାତା ହାଚେସି । ୧୪ ଏନିକିହିଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁରୁଲୁନ୍ ଦେସା ଅଡ଼େ ନପ୍ତାଲି ଦେସା

ସାମ୍‌ଦୁରି ତାଗେ ଇଞ୍ଜା ଜର୍ଦନ କାତା ଆତାଲାଖାକିତି,
ଜୀହୁଦିଆଆତି ଗାଲିଲି !

୧୬ ଆଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି
ହାକିତି ନାସକା ଅଡ଼େ ସାହ୍‌ଡ଼ାତା ମାନି ଲକୁତାକି
ଉଜେଡ଼ି ତଞ୍ଜାଆନେ ।”

୧୭ ✧ବେଲାଟିଏ ଜୀସୁ ତାନି କାତା ଖେକ୍‌ହାଲି ମାଟ୍‌ହେସି, “ମୀ ପାପୁ ପିସାନା ମନ ଖେବ୍‌ହା କତାଦୁ, ଏନାଆଁତାକି ଇଟିହିଁ ଲାକପୁରୁ ରାଜି ଏଗାଞ୍ଜାହିମାନେ ।”

ସାରି ଜାଣା ମୀଶ୍‌କା ଆହ୍‌ନାରାଇଁ ଜୀସୁ ହାଟିନାୟି

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍‌ଦୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡ଼େ ତାନି ତାୟି ଆହିୟ, ଇ ତାୟି ରିଆରି ସାମ୍‌ଦୁରିତା ଜାଲା ମେଡ଼ହି ମାଚାଣି ମେସ୍ତେସି, ଏନାଆଁତାକି ଇଟିହିଁ ଏଞ୍ଜାରି ମୀଶ୍‌କା ଆହ୍‌ନାରି ମାଚେରି । ୧୯ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜେଚ ଖାଦୁ, ନାଦୁ ମିଙ୍ଗ ଲକୁଣି ଆହ୍‌ନାଣି ଜାପ୍‌ହାଇଁ ।” ୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି ।

✧ ୪:୧୨ ୪:୧୨ ମାତି ୧୪:୩; ମାର୍କ ୭:୧୭; ଲୁକ ୩:୧୯, ୨୦ ✧ ୪:୧୩ ୪:୧୩ ଜହ ୨:୧୨

✧ ୪:୧୭ ୪:୧୭ ମାତି ୩:୨

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡ଼େ ରିଆରି ତାୟିୟା ତାମି ଆବା ଜେବଦି ତଲେ ଡଂଗତା ଜାଲା ମୁଦା କିହିମାତାଣି ମେସାନା ଏଞ୍ଜାରାଇଁ ଜିକେଏ ହାଟିତେସି । ୨୨ ଏଚେଟିଏ ଏଞ୍ଜାରି ଏ ଦେବୁଣିଏ ଡଂଗ ଅଡ଼େ ତାମି ଆବାଇଁ ପିସାନା ଜୀସୁ ଜେଚ ହାଚେରି ।

ଜୀସୁ ସେବା କାମା ମାଟ୍ନାୟି
(ଲୁକ ୭:୧୭-୧୯)

୨୩ ✨ତାୟି ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକୁଡି କୁଟମି ଇଲକାଣା ଜାପୁହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗାଗାଟି ଲକୁଣି ନେହିଁ କିହାଲି ମାଟ୍ନେସି, ୨୪ ଅଡ଼େ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁଡୁୟା ଆଲଗା ମାତାରାଇଁ, କାଟିଖେତାରାଇଁ, ଇଞ୍ଜା ଚଟ ଖାୟିତାରାଇଁ; ଇଲେତି ହାଚେରକା ରଗାଟି କସୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହିଁ କିତେସି । ୨୫ ଅଡ଼େ ଗାଲିଲି, ଦସଗଟା ନାସ୍କା,* ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାଟୁତା ମାନି ନାସ୍କାଟି ହାଚେରକା ଲକୁ ଜୀସୁ ଜେଚ ହାଚେରି ।



ହରୁ ଲାକ ଜାପ୍ନାୟି

୧ ଜୀସୁ ହାଚେରକା ଲକୁଇଁ ମେସାନା ର ହରୁ ଲାକ ହାଜାନା କୁଗିତେସି, ଇଞ୍ଜା ସୀସୁୟା ଏଞ୍ଜାଣି ତାଗେ ଖାଡେରି । ୨ ଏମ୍ବାଟିଏ ଏଞ୍ଜାସି ଗୁଡି ଏକହାନା ଜାପୁହାଲି ମାଟ୍ନେସି ।

ଆମ୍ବାଆରି ନେହାଁରି
(ଲୁକ ୭:୨୦-୨୩)

୩ ଆମ୍ବାଆରି ଜୀହୁତା ଏନାଆଁ ହିଲୀଆ ଗାଟାରାକି ନେହେଁ,
ଏନିଇଚିହିଁ ଲାକପୁରୁ ରାଜି ଏଞ୍ଜାରି ଖାଇଁ ।
୪ ଆମ୍ବାଆରି ଦୁକୁତା ଡ଼ାହିମାନି ଲକୁତାକି ନେହେଁ,

✨ ୪:୨୩ ୪:୨୩ ମାତି ୯:୩୫; ମାର୍କ ୧:୩୯ * ୪:୨୫ ୪:୨୫ ଦେକାପଲି

- ଏନାଆଁତାକି ଇଚିହଁ ମାହାପୁରୁ ଏଞ୍ଜାରି ଦୁକୁ ଡୁକ୍‌ନେସି ।
 ୫ କପା ହିଲାଆ ଗାଟାରି ନେହେଁ,
 ଏନାଆଁତାକି ଇଚିହଁ ଦାର୍ତ୍ତିତା ଏଞ୍ଜାରି ଅଦିକାରା ଆନେରି ।
 ୬ ମାହାପୁରୁ ଦାର୍ତ୍ତିତା କାମା କିହାଲି ହାକି ଏସ୍‌କି ଗାଟାରି ଏଞ୍ଜାରାକି
 ନେହେଁ,
 ଏନାଆଁତାକି ଇଚିହଁ ମାହାପୁରୁ ଏଞ୍ଜାରାକି ଲଡ଼ାମାନାଣି
 ବାରେ ହାନେସି ।
 ୭ ଏଟକା ଲକୁଣି କାମା ମେହ୍‌ନେରି, ଏଞ୍ଜାରାକି ନେହେଁ,
 ଏନିଇଚିହଁ ମାହାପୁରୁ ଏଞ୍ଜାରାକି କାମା ମେହ୍‌ନେସି,
 ୮ ଆମ୍ବାଆରି ସୁଦୁ ହିୟା ଗାଟାରି ଏଞ୍ଜାରାକି ନେହେଁ,
 ଏନିଇଚିହଁ ଏଞ୍ଜାରି ମାହାପୁରୁକି ମେହ୍‌ନେରି ।
 ୯ ହିଡ଼ଡ଼ି ଗାଟି ଲକୁ ନେହେଁ,
 ଏନିଇଚିହଁ ଏଞ୍ଜାରି ମାହାପୁରୁକି ମୀରକା ଇଞ୍ଜୁଁ ଖେଜିନେରି
 ।
 ୧୦ ☆ମାହାପୁରୁ ଦାର୍ତ୍ତି କାତାତାକି ଦୁକୁ ବେଟାଆନାରି ଏଞ୍ଜାରାକି
 ନେହେଁ,
 ଏନିଇଚିହଁ ଲାକପୁରୁ ରାଜି ଏଞ୍ଜାରିଞ୍ଜାୟି ।
 ୧୧ ☆ଏତିବେଲା ଲକୁ ମିଙ୍ଗ ନା ତାକି ନିୟା କି ଲାଜା କିୟାନେରି,
 ଅଡ଼େ ନା ତାକି ଉଜେ ଉଜେଏ ମୀ କପାଟି ମିଟି କାତା ଜଲାନେରି,
 ଆତିହଁ ମିଙ୍ଗେ ତାକି ନେହେଁ । ୧୨ ☆ରାହାଁ ଆହାନା ଏନ୍ଦାପୁ,
 ଏନାଆଁତାକି ଇଚିହଁ ଲାକପୁରୁତା ମୀ ତାକି ହାରେକା ଦାନା ମାନେ;
 ଏଲେକିହଁଏ, ମୀ ନକିତି ମାହାପୁରୁ ଅଣ୍ଡପୁତି ବଲୁ ଖେହ୍‌ନାରାକି
 ଜିକେଏ ଇଲେକିହଁ ନିୟା କିହାମାତେରି ।

ହାରୁ ଅଡ଼େ ଉଜେଡ଼ି

(ମାର୍କ ୯:୫୦; ଲୁକ ୧:୩୪-୩୫)

- ୧୩ ☆ମୀରୁ ବାରେ ଦାର୍ତ୍ତିତା ହାରୁ ଲେହେଁ, ସାମା ହାରୁ ମୁଆତିହଁ,
 ଅଡ଼େ ଏଦାଆଁ ଏମିୟା ଜିକେଏ ଲେମ୍ବାଲି ଆଏ, ଇଞ୍ଜା ଏଡ଼ି ଏନି
 କାମାତା ପାଡ଼ା ଆଏ, ଲକୁ ଏଦାଆଁ କଡ଼ା ଡ଼ଇ ଝିସା ହାନେରି ।

☆ ୫:୧୦ ୫:୧୦ ପିପିତ ୩:୧୪ ☆ ୫:୧୧ ୫:୧୧ ପିପିତ ୪:୧୪ ☆ ୫:୧୨ ୫:୧୨ କାମା
 ୭:୫୨ ☆ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫

୧୪ ☆ମୀରୁ ଦାର୍ତ୍ତିତ ଉଦ୍ଦେଷି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଡ଼ି ଏତେଲା ଡ଼ଗୁନା ଡ଼ୟାଲି ଆଡ଼େଏ ।
 ୧୫ ☆ଅଡ଼େ ଦୀର୍ଘ ଡ଼ାସାନା ଆମ୍ବାଆରି ମାଣା ପୁକ୍ତହାନା ଇଟଅରି, ସାମା ଏଦାନି ଦୀର୍ଘ ସଡ଼ାତା ଇଟିନେରି, ଆତିହ୍ମ ଇଲୁତା ଖାନି ବାରେ ଲକୁ ଉଦ୍ଦେଷି ମେହ୍ନେରି । ୧୬ ☆ଏଲେକିହ୍ମ ଏ ମୀ ଉଦ୍ଦେଷି ଲକୁ ନକିତା ନେହ୍ମ କ୍ମ ଡ଼ଞ୍ଜାଆପେ, ଏନିକ୍ମ ଏଞ୍ଜାରି ମୀ ନେହ୍ମ କାମା ମେସାନା ଲାକପୁରୁତି ଆଡ଼ାତି ଗାଞ୍ଜୁରମି କିନେରି ।

ମେରାତି କାତା ଜାପ୍ନାୟି

୧୭ ନାଙ୍ଗେ ମସାତି ମେରା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି ମେରାତି ମ୍ବେକ୍ତହାଲି ଖାହାମାନେସି ଇଞ୍ଜ୍ମ ଅଣ୍ପାଆଦୁ; ନାନୁ ମ୍ବେକ୍ତହାଲି ଖାହାହିଲଅଁ ସାମା ଇ ବାରେ ପୁରା କିହାଲି ଖାହାମାଲ । ୧୮ ☆ଏନାଆଁତାକି ଇଟିହ୍ମ ନାନୁ ମିଙ୍ଗେ ସାତା ଝେସିମାଞ୍ଜାଲ୍, ହାଗୁପାକା ଅଡ଼େ ଦାର୍ତ୍ତି ମେଶଙ୍ଗାଆ ପାତେକା ଇଞ୍ଜା ଇ ବାରେ ଆଆପାତେକା ମସା ମେରାତି ଇଟାୟି ସିନା ଜିକେଏ ମେଶଙ୍ଗେଏ । ୧୯ ଏନାଆଁତାକି ଇଟିହ୍ମ ଆମ୍ବାଆସି ଇ ହୁକୁମିଟି ର ଉଣା ହୁକୁମି ମାନୁଞ୍ଜି ଆଅସି ଅଡ଼େ ଲକୁଇଁ ଏଲେକିହ୍ମ ଏ ଜାପ୍ନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜ୍ମ ଝେଙ୍ଗିନେସି; ସାମା ଆମ୍ବାଆସି ମାନୁଞ୍ଜି ଆନେସି ଅଡ଼େ ଜାପ୍ନେସି ଏଞ୍ଜାସି ଲାକପୁରୁ କାଜାସି ଇଞ୍ଜ୍ମ ଝେଙ୍ଗିନେସି । ୨୦ ଏନାଆଁତାକି ଇଟିହ୍ମ ନାନୁ ମିଙ୍ଗେ ଝେସିମାଞ୍ଜାଲ୍, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମ୍ବୁ ହାରେକା ଆଆତିହ୍ମ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅତେରି ।

କପା ଗାଟାଣି ଜାପ୍ନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଇଁ ଝେସ୍ପିଆହାମାତେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଞ୍ଜାସି ନାହାୟି ପାଙ୍ଗାତା ଡ଼ଣ୍ଡ ବେଟା ଆନେସି ।’”
 ୨୨ ସାମା ନାନୁ ମିଙ୍ଗେ ଝେସିମାଞ୍ଜାଲ୍, ଆମ୍ବାଆସି ତାମି ତାୟି ଲାକ

☆ ୫:୧୪ ୫:୧୪ ଜହ ୮:୧୨; ୯:୫ ☆ ୫:୧୫ ୫:୧୫ ମାର୍ଚ୍ଚ ୪:୨୧; ଲୁକ ୮:୧୬; ୧୧:୩୩

☆ ୫:୧୬ ୫:୧୬ ସ୍ପିଚ ୨:୧୨ ☆ ୫:୧୮ ୫:୧୮ ଲୁକ ୧୬:୧୭

କପାଆନେସି, ଏଝାସି ନୀହାୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାମି ତାୟିଇଁ କାରବିଗାଟାତି ଇଞ୍ଜାଁ ଇନେସି, ଏଝାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲ୍ଲଆଗାଟାତି ଇଞ୍ଜାଁ ଇନେସି, ଏଝାସି ହିରୁ ଗାଡ଼ୟୁତା ମେଡ଼ପି ଆନେସି । ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜାଁ ଏମ୍ବାଆଁ ଅଣପୁ ଖାନେ, ୨୪ ଆତିହଁ ଏଡ଼ିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି ଜେଟ ଖେଣ୍ଡା ଖାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନାନୁ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲ୍ଲାତା ଜିରୁତେଏ କାଲ୍ଲୁଝି ଆୟାଲି ଅଣପାମ୍, ଆଆଡ଼ିଁ ଏଝାସି ନିଙ୍ଗେ ନୀହାୟି କିନାଣି ତାଣା ହେରପାନେସି, ଅଡ଼େ ନୀହାୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଝାରି କାୟିଦି ଇଲୁତା ସୁଣ୍ଡାନେରି । ୨୬ ନାନୁ ମିଙ୍ଗେ ସାତା ଖେସିମାଞ୍ଜାଇଁ ମୀ ତାକି କିଝିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନିଜିକେଏ ହଡ଼ାଞ୍ଜାହାଲି ଆଡ଼ଅଡ଼େରି ।

ଦାରିକାମା କିଆଦୁ ଇଞ୍ଜାଁ ଜାପ୍ନାୟି

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜାଁ ରାସ୍‌କି ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣପୁ ତଲେ ସିନିକିନେସି, ଇଞ୍ଜାଁ ଏଝାସି ଏଦାନିତଲେ ମନ ମନତା ଦାରିକାମା କିତେସିଏ । ୨୯ ☆ଅଡ଼େ ମୀ ଚିଠନି କାନୁ ମିଙ୍ଗେ ପାପୁ କିଝିକିୟାନେ ଇତିହଁ ଏ କାନୁ ଡ଼େଞ୍ଜା କୁତାଦୁ, ଇତିହଁ ମୀ ବାରେ ଆଙ୍ଗା ନକର୍ତା ରିନି କିହାଁ, ଆଙ୍ଗାତି ର ବାଗା ହିଲ୍ଲାଆଗାଟାଇ ନେହେଁ । ୩୦ ☆ଇଞ୍ଜାଁ ମୀ ଚିଠନି କେୟୁ ମିଙ୍ଗେ ପାପୁ କିଝିକିୟାନେ ଇତିହଁ ଏଦାଆଁ ଜାଚାନା କୁତାଦୁ, ଇତିହଁ ମୀ ବାରେ ଆଙ୍ଗା ନକର୍ତା ରିନିବାଟା ଆଙ୍ଗାତି ର କେୟୁ ହିଲ୍ଲାଆଗାଟାୟି ନେହେଁ ।

ତକ୍ରିନି ପିହ୍ନି କାତା

(ମାତ୍ରି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✧ ଅଡ଼େ ରାସ୍‌କି ଆହାମାନେ, ଆମ୍ବାଆସି ତାନି ତକ୍ରିନି ପିହ୍ନେସି, ଇଚିହିଁ ଏଞ୍ଜାସି ଏଦାନାକି ପିହ୍ନି ଆକୁ ରାଚାନା ହୀପେସି ।
 ୩୨ ✧ ସାମା ନାନୁ ମିଙ୍ଗେ ୱେସିମାଞ୍ଜାଇଁ, ଆମ୍ବାଆସି ତାନି ତକ୍ରିନି ଦାରି କାମାତି ଦହ୍ ହିଲ୍ଲାଆନା ତକ୍ରିନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସ୍ତି ଇୟାନି ବୀହା ଆନେସି, ଏଞ୍ଜାସି ଜିକେଏ ଦାରେଲ୍ଲା ଆନେସି ।

ପାର୍‌ମାଣା

୩୩ ଅଡ଼େ ମୀରୁ ୱେଞ୍ଜାମାଞ୍ଜେରି, ତଲିକାଲ୍ଲାତି ଲକୁଣି ୱେସ୍‌ପି ଆହିମାଚେ, ମୀରୁ ମିଚି ପାର୍‌ମାଣା କିଆଦୁ, ସାମା ପାର୍‌ମାଣା କିହାମାନାଣି ତିକ୍‌ଆନି, ମାହାପୁରୁ ନକିତା ପୁରା କିଦୁ । ୩୪ ✧ ସାମା ନାନୁ ମିଙ୍ଗେ ୱେସିମାଞ୍ଜାଇଁ ପାର୍‌ମାଣା କିଝୁଏ କିଆଦୁ; ପାର୍‌ମାଣା କିନି ବେଲ୍ଲା ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି ସିଂଗାସାଣି; ୩୫ ଅଡ଼େ ଦାରୁତିତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି କତାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାର୍‌ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା; ୩୬ ଇଞ୍ଜା ମୀ ତାୟୁଁ ତୁଁ ପାର୍‌ମାଣା କିଆଦୁ, ଇଚିହିଁ ମୀ ତାୟୁଁ ତୁଁ ର ବାଣା କାଡ଼ିୟା ଆଆତ୍ ଦବ୍‌ଲା କିହାଲିତାକି ମୀ ବାଡ଼ୟୁ ହିଲେଏ, ୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍‌ପେ ଏନାଆଁ ଇଚାଣି ଆଗାଡ଼ା କାଲ୍‌ହିହିଁ ଏଦି ଲାଗେଏ ତାଣାଟି ୱାନେ ।

ରୀକି ଆହ୍‌ନାୟି

(ଲୁକ ୭:୨୯-୩୦)

୩୮ ମୀରୁ ଇ କାତା ୱେଞ୍ଜାମାଞ୍ଜେରି, ରାସ୍‌କି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ୱେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା

✧ ୫:୩୧ ୫:୩୧ ମାତ୍ରି ୧୯:୭; ମାର୍କ ୧୦:୪ ✧ ୫:୩୨ ୫:୩୨ ମାତ୍ରି ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧ ✧ ୫:୩୪ ୫:୩୪ ଜାକୁବ ୫:୧୨; ମାତ୍ରି ୨୩:୨୨

ଆତ୍ମାଆସି ନୀ ଚିଃନି ଗେଏଲାତା ସାପ୍ତା ଝେତାନେସି, ଏଝାଣାକି ଅର ଗେଏଲା ଜିକେଏ ତହୁଦୁ । ୪୦ ଇଞ୍ଜା ଆତ୍ମାଆସି ନୀହାଁୟି ପାଙ୍ଗାତା ମୀ ସକା ଅହାଲି ମନ କିତିହୁ ଏଝାଣାକି ମୀ ହିମ୍ବର ଜିକେଏ ହୀଦୁ । ୪୧ ଆମିନି ଦେସା ସାଲୁଝି କିନାସି ମିଙ୍ଗେ ବଜୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଝାଣିତଲେ ରୀ କିଲମିଟର ହାଜୁ । ୪୨ ଆତ୍ମାଆସି ମିଙ୍ଗେ ରୀସ୍ତାନେସି, ଏଝାଣାକି ହୀଦୁ, ଅଡେ ଆତ୍ମାଆସି ମୀ ତାଣାଟି ରୀଣା ଅହାଲି ମନ କିନେସି ଏଝାଣାକି ଆସି ଇନାଆଦୁ ।

ସାତୁୟାଁଇଁ ଜୀଝୁନଦୁ (ଲୁକ ୭:୨୭-୩୭)

୪୩ ମୀରୁ ଝେଞ୍ଜାମାଞ୍ଜେରି, ରାସ୍‌କି ଆହାମାନେ, ମୀ ପାଡ଼ିତାଣାକି ଜୀଝୁନଦୁ ଇଞ୍ଜା ସାତୁୟାଁଣି ଅପାଆଦୁ । ୪୪ ସାମା ନାନୁ ମିଙ୍ଗେ ଝେସିମାଞ୍ଜାକି, ମୀ ସାତୁୟାଁଇଁ ଜୀଝୁନଦୁ, ଇଞ୍ଜା ଆତ୍ମାଆରି ମିଙ୍ଗେ ନିନ୍ଦା କିନ୍ଦାନେରି, ଏଝାରି ତାକି ପ୍ରାଡାନା କିଦୁ । ୪୫ ଏନିକି ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡେ ଲାଗେଏ ପଲେଏତି ବାରେ ଲକୁତାକି ଝେଡ଼ା ଉଜେଡ଼ି ହୀନାସି ଅଡେ ଦାମ୍‌ଗାଟାରି ଅଡେ ଦାମ୍ ହିଲାଆ ଗାଟାରାକି ଜିକେଏ ପିୟୁ ହୀନେସି । ୪୬ ଇଞ୍ଜା ଆତ୍ମାଆରି ମିଙ୍ଗେ ଜୀଝୁ ନୟାଁନେରି ଏ ଲକୁଇଁଦେଁ ଜୀଝୁ ନତିହୁ ଏନାୟି ମେଡ଼ାଆୟାନେ ? ସିସ୍ତୁ ରୁହନାରି ଜିକେଏ ଏଦାଆଁ କିଅରିକି ? ୪୭ ଅଡେ ମୀରୁ ମୀ ତାୟିୟାଁଇଁ ଜହରା କିଦେରି, ଏମ୍ବାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକି ବାରେକିହାଁ ନେହାଁସି ମୀରୁ ଜିକେଏ ଏଲେକି ନେହୁ ଆଦୁ ।



ଦାନା ହୀନାଣି ଜାପୁନାୟି

୧ ☆ ଲକୁ ମେସ୍ତାପେରିଝା ଇଞ୍ଜା ଲକୁ ନକିତା ଦାମ୍‌ଡ଼ି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡିହୁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହୀନାଟି କୁରୁ ଗାଟାରିଲେହେଁ ଜାହାରା ନକିତା ତାତ୍ରି ଓକାଆଦୁ; ଏଞ୍ଜାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି କୁଟମି ଇଲୁତା* ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି । ୩ ସାମା ମୀରୁ ଦାନା ହୀନାଟି ମୀ ଟିଃନି କେୟୁ ଏନାଆଁ କିହିମାନେ ମୀ ଚେତ୍ରି କେୟୁ ପୁନାଆପେ, ୪ ଏନିକିଁ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଞ୍ଜାସି ମିଙ୍ଗେ ଦାନା ହିୟାନେସି ।

ପ୍ରାତାନା (ଲୁକ ୧୧:୨-୪)

୫ ✨ ପ୍ରାତାନା କିନାଟି କୁରୁ ଗାଟାରିଲେହେଁ ଆଆଦୁ, ଏନାଆଁତାକି ଇତିହିଁ ଏଞ୍ଜାରି ଲକୁଣି ତସାଲି ତାକି, ଜୀହୁଦି ଲକୁତି କୁଟମି ଇଲୁତା† ଅଡେ ଡେଡା ଜିରୁତି କନତା ନିଚାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଜାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିତ୍ରା ହାଜୁ, ଇଞ୍ଜା ଦାରା ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡଗ୍ନାନା ମେସ୍ତାନେସି ଏଞ୍ଜାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଚେପେଚେ ଜଳାଆଦୁ, ଏନାଆଁତାକି ଇତିହିଁ ଏଞ୍ଜାରି ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି । ୮ ଏଦାଆଁତାକି ଏଞ୍ଜାରିଲେହେଁ ଆଆଦୁ, ଏନାଆଁତାକି ଇତିହିଁ ମିଙ୍ଗେ ଏନାୟି ଲଡାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଇଲେକିହିଁ ପ୍ରାତାନା କିଦୁ;

ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜିଁ ମାନଞ୍ଜି ଆପେ;

୧୦ ନୀ ରାଜି ଝାପେ;

* ୭:୨ ୭:୨ ସିନଗର୍ ✨ ୭:୫ ୭:୫ ଲୁକ ୧୮:୧୦-୧୪ † ୭:୫ ୭:୫ ସିନଗର୍

ଲାକପୁରୁତି ଲେହେଁ ଦାର୍ତ୍ତିତା ଜିକେଏ ନୀ କାତେଏ ଆପେ,
 ୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମ୍,
 ୧୨ ମା କପାତଲେ ଦହ୍ କିହାମାନି ଲକୁଣି ମାମ୍ମୁନିକିହିଁ ଦହ୍
 ଆହ୍‌ଅମି,
 ଏଲେକିହିଁ ମା ଦହ୍ ବାରେ ମ୍ମେକ୍‌ହାମ୍ ।
 ୧୩ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି
 ପିସ୍‌ପି କିୟାମ୍,
 ଏନିକିହିଁ ରାଜି ବାଡ଼୍‌ମ୍ କାଜାପାଣା କାଲା କାଲାତାକି
 ନୀଦିଏ ଆପେ । ଆମେନ୍ ।

୧୪ ☆କିହିଁ ମୀରୁ ଏଟ୍‌କା ଲକୁତି ପାପୁ ବାରେ ମ୍ମେକ୍‌ହିସାରେ,
 ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ମେକ୍‌ହାନେସି;
 ୧୫ ସାମା ମୀରୁ ଲକୁତି ପାପୁ ମ୍ମେକ୍‌ଆସାରେ, ମୀ ଆବା ଜିକେଏ ମୀ
 ପାପୁ ମ୍ମେକ୍‌ହଅସି ।

ଉପାସା କିନାଣି ଜାପ୍‌ନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମ୍ମୁମ୍‌ତୁ ଝାଡ଼ି କିଆଦୁ,
 ଏନାଆତାକି କିହିଁ ଏଞ୍ଜାରି ଉପାସା କିହିମାନେରି ଇଞ୍ଜିଁ ଲକୁଣି
 ତସାଲି ତାମି ମ୍ମୁମ୍‌ ଝାଡ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାକ୍
 ଏଞ୍ଜାରି ତାମି ଦାନା ବେଟାଆହାମାନେରି । ୧୭ ସାମା ମୀରୁ ଉପାସା
 କିନାଟି, ମୀ ତାୟିଁ ତୁ ନିୟୁଁ ଉହ୍‌ଦୁ ଅଡ଼େ ମ୍ମୁମ୍‌ ନରହା କତାଦୁ ।
 ୧୮ ଏନିକିହିଁ ମୀରୁ ଉପାସା କିହିମାନେରି ଇଞ୍ଜିଁ ଲକୁ ନକିତା ତଞ୍ଜା
 ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା
 ଆଦେରି; ଅଡ଼େ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା
 ହିୟାନେସି ।

ଲାକପୁରୁତି ଦନ

(ଲୁକ ୧୨:୩୩-୩୪)

୧୯ “ଏମ୍‌ୟା ସୀର୍‌ନେ ଇଞ୍ଜାଁ ଲୀମ୍‌ ତୁନେ ଅଡ଼େ ସରକା କାତି
 ତୁକ୍‌ହାନା ସରୁ କିହା ଅନେରି, ଇଲେତି ଦାର୍ତ୍ତିତା ମିଙ୍ଗେତାକି ଦନ
 କୁଡ଼ିକିହାଁ ଇଟାଆଦୁ । ୨୦ ସାମା ଆମ୍‌ୟା ସୀର୍‌ଏ ଇଞ୍ଜାଁ ଲୀମ୍‌ ତୁନେଏ

ଅଡ଼େ ସରକା କାଡ଼ି ତୁକ୍‌ହାନା ମାଣ୍ଡରା ଅଧରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ, ୨୧ ଇତିହିଁ ଆମ୍ବିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।”

ଆଜ୍ଞାତି ଉଜେଡ଼ି (ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଝିଁ ଲେହେଁ, ଇତିହିଁ ମୀ କାନୁ ନେହିଁ ମାନେ, ଆଡ଼ିହିଁ ମୀ ବାରେ ଆଜ୍ଞା ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ ମାନେ, ଆଡ଼ିହିଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ । ଏନାଆଁତାକି ଇତିହିଁ ମୀ ଆଜ୍ଞାତି ଉଜେଡ଼ି ଆନ୍ଦେରି ଆଡ଼ିହିଁ ଏ ଆନ୍ଦେରି ଏଚେକା ଆଜିନାୟି ଆନେ ।

ମାହାପୁରୁ ଅଡ଼େ ଦନ (ଲୁକ ୧୭:୧୩; ୧୭:୨୨-୩୧)

୨୪ ଆମ୍ବାଆସି ଜିକେଏ ରୀ ସାଝୁକାରି ତାଣା ହୁଲେଏସି ଆହାଲି ଆଡ଼ଅସି; ଏନାଆଁତାକି ଇତିହିଁ ଏଝାସି ରଅଣାଲ୍ ଜୀଝୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡ଼େ ରଅଣାଲ୍ ମାନଝି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜ୍ଞା ଆହାଲି ଆଡ଼ଅଡେରି ।

୨୫ ଏନାଆଁତାକି ନାନୁ ମିଙ୍ଗେ ଝେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକ୍ ମୀ ଜୀଝୁତାକି, ଏନାଆଁ ତୁରନାୟି ଇଲେକ୍ ମୀ ଆଜ୍ଞା ତାକି ଅଣ୍ପାଆଦୁ, ରାନ୍ଦାକିହା ଜୀଝୁ, ହିମ୍ବୁରିକା କିହାଁ ଆଜ୍ଞା କାଜାୟି ଆଏକି ? ୨୬ ପଗାୟାଣି ସିନିକିଦୁ, ଏଝି ମାଗାଉ କି ଦାଉ କି ଗାଦେୟିତା କୁଡ଼ିକିହାଁ ଇଗାଉ, ଏଲେଆଡ଼ିଝା ଲାକପୁରୁତି ଆବା ଏଝାସିକାକି ତାମି ରାନ୍ଦା ହାହିମାନେସି, ଏଝାସିକା କିହାଁ ମୀରୁ କାଜାଡେରି ଆଏକି ? ୨୭ ଅଡ଼େ ମୀ ବିତ୍ତାଟି ଆମ୍ବାଆସି ତାନି ଗାଡ଼ି ଅଣ୍ପୁ ତଲେ ତାନି ଜୀଝୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଣ୍ପିମାଞ୍ଜେରି ? ଜାଡ଼ାତି ପୁଞ୍ଜାଣି ସିନିକିହାଁ ଅଣ୍ପିମାନା ଜାପାଦୁ, ଏଝି ଏନିକ୍ ପାତାଆନୁ; ଏଝି କସ୍ତୁ କିଉ କି ଲୁଲୁ ଦାଉ, ୨୯ ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଲ୍, ରାଜା ସଲମନ ଗାଡ଼ି ଦାରାତି ହିମ୍ବୁରିକା ହୁଟିମାଟିହିଁ ଜିକେଏ ଏ ପୁଞ୍ଜା

ବିଭ୍ରାଟି ର ପୁଅ ଲେହେଁ ଅଜା ହିଲାଆଡେସି । ୩୦ ସାମା ଗୁଡ଼ିୟତା ଡ଼ିନି ଗାକି ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆଡ଼େ, ଏଦାନାକି ମାହାପୁରୁ ଇଚେକା ନେହଁ ଅଜୁ ହାତିହଁ, ଏ ନାମୁ ହିଲାଆଗାଟାଡେରି ମିଙ୍ଗେ ହାରେକା ଗାତି ହିମ୍ବରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହଁ ଅଣ୍ଡାପାଆଦୁ । ୩୨ ଇଚିହଁ ଜୀହୁଦିଆଆତି ଲକୁ ଇ ବାରେ ପାରିନେରି, ଅଡ଼େ ଇ ବାରେ ମିଙ୍ଗେ ଲଡ଼ାମାନେ ଇଞ୍ଜି ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମୀରୁ ନକେଏ ମାହାପୁରୁତି ରାଜି ଅଡ଼େ ଦାମ୍ବୁତି ପାରାଦୁ, ଆତିହଁ ମୀ ଲଡ଼ାମାନି ବାରେ ହୀପକିଆଡ଼େ । ୩୪ ଇଚିହଁ ଝିଏତାକି ଅଣ୍ଡାପାଆଦୁ, ଏନାଆଁତାକି ଇଚିହଁ ଝିଏତି ଅଣ୍ଡାପୁ ଝିଏ ମୀରୁ ମିଙ୍ଗେତାକି ଅଣ୍ଡାପିଦେରି, ଇଚିହଁ ନୀଞ୍ଜୁତି କସୁ ନୀଞ୍ଜୁତାକି ସାରି ।



ଏଟକା ତାରାଇଁ ନୀହାଁୟି କିନାୟି
(ଲୁକ ୭:୩୭-୩୮; ୪:୧-୪୨)

୧ ମୀରୁ ଏନିକିଁ ନୀହାଁୟି କିଝି ଆଅଡେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାଁୟି କିଆଦୁ । ୨ ଇଚିହଁ ମୀରୁ ଏନିକିଁ ଲକୁଣି ନୀହାଁୟି କିଦେରି, ଏଲେକିହଁଏ ମୀରୁ ଜିକେଏ ନୀହାଁୟି କିଝିଆଡ଼େରି; ଅଡ଼େ ଆମିନି ମାଣାତଲେ ଲାଟିଦେରି ଏ ମାଣା ତଲେ ମିଙ୍ଗେ ଲାଟା ହିୟାନେରି । ୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଡାପି ହିଲଅତି କି ? ୪ ଅଡ଼େ ନୀନୁ ଏନିକିଁ ମୀ ତାୟିଇଁ ଏଲେଇଞ୍ଜି ଝାମୁ, ନୀ କାନୁତି ଲାଟା ଡ଼େଝାଇଁ, ଅଡ଼େ ମେହମୁ ନୀ କାନୁତେଏ କାଜା ଲାଟା ମାନେ ! ୫ ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡ଼େଝା କଡାମୁ, ଆତିହଁ ମୀ ତାୟି କାନୁତି ଲାଟା ଡ଼େଝାଲି ନେହଁକିଁ ମେସାଲି ଆଡ଼ିଦି ।

୭ “ନେହଁ ଆସ୍ତିତି ନେସ୍ତକାକି ହୀଆଦୁ, ଏଝି ଖେଣ୍ଡେ ତିରଝାହଁ କାଚାନୁ ଇଞ୍ଜା ବାଂଗାରା କିହଁ ଆଗାଡ଼ା ଦାରାଗାଟି ହୀଙ୍ଗା ପାଜିୟାଁ ନକିତା ମେଡ଼ଆଦୁ, ଏଝି ଏଦାନି କାଦତା ତୁଡ଼ବିନୁ ।”

ରୀହଦୁ, ପାରାଦୁ ଅଡ଼େ ଦୁଝେରିତା ଝେଦୁ
(ଲୁକ ୧୧:୯-୧୩)

୭ “ରୀହଦୁ ଆତିହଁ ମିଙ୍ଗେ ହୀପକିଆନେ; ପାରାଦୁ ଆତିହଁ ମିଙ୍ଗେ ମେଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ । ି ଇତିହଁ ଆମ୍ବାଆସି ରୀହନେସି, ଏଝାସି ବେଟାଆନେସି; ଆମ୍ବାଆସି ପାରିନେସି, ଏଝାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଣାକି ଦାରା ଦେପିଆନେ ।
୯ ଇତିହଁ ମୀ ବିଡ଼ା ଆମ୍ବାଆସି ଇଲେତି ମାଣସି ମାନେସି, ତାନି ମୀରୁଏସି ରୁଟି ରୀସ୍ତିସାରେ ଏଝାଣାକି ଝାଲ୍‌କା ହୀନେସି, ୧୦ ଅଡ଼େ ମୀନୁ ରୀସ୍ତିସାରେ ଏଝାଣାକି ରାରୁ ହୀନେସି ? ୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍ତକାକି ନେହଁଣି ହୀହିମାଞ୍ଜେରି, ଆତିହଁ ମୀ ଲାକପୁରୁତି ଆବା ନକିତା ରୀହନି ଲକୁ ଏଚେକା ନେହା ନେହଁଣି ହୀଅସି !”

୧୨ ☆“ଏଦାଆଁତାକି ଲକୁ ମିଙ୍ଗେ ତାକି ଏନିକଁ ଲେମ୍ବାପେରି ଇଞ୍ଜାଁ ମୀରୁ ଅଣ୍ଡାପିମାଞ୍ଜେରି, ମୀରୁ ଜିକେଏ ଏଝାରାଈଁ ଏଲେକିହଁ କିଦୁ, ଏନାଆଁତାକି ଇତିହଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣ୍ଡାପୁତି ବଲୁ ଝେହ୍ନି ଦାମ୍ବୁ ପତିତି କାତା ।”

ଜାକ୍‌ଣି ଦୁଝେରି
(ଲୁକ ୧୩:୨)

୧୩ ଜାକ୍‌ଣି ଦୁଝେରିଟି ହୀଜୁ, ଏନାଆଁତାକି ଇତିହଁ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଝାକି ଅନାୟି, ଏ ଜିରୁଟି ହୀରେକା ଲକୁ ହୀନେରି । ୧୪ ଅଡ଼େ ଜୀଝୁତା ଅନି ଦୁଝେରି ଜାକ୍‌ଣି ଇଞ୍ଜାଁ ଏମ୍ବାଆଁ ହାନି ଜିରୁ କସ୍ତାଗାଟାୟି ଏ ଜିରୁଟି ହାନି ଲକୁ ହୀରେକା ଉଣା ।

ମାର୍‌ନୁ ଅଡ଼େ ତାନି ପାଡ଼େୟି

(ଲୁକ ୭:୪୩-୪୪)

୧୫ “ମାହାପୁରୁ ବଲ୍ଲୁ ଝେହ୍ନାତମି ଇଞ୍ଜିଁ ଝେସାନା ମିତି କାତା ଝେହ୍ନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟାଁ ଖାଣା ଆସାନା ମୀ ତାଣା ଖାନ୍‌ନେରି, ସାମା ଏଞ୍ଜାରି ହିୟାତା କାର୍‌ବି ଆଡ଼ି କ୍ଳାଝନି !
 ୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପକା ମାର୍‌ନୁତା ଅଞ୍ଜୁରି ପାଡ଼େୟି ଆଆଡ଼ିହିଁ ଅଣଙ୍ଗ ମାର୍‌ନୁତା ତୟା ପାଡ଼େୟି ଏହ୍‌ନେରି ? ୧୭ ଏଲେକିହିଁ ଏ ନେହିଁ ମାର୍‌ନୁତା ବାରେ ନେହିଁ ପାଡ଼େୟି ଅଡ଼େ ଲାଗେଏତି ମାର୍‌ନୁତା ବାରେ ଲାଗେଏତି ପାଡ଼େୟି ଆୟିନେ । ୧୮ ନେହିଁ ମାର୍‌ନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାର୍‌ନୁ ନେହିଁ ପାଡ଼େୟି ଆୟାଲି ଆଡ଼େଏ । ୧୯ ☆ଆମିନି ମାର୍‌ନୁ ନେହିଁ ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିରୁତା ମେଡ଼ପି ଆନେ । ୨୦ ☆ଏଲେକିହିଁ ଏ ମିତି ମାହାପୁରୁ ବଲ୍ଲୁ ଝେହ୍ନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ

(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜିଁ ହାଟାନ୍‌ନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଝେସ୍ତି କାତା ମାନୁଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି । ୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମ୍ବୁ ନୀ ଦରୁତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ଆତମି କି ? ଅଡ଼େ ନୀ ଦରୁତଲେ ବୁଡୁୟାଁଇଁ ପିସ୍‌ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ? ୨୩ ଏତିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇଇଁ ଏ ଲାଗେଏ ପଲେଏ ଗାଟାତେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ ।”

ରୀ ଇଲକା କେପିନାରି

(ଲୁକ ୭:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେତାସି । ୨୪ ଗାଡ଼ି ପିୟୁ ରାତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁଡି ଗୁପିତେ, ସାମା ଏ ଇଲୁ ରିଆଡେ, ଇଚିହୁ ଏଦି ପାକାତା କାନ୍ଦା କାରୁହାନା ପୁନାଦି ଦସାମାଚାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଜାନା ମାନଞ୍ଜି ଆଅସି ଏଞ୍ଜାସି ବାଞ୍ଜଲି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେତାସି । ୨୬ ଗାଡ଼ି ପିୟୁ ରାତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁଡି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ ।”

ଜୀସୁତି କାଜାପାଣା

୨୮ ✱ଜୀସୁ ଇ ବାରେ କାତା ରାପୁହି ଜେତ ତାନି କାତା ଖେଚାରି କାବା ଆଡ଼େରି । ୨୯ ଇଚିହୁ ଏଞ୍ଜାସି ତାମି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପୁହି ମାଚେସି ।

୮

ଜୀସୁ କାଜା ରଗ ଗାଟାଣାଇଁ ନେହୁଁ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ଡାୟୁ ମାନ୍ଦା ଲକୁ ତାନି ଜେତ ହାଚେରି । ୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହୁଁ ମେଣ୍ଡାକୁତାନା ଜହରା କିହୁଁ ଏଲେଇଚେସି, “ପ୍ରବୁ ନୀନୁ ମନ କିତିହୁଁ ନାଜେ ନେହୁଁ କିହାଲି ଆଡ଼ାଦି ।”

୩ ଏଚେଟିଏ ଜୀସୁ କେୟୁ ଦାସାହୁଁ ତାଙ୍ଗ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହୁଁ ଆମ୍ବୁ ।” ଏ ଦେବୁଣିଏ କାଜା ରଗ ଗାଟାସି ନେହୁଁ ଆଡ଼େସି । ୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହୁଆନି, ସାମା ନୀନୁ କାଜା ପୁଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଅଡ଼େ ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ସାକି ହୀନିଲେହେଁ ହେରପାମ୍ବୁ ।”

✱ ୭:୨୮ ୭:୨୮ ମାର୍କ ୧:୨୨; ଲୁକ ୫:୩୨

ଜୀସୁ ର ରମିୟ କସ୍କା ହଲେଏଣାଙ୍କ ନେହଁ କିନାୟି
(ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସ୍କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାତିମାଲିହଁ ଏଲେଇଚେସି, ୬ “ଏ ପ୍ରବୁ, ନା ହଲେଏସି ଟଟଝାୟାନା ହାରେକା କସୁ ଆହଁ ଇଜ କାଚେଲିତା ତୁରାମାନେସି ।”

୭ ଜୀସୁ ଏଞ୍ଜାଣାଙ୍କ ଏଲେଇଚେସି, “ନାନୁ ଖାହାନା ଏଞ୍ଜାଣାଙ୍କ ନେହଁ କିଇଁ ।”

୮ ସାମା ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନାନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜଟେ ଆଏ; ସାମା ନାନୁ ର ପଦୁ ଝେସା ପାଣ୍ଡାମୁ, ନା ହଲେଏସି ନେହଁ ଆନେସି । ୯ ଇଚିହଁ ନାନୁ ରଅଣି ତାଣା କାମା କିନି ମାଣ୍ଡସି ଆଡ଼ିହଁ ଜିକେଏ ନା ଅଦିକାରାତା ଅଡ଼େ କସ୍କା ମାନେରି; ନାନୁ ରଅଣାଙ୍କ ହାଲାମୁ ଇଚିହଁ ଏଞ୍ଜାସି ହାନେସି; ଅଡ଼େ ରଅଣାଙ୍କ ଖାମୁ ଇଚିହଁ ଖାନେସି; ଅଡ଼େ ନା ହଲେଏଣାଙ୍କ ଇଦାଆଁ କିମୁ ଇଚିହଁ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡେସି, ଅଡ଼େ ତାନି ଜେଟ ଖାହିମାଚି ଲକୁଣି ଏଲେଇଚେସି, ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ଇସ୍ରାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ । ୧୧ *ସାମା ନାନୁ ମିଙ୍ଗେ ଝେସିମାଞ୍ଜାଙ୍କ, ହାରେକା ଲକୁ ଝେଡ଼ା ହପୁ ଖାକିଚି ଅଡ଼େ ଝେଡ଼ା କୁଡ଼ନି ଖାକିଚି ଖାହାନା ଅରୁହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି । ୧୨ *ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲକା ଟୀଚି କିହଁ ଡୀନେରି । ୧୩ ଅଡ଼େ ଜୀସୁ ଏ କାଜାଣାଙ୍କ ଏଲେଇଚେସି, ଇଜ ହାଲାମୁ, ଏନିକିହଁ ନାମାମାଞ୍ଜି ନିଙ୍ଗେତାକି ଏଲେକିହଁ ଆପେ । ଏ ଦେବୁଣିଏ ଏ ହଲେଏସି ନେହଁ ଆଡେସି ।

ଜୀସୁ ହାରେକା ଲକୁଣି ନେହଁ କିନାୟି
(ମାର୍କ ୧:୨୯-୩୪; ଲୁକ ୪:୩୮-୪୧)

☆ ଗ:୧୧ ଗ:୧୧ ଲୁକ ୧୩:୨୯ ☆ ଗ:୧୨ ଗ:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

୧୪ ତାହା ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଟେଲିତା ତୁରାମାନାଣି ମେସ୍ତେସି । ୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସ୍ତେ, ଅଡ଼େ ନିଜ୍ଜାନା ଏଞ୍ଜାଣି ସେବା କିହାଲି ମାଟ୍ତହେ ।

୧୬ ମିଡ଼ଅଲ୍ଲା ଆହାଲିଏ ଲକୁ ହାରେକା ବୃତୁ ଆଲ୍‌ଗାମାଟି ଲକୁଣି ଜୀସୁ ତାଣା ତାତେରି, ଏଚେଟିଏ ଜୀସୁତି ର ବଲୁ ତାକି ବୃତୁୟାଁ ଏଞ୍ଜାରି ତାଣାଟି ହରାହାରୁ, ଅଡ଼େ ହାରେକା ନମେରି ଗାଟାରାଇଁ ନେହୁଁ କିତେସି । ୧୭ ଏନିକିହୁଁ ମାହାପୁରୁ ଅଣ୍‌ପୁତି ବଲୁ ଖେହୁନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡେକିତେସି ।”

ଜୀସୁ ସୀସୁୟାଁ ଆହାଲି ମନ କିନାୟି

(ଲୁକ ୯:୫୭-୬୨)

୧୮ ଜୀସୁ ତାନି ସାରିଞ୍ଜାକି ଲକୁଣି ମେସାନା, ସୀସୁୟାଁଙ୍କ ସାମଦୁରି ଆତାଲ୍ଲା ହାଜାଲି ହୁକୁମି ହୀତେସି । ୧୯ ର ମେରା ଜାପୁନାସି ଖାହାନା ଜୀସୁଙ୍କ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଇଁ ।”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାଁକି ଡିୟିନି ପାଞ୍ଜୁୟାଁ ମାନୁ, ହାଗୁ ଲାକ ଡିୟିନି ପଟାୟାଁକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ ନେଟ୍‌ହାଲି ବାସାଟାୟୁ ହିଲେଏ ।”

୨୧ ଇଞ୍ଜାଁ ସୀସୁୟାଁ ବିତ୍ରାଟି ଅଡ଼େ ରଅସି ଜୀସୁଙ୍କ ଏଲେଇଚେସି “ପୁରୁ, ନକେଏ ହାଜାନା ନା ଆବାଇଁ ମାହୁଣିଣା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ, ହାତାରାଇଁ ତାନି ହାଡ଼ି ଲକୁଣି ମୁସାଲି ପିହୁଦୁ ।”

ଜୀସୁ ଗାଲି ପିୟୁ ସାପି କିନାୟି

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ଡ଼ଂଗତା ହଟାଲିଏ ସୀସୁୟାଁ ତାନି ଜେଚ ହାଚେରି । ୨୪ ଅଡ଼େ ମେହୁଦୁ ଦେବୁଣିଏ ସାମଦୁରିତା କାଜା ଗାଲି ଆଡ଼େ, ଇଞ୍ଜାଁ ଡ଼ଂଗ ଏୟୁତା ମୁଞ୍ଜାଲି ମାଟ୍ତହେ, ସାମା ଜୀସୁ ଡ଼ଂଗତା ତୁରାମାଚେସି

୧୫ ଏମ୍ବାଟିଏ ଏଞ୍ଜରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଙ୍କ ଗେଲ୍‌ପାମ୍, ଆଆତ୍ ମାମ୍ ହୁହିମାନମି ।”

୨୬ ଜୀସୁ ଏଞ୍ଜରାଇଁ ଏଲେଇଚେସି, “ଏ ଉଣା ନାମୁ ଗାଟାତେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଜ୍ଞାନା ଗାଲି ଅଡେ ଖୀତିମାଟି ସାମ୍‌ଦୁରିତି ଦାକା ହୀତେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେତି ମାଣସି ? ଗାଲି ଅଡେ ସାମ୍‌ଦୁରି ଜିକେଏ ଇଞ୍ଜାଣି ହାଡ଼ା ମାନଞ୍ଜି ଆହିମାନେ ।”

ବୃତ୍ତ ଆଲ୍‌ଗାମାଟି ରିଆରାଇଁ ଜୀସୁ ନେହଁକିନାୟି
(ମାର୍କ ୫:୧-୨୦; ଲୁକ ୮:୨୭-୩୯)

୨୮ ତାୟୁ ଜୀସୁ ସାମ୍‌ଦୁରି ଆତାଲାଞ୍ଜାକିତି ଗଦରିୟ ନାସ୍‌କାଣାଁ ଏଗାହାଜାଲିଏ ରୀ ବୃତ୍ତୟାଁ ଆଲ୍‌ଗା ମାଚାରି ମାଡ଼ହା ମୁହ୍‌ନି ଚାୟୁଟି ଖାହାନା ଜୀସୁ ବେଟାଆଡେରି, ଏଞ୍ଜରି ଇଲେତି ଆଜିହପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲ୍ୟାଆଡେରି ।
୨୯ ଇଞ୍ଜା ମେହ୍‌ଦୁ ଏଞ୍ଜରି କିରଡ଼ିହଁ ଏଲେଇଚେରି, “ଏ ମାହାପୁରୁ ମୀରଏଣାତି ! ନୀ ତଲେ ନାଞ୍ଜେ ଏନାୟି ମାନେ ? ମା ବେଲ୍ୟା ଖାଆନେଏ ମାଞ୍ଜେ କସ୍ ହିୟାଲି ଇମ୍ବାଆଁ ଖାଡ଼ିକି ?”

୩୦ ଇଞ୍ଜା ଏଞ୍ଜରି ତାଣାଟି ହେକ ର ମାନ୍ଦା ପାଜିୟାଁ ମେୟଁ ମାଚୁ ।
୩୧ ଏ ଲକୁ ବିତ୍ରାତି ବୃତ୍ତୟାଁ ଜୀସୁଇଁ ବାତିମାଲିହଁ ଏଲେଇଚୁ, “ମାଞ୍ଜେ ପେରହାଦି ଇତିହଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଜୁ ।” ବୃତ୍ତୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହରୁ; ଏ ପାଜିୟାଁ ହରୁ କାଡ଼ିଦିତି ଦାବଡ଼ି ହଚାନା ଦାରିତି ସାମ୍‌ଦୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡ଼କା ହଟିହଁ ହାଜାନା ଗାଡ଼ାତା ବାରେ କାରୁ ଇଞ୍ଜା ବୃତ୍ତୟାଁ ଆଲ୍‌ଗା ମାଚାରି ଏନି ଆଡେରି ଏ ବାରେ ହାଡ଼ା ଖେସ୍ପେରି ।
୩୪ ଅଡେ ନାସ୍‌କାତି ବାରେ ଲକୁ ଜୀସୁଇଁ ମେସାଲି ଖାଡେରି, ଇଞ୍ଜା ଜୀସୁଇଁ ମେସାନା ତାମି ହାନ୍ଦିଟି ହାଜାଲି ବାତିମାଲିଚେରି ।



ଜୀସୁ ର ଚଟଞ୍ଜାୟିତି ଲକୁଇଁ ନେହୁଁ କିନାୟି

(ମାର୍କ ୨:୧-୧୨; ଲୁକ ୫:୧୭-୨୭)

୧ ଏମ୍ବାଟିଏ ଜୀସୁ ତଂଗତା ହଟାନା ସାମଦୁରି ଗାଣ୍ଟାହାଁ ତାନୁ ବାସାଆହାମାନି ଗାଡ଼ାତା ଖାଡ଼େସି । ୨ ଅଡ଼େ ମେହଦୁ କାଟେଲିତା ତୁରାମାଟି ର ଚଟଞ୍ଜାୟିତି ଲକୁଇଁ ଡ଼େକାନା ତାନି ତାଣା ତାଡ଼େରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଚଟ ଞ୍ଜାୟିତାଣାଇଁ ଏଲେଇଚେସି, “ଏ ମାରଏଣା, ସାସା ଆହୁମୁ ନୀ ପାପୁ ବାରେ ମେଣ୍ଟାହାଟେ ।”

୩ ଏଚେକା ମେରା ଜାପୁନାରି ଇ ହାଡ଼ା ଖେଞ୍ଜାନା ଏଞ୍ଜାରି ଖେସପି ଆଡ଼େରି, “ଇ ମାଣ୍ଡସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀସୁ ଏଞ୍ଜାରି ମନତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣପୁ ଅଣପିମାଞ୍ଜେରି ? ୫ ଇଚିହୁଁ ଏନାଆଁ ଇନାୟି ଉସାସା, ନୀ ପାପୁ ମେଣ୍ଟାହାଟେ, ଆଆତୁଁ ନିଜ୍ଞାନା ତାକାମୁ ? ୬ ସାମା ଦାରତିତି ପାପୁ ମ୍ଲେକ୍‌ହାଲି ତାକି ମାଣ୍ଡସି ମାରଏଣାକି ଅଦିକାରା ମାନେ, ଇଦାଆଁ ଏନିକୁଁ ପୁଞ୍ଜାଲି ଆଡ଼ିନେରି,” ଏନାଆଁତାକି ଜୀସୁ ଚଟ ଞ୍ଜାୟିତାଣାଇଁ ଏଲେଇଚେସି, “ନିଜ୍ଞାମୁ ନୀ କାଟେଲି ଡ଼େକାନା ଇଜ ହାଲାନୁ ।”

୭ ଏମ୍ବାଟିଏ ଏଞ୍ଜାସି ନିଜ୍ଞାନା ତାନି ଇଜ ହାଚେସି । ୮ ଇଦାଆଁ ମେସାନା ଲକୁ ଆଜିତେରି, ଅଡ଼େ ଆମିନି ମାହାପୁରୁ ମାଣ୍ଡସିୟାକି ଇଲେତି ଅଦିକାରା ହୀହାମାନେସି ଇଞ୍ଜିହୁଁ ଏ ମାହାପୁରୁତି ଗାଞ୍ଜୁରମି କିତେରି ।

ଜୀସୁ ମାତିରୁଇଁ ହାଟିନାୟି

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହୁଁ ମାତିରୁ ଦରୁଗାଟି ର ସିସୁ ରାହନାସି ତାନି ସିସୁ ରାହନି ଟାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଜେଟ ଖାମୁ ।”

ଏମ୍ବାଟିଏ ମାତିରୁ ନିଜ୍ଞାନା ତାନି ଜେଟ ହାଚେସି ।

୧୦ ✨ ଇଞ୍ଜା ଜୀସୁ ମାତିୟ ଇଜ ତୀନି ବେଲା ଏଚେକା ସିସୁ ରୁାହନାରି ଅଡ଼େ ପାପୁଗାଟି ଲକୁ ତାମି ସୀସୁୟାଁ ତଲେ ତିଞ୍ଜାଲି କୁଗତେରି ।
 ୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରୁାହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୧୩ ✨ ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।”

ଉପାସା କିନାଣି ଖେନାୟି

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ* ହୀନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମ୍ବୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ଡ଼ୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା ଖାନେ, ଏଚିବେଲା ବୀହା ହନେଣାଇଁ ଅନେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍ବାଆସି ପ୍ଲାଝଇ ହିମ୍ବରିତା ପୁଝନି ପାସକି ତାଅସି, ଏନାଆଁତାକି ଇଚିହଁ ଏ ପାସକି ପ୍ଲାଝଇ ହିମ୍ବରିତି ଗେସାଅନେ, ଇଞ୍ଜା ଏଦି ହାରେକା କାଜାୟି ଆହଁ ଗେଞ୍ଜିନେ । ୧୭ ଅଡ଼େ ଲକୁ ପୁଝନି ଅଙ୍ଗୁରି ରାସା ପ୍ଲାଝଇ ଡ଼କାତା† ଇଚଅରି; ଇଚିହଁ ଏ ଡ଼କା ଡ଼ାୟାହାନେ ଅଙ୍ଗୁରି ରାସା ବହାହାନେ, ସାମା ପୁଝନି ଅଙ୍ଗୁରି ରାସା ପୁଝନି ଡ଼କାତା ଇଚିନେରି, ଆତିହଁ ଅଙ୍ଗୁରି ରାସା ଅଡ଼େ ଡ଼କା ନେହଁ ଡ଼ୟିନେ ।”

✨ ୯:୧୦ ୯:୧୦ ଲୁକ ୧୫:୧,୨ ✨ ୯:୧୩ ୯:୧୩ ମାତି ୧୨:୭ * ୯:୧୪ ୯:୧୪ ମୁଞ୍ଜିନାୟି

† ୯:୧୭ ୯:୧୭ ତଲେ କେପିତି ଅଙ୍ଗୁରି ରାସା ଇଚିନି ବାସ୍ତା ରୁପୁ

ର କାଜାଣି ମାଙ୍କା ଅଡ଼େ ର ଇୟା ଜୀସୁ ହିମ୍ବରି କୁଙ୍କୁ ତୀଗାନା ନେହୁଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଚି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଟାକୁତାନା ଜହରା କିହାଁ ଏଲେଇଚେସି, “ନା ମାଙ୍କା ନୀଏଁ ହାହାହାରେ, ସାମା ନୀନୁ ଖାହାନା ତାନି ଲାକ କେୟୁ ଇଚିତିହୁଁ ଏଦି ନୀତିନେ ।”

୧୯ ଏମ୍ବାଟିଏ ଜୀସୁ ନିଙ୍ଗାନା ତାନି ସୀସୁୟାଁ ତଲେ ଏଞ୍ଜାଣି ଜେଚ ହାଚେରି ।

୨୦ ଅଡ଼େ ମେହ୍ଦୁ ବାର ବାର୍ଯା ପାତେକା ନେତେରି ଖାଙ୍ଗିନି ରଗଗାଟି ର ଇୟା ତାୟୁଞ୍ଜାକିଟି ଖାହାନା ଜୀସୁତି ହିମ୍ବରି କୁଙ୍କୁ ତୀଗିତେ । ୨୧ ଇଚିହୁଁ ଏ ଇୟା ମନତା ଅଣ୍ପିମାଚେ, “ଞ୍ଜାରଇ ତାନି ହିମ୍ବରି ତୀଗିତିହୁଁ ନାନୁ ନେହୁଁ ଆଇଁ ।”

୨୨ ସାମା ଜୀସୁ ଖେଣ୍ଟେ ତାୟୁଞ୍ଜାକି ସିନିକିହାନା ଏଲେଇଚେସି, “ମାଙ୍କା ସାସା ଆହ୍ମ୍ବୁ, ନୀ ନୀମୁ ନିଙ୍ଗେ ନେହୁଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହୁଁ ଆଡ଼େ ।

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାଇଁ ଅଡ଼େ ଡ଼ାହୁଁ କାଲ୍ଵି ଆହିମାଚି ଲକୁଣି ମେସାନା ଏଲେଇଚେସି, ୨୪ ବାରେ ଇମ୍ବାଟି ପାଙ୍ଗାତା ହାକୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକ୍‌ହେରି । ୨୫ ସାମା ବାରେ ଲକୁ ପାଙ୍ଗାତା ହାଜାଲିଏ, ଜୀସୁ ଇଜ ବିତ୍ତା ହାଜାନା ପଦାନି କେୟୁ ଆସାନା ନିକ୍‌ହେସି ଅଡ଼େ ଏ ଦେବୁଣିଏ ନିଙ୍ଗିତେ । ୨୬ ଇଞ୍ଜା ଇ କାରୁ ଏ ଦେସାତି ସାରିଞ୍ଜାକି ଖେଙ୍ଗିତେ ।

ଜୀସୁ ରିଆରି କାଣାୟାଁଇଁ ନେହୁଁ କିନାୟି

୨୭ ଜୀସୁ ଏମ୍ବାଟି ହାଜିମାଚି ବେଲାତା ରିଆରି କାଣାୟାଁ କାଜା ଗିୟାତଲେ ହାଚିହୁଁ ଏଲେଇଚେରି, “ଏ ଦାଧୁଦ ମୀରଏଣାତି ମାଙ୍କା କାର୍ମା ମେସାମୁ ।”

୨୮ ଇଞ୍ଜା ଜୀସୁ ଇଲୁ ବିଦ୍ରା ହଡ଼ାଲିଏ ଏ କାଣାୟା ଜିକେଏ ଏଝାଣି ତାଗେ ଝାଡ଼େରି, ଇଞ୍ଜା ଜୀସୁ ଏଝାରାଇଁ ଏଲେଇଚେସି, ମାଜେ ନେହଁ କିହାଲି ଆଡ଼ାନେସି ଇଞ୍ଜା ମୀରୁ ନାମିମାଞ୍ଜେରି ?

ଏଝାରି ଏଲେଇଚେରି “ହାଅ ପ୍ରୁ ।”

୨୯ ଏଚେଟିଏ ଜୀସୁ ଏଝାରି କାଣିକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜେତାକି ଆପେ ।” ୩୦ ଏଚେଟିଏ ଏଝାରି ମେସାଲି ଆଡ଼ିଚେରି, ଅଡ଼େ ଜୀସୁ ଏଝାରାଇଁ ଜାଣେ ହୁକୁମି ହୀହାନା ଏଲେଇଚେସି, “ହେଣୁ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଝାରି ପାଜାତା ହାଜାନା ଜୀସୁତି ହାଡ଼ା ଦେସାତି ସାରିଝାକି ଝେସ୍ତେରି ।

ଜୀସୁ ର ଗୁଲାଇଁ ଜଲି କିତେସି

୩୨ ଏଝାରି ହଡ଼ା ହାଜିମାଚାଟି ଲକୁ ର ଜଲଲି ଆଡ଼ାଆଗାଟି ବୃତୁ ଆଲଗା ମାଚାଣାଇଁ ଜୀସୁ ନକିତା ତାଚେରି । ୩୩ ଜୀସୁ ବୃତୁଇଁ ପେରହା ପାଣ୍ଡିତି ଦେବୁଣିଏ ଏଝାସି ଜଲଲି ଆଡ଼ିଚେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ତାୟେଲ ଦେସାତା ମାମ୍ବୁ ଇଲେତି କାବାଆନି କାମା ଏଚେଲା ମେସାହିଲାଆଡ଼ମି ।”

୩୪ ☆ଏଚିବେଲା ପାରୁସିୟାଁ ଝେଚେରି. ଏଝାରି ଏଲେଇଚେରି, “ଇଝାସି ବୃତୁୟାଁ ପିସପି କିହିମାନେସି” ଏନାଆଁତାକି ଇଚିହଁ ଏଝାସିକାଣି ସାଲଝି କିହିମାନି ବାଲ୍ଲପେନ୍ତୁ ଏଝାଣାକି ବାଡ଼ୁୟୁ ହାହିମାନେ ଲାକା ଆଡ଼ିମାନେସି । ୩୫ ☆ଏମ୍ବାଟିଏ ଜୀସୁ ଏଝାରି ଜୀହୁଦି ଲକୁତି କୁଟମି ଇଲକାଣାଃ ଜାପୁହିହଁ ମାହାପୁରୁ ରାଜିତି ନେହଁ କାରୁ ଝେସିହଁ ବାରେଲେହେଁତି ରଚା ନଚେରି ଦୁକାଟି ନେହଁ କିହିହଁ, ବାରେ ଗାଡ଼ାୟାଁ ଇଞ୍ଜା ନାସ୍କାଣାଁ ରେଜାଲି ମାଡ଼ହେସି ।

ଲକୁତାକି ଜୀସୁତି କାର୍ମା

☆ ୯:୩୪ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗଗ

୩୭ ✧ ଅଡ଼େ ବାରେ ଲକୁଣି ମେସାନା ଏଞ୍ଜାସି କାର୍ନା ଆଡେସି, ଇଚିହ୍ ଏଞ୍ଜାରି ଗଡ଼ ହୁଲିଆ ମେଣ୍ଡାୟା ଲେହେଁ କାକୁଲିଚି ଇତାଲା ଆତାଲା ଆହିମାଚେରି । ୩୭ ✧ ଏଚିବେଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଚି ହାରେକା ସାମା ଦାଃଆନାରି ଉଣା ଜାଣା । ୩୮ ଏଦାଆଁତାକି ପାଚି ଜାଚାଲି, ଲକୁଣି ପାଣ୍ଡାଲିତାକି ଗୁଡିୟାତ ସାଞ୍ଜୁକାରିଇଁ ବାତିମାଲାଦୁ ।”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଇଁ ତାଗେ ହାଟାନା ବୁଡୁୟାଁ ପିସପି କିହାଲି, ଇଞ୍ଜା ବାରେ ରଗ କସ୍ତଚି ନେହ୍ କିହାଲି ଏଞ୍ଜାରାକି ଅଦିକାରା ହୀତେସି । ୨ ଏ ବାରଜାଣା ପାଣ୍ଡୁଞ୍ଜିଆତି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାନି ତାୟି ଆହିୟ, ଜେବଦି ମୀରଏସି ଜାକୁବ ଅଡ଼େ ତାନି ତାୟି ଜହନ, ୩ ପିଲିପ ଅଡ଼େ ବାର୍ତଲମି, ତମା ଅଡ଼େ ସିସୁ ରୁୀହ୍ନି ମାତିରୁ, ଆଲେପି ମୀରଏସି ଜାକୁବ ଅଡ଼େ ତଦିୟ, ୪ ଦେସାତି ଜୀସୁ ନନ୍ନି ସିମନ ଅଡ଼େ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିତେସି ।

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହୀହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲାଆଦୁ, ଅଡ଼େ ଆମିନି ସମିରଣି ନାସ୍କାଣାଁ ହଡ଼ଆଦୁ, ୬ ସାମା ଜାଙ୍ଗାମାନି ମେଣ୍ଡାୟାଁ ଇଚିହ୍ ଇସ୍ତାୟେଲ ଲକୁତାଣା ହାଡୁ । ୭ ଏଞ୍ଜାରିତାଣା ହାଡୁ ଅଡ଼େ ଝେକ୍ବୁ ଲାକପୁରୁ ରାଜି ଏଗାଞ୍ଜାହିମାନେ । ୮ ଅଡ଼େ ନମେରି ଗାଟାରାଇଁ ନେହ୍ କିଦୁ, ହାଡାରାଇଁ ନିକ୍ବୁ, କାଜା ରଗ ଗାଟାରାଇଁ ନେହ୍ କିଦୁ, ବୁଡୁୟାଁଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି

ଏଦାଆଁ ଉଜେଏ ହୀଦୁ । ୯ ମୀ ତଲେ ବାଂଗାରା ଝେଣ୍ଡି କି ଅଟଡ଼ିତା ଟାକାୟାଁ ଅଥାଦୁ, ୧୦ *ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ୁ ସକାୟାଁ କି ସେପୁୟାଁ କି କୁତା ବାଡ଼ଂଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ପାଆଁ ନେହାଁଣାଲ୍ଲ ପାରାଦୁ, ଅଡ଼େ ଏମ୍ପାଟି ଝେଣ୍ଡାହାନି ପାତେକା ଏଞ୍ଜାଣି ଇଜ ଡ଼ୟାଦୁ । ୧୨ ଅଡ଼େ ଇଜ ହଡ଼ନାଟି ଏଞ୍ଜାରାଲ୍ଲ ହିଡ଼ଡ଼ି ଜୀଞ୍ଜୁ ମିଙ୍ଗେ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହାଁରି ଇଚିହଁ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଥାତ୍ ମୀ ହିଡ଼ଡ଼ି ମିଙ୍ଗେ ଝେଣ୍ଡା ଝାପେ । ୧୪ *ଅଡ଼େ ଆମିନି ଇଲୁତାକି ନାସ୍କାଣାଁ ମିଙ୍ଗ ଲକୁ ଅପଅରି, ମୀ କାତାତି ଝେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଞ୍ଜାନାଟି ମୀ କତାତି ଦୁଡ଼ି ହାଣ୍ଡା କତାନା ଏ ଗାୟୁ ପିହ୍‌ଦୁ । ୧୫ **ନାନ୍ତୁ ମିଙ୍ଗେ ସାତା ଝେସିମାଞ୍ଜାଲ୍ଲ, ମାହାପୁରୁତି ନୀହାୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଅଡ଼େ ଗମରା ଦେସାତି ତଣ୍ଡ ଉଣା କିଞ୍ଜିଆନେ ।

ଝାହିମାନି କସ୍ତୁ ଅଡ଼େ ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ *ହେଣ୍ଡୁ ମେଣ୍ଡାୟାଁଣି କ୍ଷାଞ୍ଜନିୟାଁ ବିତ୍ତା ପାଣ୍ଡିନିଲେହେଁ ନାନ୍ତୁ ମିଙ୍ଗେ ପାଣ୍ଡିମାଞ୍ଜାଲ୍ଲ, ଏଦାଆଁତାକି ମୀରୁ ରାତୁ ଲେହେଁ ରୁଦି ଗାଟାତେରି, ଅଡ଼େ ପାର୍‌ଝା ପଟାଲେହେଁ କପା ହିଲୀଆ ଗାଟାତେରି ଆଦୁ । ୧୭ *ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏନାଆଁତାକି ଇଚିହଁ ଏଞ୍ଜାରି ମିଙ୍ଗେ ଆସାନା ନୀହାୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁଟି କୁଟମି ଇଲକାଣା* ଏଞ୍ଜାରି ମିଙ୍ଗେ ସାଟ୍‌ଣି ତଲେ ଝେଡ଼ାତାନେରି, ୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲ୍‌ଝି କିନି ଲକୁତାଣା ଅହାନା ନୀହାୟି କିଞ୍ଜିଆଦେରି; ଏଦି ଏଞ୍ଜାରାକି ଅଡ଼େ ଜୀହୁଦିଆଥାତି ଲକୁକି ମାହାପୁରୁତି ନେହଁ କାରୁ ଝେସାଲି ସାକି

☆ ୧୦:୧୦ ୧୦:୧୦ ୧କର ୯:୧୪; ୧ଡ଼ିମ ୫:୧୮ ☆ ୧୦:୧୪ ୧୦:୧୪ କାମା ୧୩:୫୧
☆ ୧୦:୧୫ ୧୦:୧୫ ମାତି ୧୧:୨୪ ☆ ୧୦:୧୫ ୧୦:୧୫ ଲୁକ ୧୦:୪-୧୨ ☆ ୧୦:୧୬ ୧୦:୧୬ ଲୁକ ୧୦:୩
☆ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫
* ୧୦:୧୭ ୧୦:୧୭ସିନଗଗ

ଆନେ । ୧୯ ସାମା ଏଚିବେଲା ଏଞ୍ଜାରି ମିଙ୍ଗେ ହେରପାନେରି, ମୀରୁ ନୀହାୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକି ଜଲିଦେରି, ଏ କାତା ଅଣ୍ଡାଆଦୁ, ଇଚିହିଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଙ୍ଗେ ଖେସ୍ତାନେସି । ୨୦ । ଇଚିହିଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଞ୍ଜୁ ମୀ ଗୁତି ହୀହାନା ହାଡ଼ା ଜଲିନେ, ଏଡ଼ି ଜଲିନାୟି ।

୨୧ ✨ତାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପିନେସି, ମାସ୍କା, ମୀରୁକା ଏଞ୍ଜାରି ତାମି ଇୟା ଆବା କପାଟି ହଡ଼ାନା, ଏଞ୍ଜାରାଇଁ ପାୟିନେରି । ୨୨ ✨ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନି ପାତେକା ସାସା ତଲେ ମାନେସି ଏଞ୍ଜାସି ଗେଲପି ଆନେସି । ୨୩ ସାମା ଏଞ୍ଜାରି ଏଚିବେଲା ର ଗାଡ଼ାତା ମିଙ୍ଗେ ନିନ୍ଦା କିୟାନେରି, ଏଚିବେଲା ଏଟକା ଗାଡ଼ାତା ହାକୁ, ଇଚିହିଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଇସ୍ତାୟେଲତି ବାରେ ଗାଡ଼ାୟାତା କାମା ରାପ୍ତା ନକେଏ ମାଣ୍ଡସି ମୀରୁଏସି ଖାନେସି ।

୨୪ ✨“ସୀସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ । ୨୫ ✨ସୀସୁ ତାନି ଗୁରୁ ଅଡ଼େ ହଲେଏସି ତାନି ସାଞ୍ଜୁକାରି ଲେହେଁ ଆଡ଼ିହିଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି ସାଞ୍ଜୁକାରିଇଁ ବାଲ୍‌ଜିବୁଲ୍ ଇନେରି ଇଚିହିଁ ଏଞ୍ଜାଣି ଇଲୁତି ଲକୁବାକାଆଁ ହାରେକା ପଲ୍‌ଆ କାତା ଜଲିନେରି !”

ଆମ୍ବାଆରାଇଁ ଆଜିନାୟି ?
(ଲୁକ ୧୨:୨-୭)

୨୬ ✨“ଏଦାଆଁତାକି ଲକୁଇଁ ଆଜାଆଦୁ; ଇଚିହିଁ ଡ଼ଗୁାମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକିଁ ତଞ୍ଜାଆଆନା ଡ଼ଗୁାମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି ଇଲେକିଁ ଏନାୟି ଡ଼ଗୁା ହିଲେଏ । ୨୭ ନାନୁ ମିଙ୍ଗେ ଏନାଆଁ ଆହେରିତା

☆ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ ☆ ୧୦:୨୨ ୧୦:୨୨ ମାତୃ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତୃ ୨୪:୧୩; ମାର୍କ ୧୩:୧୩ ☆ ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୬; ୧୫:୨୦ ☆ ୧୦:୨୫ ୧୦:୨୫ ମାତୃ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭

ଝେସ୍ତାଇଁ ଏଦାଆଁ ଉଜେଡ଼ିତା ଝେହ୍ନୁ, ଅଡ଼େ ଏନାଆଁ ଡ଼ଗୁନା ଝେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହଚାନା ଝେହ୍ନୁ । ୨୮ ଅଡ଼େ ଆମ୍ବାଆରି ଝାରଇ ଆଙ୍ଗାତି ପାୟିନେରି, ସାମା ଜୀଝୁତି ପାୟାଲି ଆଡ଼ଅରି, ଏଝାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଝୁ ଅଡ଼େ ଆଙ୍ଗା ବାରେତି ନର୍କତା ନାସା କିହାଲି ଆଡ଼ିମାନେସି ଏଝାଶାଇଁ ଆଜାଦୁ । ୨୯ ରୀ ଜେତା ପଟାୟାଁ ର କାନି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହୀଆତି ଏଝାସିକା ବିତ୍ରାଟି ରଣ୍ଡି ଜିକେଏ ଡ଼ଇ ତରଗେଏ । ୩୦ ସାମା ମୀ ତାୟାଁ ତୁଁ ବାରେ ବାଶାୟାଁ ଜିକେଏ ଏଜିକିଝି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଶାଟି ମୀ ଦାରା ହାରେକା ।”

ଲକୁ ନକିତା ଜୀସୁଇଁ ଝେକ୍ନାୟି
(ଲୁକ ୧୨:୫୧-୫୩; ୧୪:୨୭-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ ✨ସାମା ଆମ୍ବାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସପେ କାଶ୍ତା
(ଲୁକ ୧୨:୫୧-୫୩; ୧୪:୨୭-୨୭)

୩୪ “ନାନୁ ଦାରଡିତା ହିଡ଼ଡ଼ି ହୀହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡ଼ଡ଼ି ହୀହାଲି ଝାଆନା, କାଶ୍ତା ହୀହାଲି ଝାହାମାଇଁ । ୩୫ ଇତିହାଁ ନାନୁ ଆବା କପାଟି ମୀରଏଶାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ । ୩୬ ଅଡ଼େ ମାଶ୍ପିତି ତାମି ଇଲୁତି ଲକୁଏ ବାରେକାଶା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରଏଶାଇଁ ହାରେକା ଜୀଝୁ ନନେସି ଏଝାସି ନା ସୀସୁ

ଆୟାଲି ପାଡ଼ାଆଅସି । ୩୮ ✨ଆମ୍ବାଆସି ନିଜେତି କୁସ ଡେକାନା ନା
ଜେତ ଖାଅସି, ଏଝାସି ନା ସୀସୁ ଆୟାଲି ପାଡ଼ାଆଅସି । ୩୯ ✨ଆମ୍ବାଆସି
ନିଜେତି ଜୀଝୁ ନୀବହା କଡ଼ିନେସି ଏଝାସି ହାନେସି, ଅଡ଼େ ଆମ୍ବାଆସି
ନା ତାକି ନିଜେତି ଜୀଝୁ ହାନେସି, ଏଝାସି ନୀତିନେସି ।”

ଦାନା ପାଶ୍ଚନାୟି

(ମାର୍କ ୯:୪୧)

୪୦ ✨ଆମ୍ବାଆସି ମିଙ୍ଗେ ଆବାନେସି, ଏଝାସି ନାଙ୍ଗେ ଆବାନେସି;
ଆମ୍ବାଆସି ନାଙ୍ଗେ ଆବାନେସି, ଏଝାସି ନାଙ୍ଗେ ପାଶ୍ଚାତାଶାଙ୍ଗୁ
ଆବିନେସି । ୪୧ ଆମ୍ବାଆସି ମାହାପୁରୁ ଅଣପୁତି ବଲୁ ଝେହ୍ନାରାଇଁ,
ମାହାପୁରୁ ବଲୁ ଝେହ୍ନାରି ଇଞ୍ଜି ଆବିନେସି, ଏଝାସି ଏ
ବଲୁ ଝେହ୍ନାରି ଦାନା ବେଟା ଆନେସି, ଅଡ଼େ ଆମ୍ବାଆସି
କି ତୀରିଗାଟାରାଇଁ, ତୀରିଗାଟାସି ଇଞ୍ଜି ଆବିନେସି ଏଝାସି
ତୀରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା
ସୀସୁୟା ବିତ୍ରାଟି ରଅଶାଇଁ ନା ସୀସୁ ଇଞ୍ଜି ଗିନାତା ଏୟୁ ଗସାଲି
ହାନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ତାନି ଦାନାତି
ଜାକ୍ଅସି ।”

୧୧

ଜହନତି କାରୁ ହାନାରି

(ଲୁକ ୭:୧୮-୩୫)

୧ ଜୀସୁ ତାନି ବାରଜାଶା ସୀସୁୟାୟାଁ ଇ ବାରେ ହେଲ ହାତି
ତାୟୁ ଗାଲିଲି ଦାରିତା ମାନି ନାସ୍କାଣାଁ ହାଜାନା ମାହାପୁରୁତି ହାଡ଼ା
ଜାପୁହିହିଁ ଝେସିହିଁ ଏ ଗାୟୁତି ହାଚେସି । ୨ ଏତିବେଲା ବାପ୍ତିସ୍ତ*
ହାନି ଜହନ କାୟିଦିତା ମାଞ୍ଜାନା କ୍ରୀସ୍ତତି କାମା କିହିମାନାଣି ଝେଞ୍ଜାନା
ଏ ବାରେ ପୁଞ୍ଜାଲି ତାନି ସୀସୁୟାଣି ଜୀସୁ ତାଶା ପାଶ୍ଚିତେସି । ୩ ଏଝାରି
ହାଜାନା ଜୀସୁୟାଁ ଝେଚେରି, “ଆମିନି ଲକୁ ଝାନ୍ନେସି ଇଞ୍ଜି ଜହନ

✨ ୧୦:୩୮ ୧୦:୩୮ ମାତ୍ରି ୧୭:୨୪; ମାର୍କ ୮:୩୪; ଲୁକ ୯:୨୩ ✨ ୧୦:୩୯ ୧୦:୩୯ ମାତ୍ରି
୧୭:୨୪; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ ✨ ୧୦:୪୦ ୧୦:୪୦ ଲୁକ ୧୦:୧୭;
ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ୧୧:୨ ମୁଞ୍ଜନାୟି

ଝେସାମାରେସି, ନାନୁ କି ଏଞ୍ଜାତି ? କି ଅଡ଼େ, ଆମ୍ବାଆରି ତାକି କାଚାନା ଡ଼ୟିନମି ?”

୪ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହ୍ନୁ । ୫ କାଣାୟାଁ ମେସିମାନେରି, ସଚାୟାଁ ତାକି ମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡାରି ନିଞ୍ଜିମାନେରି ଅଡ଼େ କାଙ୍ଗାଲା ଗାଟାରି ନେହଁ କାରୁ ଝେଞ୍ଜିମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହେଁ ।”

୭ ଜହନତି ସୀସୁୟାଁ ଝେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଞ୍ଜିନି ତାଣ୍ଡିଆକୁ ? ୮ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡାଡା ହିମ୍ବୁରି ହୁଚାମାନି ର ଲକୁଇଁ ? ମେହ୍ନୁ ଅଜିତି ହିମ୍ବୁରି ହୁଚିତି ଲକୁ ରାଜା ଗାଡାତା ଡ଼ୟିନେରି । ୯ ଏଦାଆଁ ଆଆତଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ପୁତି ବଲୁ ଝେହ୍ନନାଣାଇଁ ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ପୁତି ବଲୁ ଝେହ୍ନନାରି କିହାଁ ହାରେକା କାଜାଣାଇଁ; ୧୦ ଇଚିହଁ ଏ ଜହନତି କାତା ରାମ୍ବକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନବେଏ ନା ଦୂଡୁଇଁ ପାଣ୍ଡାଇଁ, ଏଞ୍ଜାସିଏ ଇ ମାଣ୍ଡସି । ୧୧ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାର୍ଡିତା ଏଚେକା ଜାର୍ନା ଆହାମାନେରି, ଏ ବାରେଜାଣା କିହାଁ ବାପ୍ତିସ୍ମାଁ ହାନି ଜହନ କାଜାସି; ଆଡିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଡଣା, ଏଞ୍ଜାସି ଜହନ କିହାଁ କାଜାସି । ୧୨ *ବାପ୍ତିସ୍ମାଁ ହାନି ଜହନତି କାତା ଝେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁଡୁ ତଲେ ପାତାଆହିମାନେ; ଇଞ୍ଜା ବାଡ଼ୁଡୁଟି ଆସାମାନାରି ଏଦାଆଁ ବେଟାଆହାଲି ଅଣ୍ପିମାନେରି । ୧୩ ଇଚିହଁ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନନାରି ତାଣା ଜହନତି ଖାନି ଦିନା

† ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି

ପାତେକା ଖେସ୍‌ପି ଆହାମାତେ । ୧୪ ✨ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ ମାତିହିଁ ଆମିନି ଏଲିୟ ଖାନାୟି ମାତେ ଜହନଏ ଏଞ୍ଜାସି । ୧୫ ଆମ୍ବାଆରି କୀର୍କା ମାନୁ ଏଞ୍ଜାସି ଖେଶ୍‌ମାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକ୍‌ଇଁ, ଆମିନି ହାଟା ମାଦି କୁଗାନା କାହି ଡୟିନି କକାରି ଲେହେ, ର ଗତିତି କକାରି ଅର ଗତିତି ଏଲେଇନେରି, ୧୭ ମାମ୍ବୁମୀ ନକିତା ପୀରୁଡ଼ି ଓକିତମି, ସାମା ମୀରୁ ଏନ୍ଦାଆତେରି; ମାମ୍ବୁବୁକୁତି ପାରୁ ପାଟିତମି ସାମା ମୀରୁ ଡାଆତେରି, ନୀଏଁତି ଲକୁ ଏଲେତାରି । ୧୮ ଇତିହିଁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇଚେରି ବୁତୁ ଆଲ୍‌ଗାମାନାସି । ୧୯ ସାମା ମାଶ୍‌ସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଚିଣ୍ଡିକାସ୍ତୁ, କାଡ଼ବୁତୁ, ଏଞ୍ଜାସି ସିସ୍ତୁରାହ୍‌ନାରି ଅଡ଼େ ପାପୁ ଗାଟାରି ତଣେଏସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜାଁ ଖେଞ୍ଜିନେ ।”

ନାମାଆଗାଟି ଗାଡ଼ାୟି (ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାତେ, ଏ ଗାଡ଼ାତି ଲକୁ, ତାମି ପାପୁଟି ତାମା ମନ ଖେଟ୍‌ହା ହିଲାଆତେରି, ଇଞ୍ଜା ଜୀସୁ ଏ ଗାଡ଼ାୟିତି ଲକୁଇଁ ଦାକା ହୀହାନା ଏଲେଇଚେସି, ୨୧ ଆୟଡା ଡଣ୍ଡ ପାଶ୍‌ନି କରାଜିନ୍ ଅଡ଼େ ବେଡ଼ସାୟିଦା, ଏନାଆଁତାକି ଇତିହିଁ ମୀ ତାଣା ଆମିନି ବାଡ଼ୁୟୁତି କାମା କିଞ୍ଜିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାତିହିଁମା; ଏମ୍ବାତି ଲକୁ ଆଙ୍ଗାତା ବାସ୍ତାୟି ପରହାନା ଦାରମ୍ବୁତା କୁଗାନା ମନ ଖେଟ୍‌ହାଲି ଅଶ୍‌ପିତେରିମା ୨୨ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ନୀହାୟି ଦିନାତା ମୀ ଡଣ୍ଡ କିହାଁ ସର ଅଡ଼େ ସିଦନତି ଡଣ୍ଡ ଅରୁହିନାୟି ଆନେ । ୨୩ ଏ କପର୍‌ନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି ? ନାନୁ ହାଡ଼ାରି ମାନି ରାଜିତା ଅଞ୍ଜିଆଦି, ନୀ ତାଣା ଆମିନି ବାଡ଼ୁୟୁତି

କାମା କିଞ୍ଚିଆହାମାନେ, ଏଦାଆଁ ସଦମତା କିଞ୍ଚିଆଡ଼ିହୁଁମା, ଏ ଗାଡ଼ା ନୀଞ୍ଜୁପାତେକା ଡ଼ୟିତେମା । ୨୪ ✨ଆଡ଼ିଜିକେଏ ନାନୁ ମିଙ୍ଗେ ୱେସିମାଞ୍ଜାଇଁ “ମାହାପୁରୁତି ନାହାଁୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅରୁହିନାୟି ଆନେ ।”

ନା ତାଣା ୱାହାନା ଜମାଦୁ
(ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାଡାନା କିହୁଁ ଏଲେଇରେସି; “ଏ ଆବା, ଲାକପୁରୁ ଅଡ଼େ ଦାରତିତି ପ୍ରୁ, ଇ ବାରେ ହାଡ଼ା ନାନୁ ବୁଦି ଅଡ଼େ ପୁନି ଲକୁତାଣାଟି ଡ଼ଲୁହା ଇଚାନା, ଇ ବାରେ କାତା ପୁନାଆଗାଟି ଲକୁତାଣା ତସିମାନାକି ନାନୁ ନିଙ୍ଗ ଜହରା କିହିମାଞ୍ଜାଇଁ । ୨୬ ହାଅ ଆବା, ଇଦି ନୀ ନକିତା ରାହାତି କାତା ଆହିମାନେ ।”

୨୭ ✨“ନା ଆବା ନାଙ୍ଗେ ବାରେ ହୀହାମାଞ୍ଜାନେସି, ଆବା ପିସପେ ଆମ୍ବାଆରି ମୀରୁଏଣାଇଁ ପୁନଅରି ଅଡ଼େ ମୀରୁଏଣା ପିସପେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ତାଣା ତହୁନେସି ଏଞ୍ଜାସି ପୁନେସି ।”

୨୮ “ଏ ୱାହୁ ରାଡ଼ା ଗାଟି ଲକୁ, ବାରେ ନା ତାଣା ୱାଦୁ, ନାନୁ ମିଙ୍ଗେ ଜମିକିୟାଇଁ । ୨୯ ନା ଜୁଞ୍ଜେଡ଼ି ମୀ ବମିତା ଡ଼େକାନା ନା ତାଣାଟି ଜାପାଦୁ, ଇତିହୁଁ ନାନୁ କପା କାରୁବି ହିଲାଆନା ସୁଦୁ ହିୟାଁ ଗାଟାତେଏଁ, ଇଞ୍ଜା ମୀରୁ ନା ତାଣାଟି ମୀ ଜୀଞ୍ଜୁତା ଜମିଦେରି; ୩୦ ଇତିହୁଁ ନା ଜୁଞ୍ଜେଡ଼ି ଡ଼ସାସା ଅଡ଼େ ବଜୁ ଡ଼ଣା ମାନେ ।”

୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏତରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାରେସି, ଇଞ୍ଜା ତାନି ସୀସୁୟାଁ ହାକି ଆହାମାଚାକି ଗହଁ କେକା ତାପହାନା ତିଞ୍ଜାଲି ମାରୁହେରି । ୨ ସାମା ପାରୁସିୟାଁ ଏଦାଆଁ ମେସାନା

✨ ୧୧:୨୪ ୧୧:୨୪ ମାତ୍ରି ୧୦:୧୫; ଲୁକ ୧୦:୧୨ ✨ ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫

ଜୀସୁଙ୍କୁ ଏଲେଇରେରି, “ମେହ୍ମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କହିମାନେରି ।”

୩ ସାମା ଜୀସୁ ଏଞ୍ଜାରାଲ୍ ଏଲେଇରେସି, “ର ଦିନା ଦାଞ୍ଜୁଦ ଅଡେ ତାନି ତଣେସିଙ୍ଗା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାଢେସ୍ପରିତା ପଡ଼଼ି ଆହାହିଲଅତେରି ?” ୪ ଏଞ୍ଜାସି ଏନିକ୍ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେର୍ପାମାନି ରୁଟି ପୂଜେରାଙ୍ଗା ପିସ୍ପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଞ୍ଜୁଦ ଅଡେ ତାନି ତଣେସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି । ୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ରା ପୂଜେରାଙ୍ଗା ମେରା ଉରିତି ଜିକେଏ ଦହଗାଟାରି ଆଅରି, ମୀରୁ ଏନି ଏଦାଆଁ ପଡ଼଼ି ଆହାହିଲଅତେରି କି ? ୬ ସାମା ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଇ ଟାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ । ୭ *ସାଢେସ୍ପରି ଝେସିମାନେ, ସାମା ପୂଜା ହୀନାୟି ଲଡାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହୁଁ ମା ଇ ଦହ ହିଲାଆ ଗାଟାଣାଲ୍ ଦହ କିଆତେରିମା; ୮ ଇଚିହୁଁ ମାଣ୍ସି ମୀର୍ଏସି ଜମିନି ଦିନାତି ପ୍ରବୁ ଆନେସି ।”

ଝାୟିତି କେୟୁଗାଟାସି ନେହୁଁ ଆନାୟି
(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁତି କୁଟମି ଇଲୁତା* ହାଚେସି । ୧୦ ଅଡେ ମେହ୍ମୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟାହାଜାମାଚେ, ଜୀସୁଙ୍କୁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଙ୍କୁ ଝେଚେରି, “ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ *ସାମା ଜୀସୁ ଏଞ୍ଜାରାଲ୍ ଏଲେଇରେସି, “ମୀ ବିତ୍ରା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରଗିନେ, ଇଞ୍ଜା ଆମ୍ବାଆସି ଏଦାନି ନିକ୍ଅସି, ଇଲେତି ଲକୁ

☆ ୧୨:୬ ୧୨:୭ ମାତି ୯:୧୩ * ୧୨:୯ ୧୨:୯ ସିନଗର ☆ ୧୨:୧୧ ୧୨:୧୧ ଲୁକ ୧୪:୫

ଆତ୍ମାଆସି ମୀ ବିତ୍ତା ମାନେସି ? ୧୨ ଆତିହ୍ନି ର ମୋଶ୍ଵାତି ଦାରା କିହ୍ନା ମାଣ୍ଠିସିତି ଦାରା ହାରେକା । ଏଦାଆଁତାକି ଜମିନି ଦିନାତା ନେହ୍ନି କାମା କିନାୟି ମୋରାତି କାମା ।” ୧୩ ଏତିବେଲା ଏଞ୍ଜାସି କେମ୍ବୁ ଖାୟିତାଣାଇଁ ଏଲେଇଚେସି, “କେମ୍ବୁ ଦାହ୍ନୁମୁ ।”

ଇଞ୍ଜା ଏଞ୍ଜାସି ଏ କେମ୍ବୁ ଦାସ୍ତେସି ଏମ୍ବାଟିଏ ଏ କେମ୍ବୁ ଅର କେମ୍ବୁଲେହେଁ ନେହ୍ନି ଆଡେ । ୧୪ ସାମା ପାରୁସିୟା ପାଙ୍ଗାତା ହାଜାନା ଜୀସୁଇଁ ପାୟାଲି ଏଞ୍ଜାଣି କପାଟି ପାରୁ ପାରାତେରି ।

ମାହାପୁରୁ ଆତ୍ମାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଟକା ଆହାନା ହରାହାଚେସି, ଇଞ୍ଜା ହାରେକା ଲକୁ ତାନି ଦେଚ ହାଚେରି, ଅଡେ ଏଞ୍ଜାସି ବାରେଜାଣାତି ରଗଟି ନେହ୍ନି କିତେସି । ୧୬ ଇଞ୍ଜା ତାଙ୍ଗେ ଲକୁଇଁ ଝେକ୍‌ଆଦୁ ଇଞ୍ଜା ହୁକୁମି ହାତେସି । ୧୭ ଏନିକିହ୍ନି ମାହାପୁରୁ ଅଣ୍ଠପୁତି ବଲୁ ଝେହ୍ନି ଜିସାୟତି କାତା ସାତା ଆନେ,

୧୮ “ମୋହ୍‌ଦୁ ନା ହଲେଏସି, ଆତ୍ମାଆରାଇଁ ନାନୁ ଆତ୍ମାମାଇଁ;

ଏଞ୍ଜାସି ନା ଜୀଞ୍ଜୁତି ମୀରଏସି, ଆତ୍ମାଆରିତାଣା ନା ହାରେକା ରାହ୍ନା ମାନେ;

ନାନୁ ଏଞ୍ଜାଣିଲାକ ନା ସୁଦୁଜୀଞ୍ଜୁ ହାଈଁ,

ଅଡେ ଏଞ୍ଜାସି ଜୀହୁଦିଆଆତି ଲକୁତାଣା ନାହାୟିତି କାତା ଝେକ୍‌ନେସି ।

୧୯ ଏଞ୍ଜାସି ଗଡ଼ହା କିଅସିକି କାଲ୍‌ଞ୍ଜି ଆଅସି,

ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା ଆତ୍ମାଆରି ଝେନଅରି ।

୨୦ ନାହାୟିତା ଜୀଣା ଆଆପାତେକା,

ଏଞ୍ଜାସି ଖାୟିତି ତାଣ୍ଡିତି ଡିକ୍‌ଅସି

ବୟ୍‌ ଆହ୍‌ ଡ଼ାଞ୍ଜିମାନି ଦୀଞ୍ଜିତି ତୁପଅସି ।

୨୧ ଅଡେ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାର୍ସୁ ଇଟିନେରି ।”

ଜୀସୁ ଅଡେ ବାଲ୍‌ଜିବୁଲ୍‌ ବୁତୁ

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁତୁ ଆଲ୍‌ଗାମାତି ର କାଣାଇଁ ତାତେରି ଏଞ୍ଜାଣାଇଁ ବୁତୁ ଆଲ୍‌ଗା ମାତାକି ଗୁଲା ଆହାମାଚେସି । ଜୀସୁ ଏଞ୍ଜାଣାଇଁ ନେହ୍ନି

କିତେସି; ଇଞ୍ଜା ଏଝାସି ମେସାଲି ଅଡ଼େ ଜଲ୍ଲାଲି ଆଡ଼ିତେସି । ୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଝାସି ଏନାଆଁ ଏ ଦାଝୁଦ କୃତାତାସି ଆଏକି ?”

୨୪ ✧ ପାରୁସିୟାଁ ଇ କାତା ଝେଞ୍ଜାନା ଏଲେଇଚେରି, ଇ ମାଣ୍ଡସି ବୃତୁୟାଁ କିହାଁ କାଜା ବାଲ୍‌ଜିବୁଲ୍ ବୃତୁ ହିଲାଆନା ବୃତୁୟାଁ ପେର୍‌ଅସି ।

୨୫ ସାମା ଜାସୁ ପାରୁସିୟାଁ ମନତି ଅଣ୍ଡୁ ପୁଞ୍ଜାନା ଏଝାରାଈଁ ଏଲେଇଚେସି, “ର ରାଜି ତାନୁ ତାନୁଏ ଆସପି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତାରିତଲେ ମାଞ୍ଜାଲି ଆଡେଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମ୍‌ତାମ୍‌ସୁ ଆସପି ଆହାନା ବାଗା ଆଡ଼ିସାରେ ତାରିତଲେ ମାଞ୍ଜାଲି ଆଡେଏ । ୨୬ ଇଞ୍ଜା ସୟତାନ ସୟତାନଈଁ ପିସପି କିନେ ଆତିହ୍ ଏଡ଼ି ବାଗା ଆହାନା ତାନି କପାଟି ନିଜାତେୟିଏ, ଆତିହ୍ ଏଦାନି ରାଜି ଏନିକ୍ ତାରିଆହାଁ ତୁୟିନେ ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲ୍‌ଆ ବୃତୁୟାଁ ବାଲ୍‌ଜିବୁଲ୍ ତଲେ ବୃତୁୟାଁ ପିସପି କିହିମାଈଁ, ଆତିହ୍ ମୀ ମୀରୁକା ଆମ୍‌ଆରି ବାଡ଼ୟୁ ତଲେ ବୃତୁୟାଁ ପେର୍‌ନେରି । ଇଦାଆଁତାକି ଏଝାରିଏ ମୀ ନୀହାଁୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜାଝୁତି ବାଡ଼ୟୁ ତଲେ ବୃତୁୟାଁ ପେର୍‌ହି ମାଈଁ, ଆତିହ୍ ମାହାପୁରୁତି ରାଜି ମୀ ତାଣା ଏଦାତେୟିଏ ।”

୨୯ “ଇଞ୍ଜା ଆମ୍‌ଆସି ର ବାଡ଼ୟୁଗାଟି ଲକୁଈଁ ତଲିଏ ଦହ୍‌ଆନା, ଏନିକିହ୍ ଏଝାଣି ଇଜ ହଡ଼ାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଈଁ ତଲିଏ ଦସିହ୍ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ ✧ “ଆମ୍‌ଆସି ନା ଝାକିଟି ଆଆଗାଗାସି, ଏଝାସି ନା ସାତୁ, ଇଞ୍ଜା ଆମ୍‌ଆସି ନା ତଲେ କୃଡ଼ି କିଅସି ଏଝାସି ଆଲାଠା କିନେସି । ୩୧ ଇଦାଆଁତାକି ନାନୁ ମିଈଁ ଝେସିମାଞ୍ଜାଈଁ, ମାଣ୍ଡସି ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି ନିନ୍ଦା କାତା ଜଲ୍‌ମାନାଣି ମ୍ଲେକ୍‌ହା ତୁସ୍‌ପିଆନେ, ସାମା ମାହାପୁରୁତି ସୁଦୁଜାଝୁ ଦରୁତଲେ

ଜଳିନାଶା ପାପୁ ମେଣ୍ଟି କିଞ୍ଚିଆଏ । ୩୨ ✨ଅଡ଼େ ଆମ୍ବାଆସି ମାଣସି ମୀରୁଏଣା କପାଟି ଜଳିନେସି, ଏଞ୍ଜାଣି ପାପୁ ମେଣ୍ଟି କିଞ୍ଚିଆନେ, ସାମା ଆମ୍ବାଆସି ମାହାପୁରୁତି ସୁଦୁଜାଞ୍ଜୁତି କପାଟି ଜଳିନେସି, ଇ କାଲାତା କି ତାୟୁ କାଲାତା ଜିକେଏ ଏଞ୍ଜାଣି ପାପୁ ମେଣ୍ଟି କିଞ୍ଚିଆଏ ।”

**ମାରୁନୁ ଅଡ଼େ ତାନି ପାଡ଼େୟି
(ଲୁକ ୭:୪୩-୪୫)**

୩୩ ✨“ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହ ପାଡ଼େୟି ତଲେ ମାରୁନୁତି ପୁଣ୍ଡି ଆନେ । ୩୪ ✨ଅଡ଼େ ରାସ୍ତା କୁଡ଼ାତେରି, ମୀରୁ ପଲ୍ଲଆ ଗାଟାତେରିଆହାଁ ଏନିକ ମୀରୁ ନେହ ହାଡ଼ା ଝେସାଲି ଆଡ଼ିଦେରି ? ଇଚିହ ହିୟାତା ମାନି କାତା ଗୁଡ଼ି ଜଳିମାନେ । ୩୫ ନେହ ଲକୁ ନେହ ମନ ବିତ୍ରାଟି ନେହ କାତା ହପ୍ନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପ୍ନେସି ।”

୩୬ “ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେଜାଣା ତାମ୍ବୁ ଝେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ବାତି କାତା ଜଳିନେରି; ୩୭ ଇଦାଆଁତାକି ମୀ ଗୁଡ଼ିତ ହାଡ଼ାତଲେ ନୀହାୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ ହିଲାଆଗାଟାତେରି ଆଦେରି ।”

**ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)**

୩୮ ✨ଏଚିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମ୍ବୁନୀ ତାଣାଟି ର କାବାଆନି ସିନା ମେସାଲି ଅଶ୍ପିମାନମି ।”

୩୯ ✨ସାମା ଜୀସୁ ଏଞ୍ଜାରାଇଁ ଏଲେଇଚେସି, “ପଲ୍ଲଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା

✨ ୧୨:୩୨ ୧୨:୩୨ ଲୁକ ୧୨:୧୦ ✨ ୧୨:୩୩ ୧୨:୩୩ ମାତ୍ରି ୭:୨୦; ଲୁକ ୭:୪୪
✨ ୧୨:୩୪ ୧୨:୩୪ ମାତ୍ରି ୩:୭; ୨୩:୩୩; ଲୁକ ୩:୭; ମାତ୍ରି ୧୫:୧୮; ଲୁକ ୭:୪୫ ✨ ୧୨:୩୮
୧୨:୩୮ ମାତ୍ରି ୧୭:୧; ମାର୍କ ୮:୧୧; ଲୁକ ୧୧:୧୭ ✨ ୧୨:୩୯ ୧୨:୩୯ ମାତ୍ରି ୧୭:୪; ମାର୍କ
୮:୧୨

ମାହାପୁରୁ ଅଣ୍ଟାପୁତି ବଲୁ ଖେଦନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହାପକି ଆଏ । ୪୦ ଇତିହାସି ଜୁନସ ଏନିକା ତାନିଦିନା ତାନି ଲାଆଁୟା କାଜା ମାନୁ ବାଣ୍ଡି ବିତ୍ରା ମାଚେସି, ଏଲେକା ମାଣସି ମୀରସସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟା ଡୟନେସି । ୪୧ ନାହାୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଞ୍ଜାରାକି ଦହ କିନେରି, ଇତିହାସି ଏଞ୍ଜାରି ଜୁନସ ଖେସି କାତା ଆସାନା ପାପୁଟି ମନ ଖେଟହା ମାଚେରି, ଅଡେ ମେହଦୁ ଜୁନସକିହା କାଜାସି ଇମ୍ପାଆଁ ମାନେସି । ୪୨ ନାହାୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଞ୍ଜାରାକି ଦହ କିନେ, ଇତିହାସି ସଲମନତି ରୁଦିତିକାତା ଖେଞ୍ଜାଲି ଦାରତିତି ହେକ ଦେସାତି ଖାହାମାଚେ, ଇଞ୍ଜା ମେହଦୁ ସଲମନକିହା କାଜା କାତା ଇମ୍ପାଆଁ ମାନେ ।”

ଲାଗେଏ ପଲେଏତି ବୁତୁ ଖେଣ୍ଡାଞ୍ଜାନାୟି (ଲୁକ ୧୧:୨୪-୨୬)

୪୩ “ର ପଲୁଆ ବୁତୁ ର ମାଣସି ତାଣାଟି ହଟା ହାଜାନା ଏୟୁ ହିଲାଆ ଗାୟୁ ବାରେ ରେଜିହା ଜମାଲି ଗାୟୁ ପାରୀତେ, ଇଞ୍ଜା ଏଦାଆଁ ପୁଃଆତେ, ୪୪ ଏଚେଟିଏ ଏଦି ଏଲେଇନେ, ନାନୁ ଆମିନି ଇଲୁଟି ହଟା ଖାହାମାକି, ନା ଏ ଇଲୁତା ଖେଣ୍ଡେ ହାକି; ଇଞ୍ଜା ଖେଣ୍ଡା ଖାହାନା ଖାରୁଆଣି ଇଞ୍ଜା ଅଜିତାଣି ମେହନେ । ୪୫ ଏଚିବେଲା ଏଦି ହାଜାନା ତାନିକିହା ଆଗାଡା ପଲୁଆଗାଟି ସାଡାଗଟା ଜୀଞ୍ଜୁୟା ଆସାନା ଖାଚେ, ଇଞ୍ଜା ଏଞ୍ଜି ବାରେ ଏମ୍ପାଆଁ ହଡାନା ବାସା କିନୁ, ଅଡେ ଏ ଲକୁତି ତଲିତି କସ୍ତ କିହା ତାୟୁତି କସ୍ତ ହାଚେକା ଆଚେ, ଇ କାଲାତି ପଲୁଆ ଗାଚାରାକି ଜିକେଏ ଏଲେଆହା ଏ ଆଚେ ।”

ଜୀସୁତି ଇୟା ଅଡେ ତାୟିୟା (ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡା ଆହିମାଚାଟି ତାନି ଇୟା ଅଡେ ତାୟିୟା ପାଙ୍ଗାତା ନିଚାନା ହାଡା ଆହାଲି ମନ କିହିମାଚୁ । ୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହଦୁ, ମୀ

ଇୟା ଅଡ଼େ ନୀ ତାୟିୟା ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାନେରି ।”

୪୮ ସାମା ଇ କାତା ଝେସ୍ତାଣାଈଁ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟା ?” ୪୯ ଅଡ଼େ ସୀସୁୟାଁ ଖାକି କେୟୁ ଦାସାନା ଏଲେଇଚେସି, “ମେହ୍‌ଦୁ ମାୟା ଇଞ୍ଜା ମା ତାୟିୟା, ୫୦ ଇଚିହିଁ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍‌ନେସି ଏଝାସି ନା ତାୟି ଏଡ଼ି ନା ତାଜି ଅଡ଼େ ମା ଇୟା ।”

୧୩

ବିଚା ମାଟିନାଣି ପୁଣ୍ଡିକିନି କାତା

(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଚି ହଟା ହାଜାନା ସାମ୍‌ଦୁରି ଡାକିତା ଲକୁଇଁ ଜାପୁହାଲି କୁଗିତେସି । ୨ ୫୧ଏଚେଟିଏ ହାଚେକା ଲକୁ କୁଡ଼ା ଆହାଲିଏ, ଏଝାସି ହାଜାନା ର ଡ଼ଂଗତା କୁଗିତେସି, ଇଞ୍ଜା ଲକୁ ବାରେ ସାମ୍‌ଦୁରି ଗାଟୁତା ନିଚାମାଚେରି । ୩ ଅଡ଼େ ଜୀସୁ ପୁଣ୍ଡିକିନି କାତା ହାଚେକା ଝେସ୍ତେସି, ଏଝାସି ଏଲେଇଚେସି । “ମେହ୍‌ଦୁ ର ବିଚା ମାଟିନାସି ମାଟାଲି ହଡ଼େସି । ୪ ଏଝାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଚାୟାଁ ଖାହାନା ଏ ପାଡ଼େୟି ପେରହା ତିତୁ । ୫ ଅଡ଼େ କଚେକା ବିଚା ଖାଲକାଡ଼ି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରଥା ଗାଡ଼ି ହିଲାଆତାକି ପାଡ଼େୟି ତବେ ଗଜା ଆଡ଼େ । ୬ ସାମା ଝେଡ଼ା ହଚାଲିଏ, ଗଜା ଆହାମାଚାୟି ଝେହା ହାଚେ, ଇଞ୍ଜା ତାନି ହୀରୁ ଗାଡ଼ି ଡ଼ଇକା ହାଲାଆତାକି ଖାୟାହାଚେ । ୭ ଅଡ଼େ କଚେକା ବିଚା ହାପକା ବୁଟା ଡ଼ଇ ରୀତେ, ଇଞ୍ଜା ହାପକା ବୁଟାୟାଁ ବାରେ ପାଡ଼ାଆହାନା ଆର୍ନା ଡାକିତି ପୁକ୍‌ହାଡୁସ୍ତେ । ୮ ଅଡ଼େ କଚେକା ବିଚା ନେହିଁ ବୁମିତା ରୀତେ, ଇଞ୍ଜା କାମ୍ବାନା ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡ଼େଦସ ପାଡ଼େୟିକା କାମ୍ବିତୁ ।”

୯ “ଆମ୍ବାଆରାକି କାର୍କା ମାନୁ ଏଝାସି ଝେଶ୍‌ମ୍ବାସି ।”

☆ ୧୩:୨ ୧୩:୨ ଲୁକ ୫:୧-୩

ପୁସ୍ତକ ପୁଣ୍ୟକିନାୟି

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମାଟିଏ ସୀସୁୟାଁ ଜୀସୁ ତାଣା ଖାହାନା ଖେତେରି, “ଲକ୍ଷ୍ମଣି ଜାପୁନାଟି ନାନୁ ଏନାଆଁତାକି ପୁଣ୍ୟକିନି କାତାୟାଁ ଖେସିହିଁ ଜାପୁହିମାଞ୍ଜି ?”

୧୧ ଜୀସୁ ଏଲେଇତେସି, “ଏନାଆଁତାକି ଇତିହିଁ ଲାକପୁରୁ ରାଜିତି ବାରେ ତୁରାମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁରୁ ହୀପ୍‌କି ଆହାମାଞ୍ଜାନେ, ସାମା ଏଞ୍ଜାରିକି ହୀପ୍‌କି ଆହା ହିଲେଏ । ୧୨ ଇଞ୍ଜାଁ ଏମାଆରାକି ମାନେ, ଏଞ୍ଜାରିକି ହୀପ୍‌କିଆନେ ଅଡ଼େ ଏଞ୍ଜାଣାକି ଗାଡ଼ିଆନେ; ସାମା ଆମାଆରାକି ହିଲେଏ ତାନିତାଣା ଏନାୟି ମାନେ, ଏନାଆଁ ଜିକେଏ ଅଢ଼ିଆନେ ।” ୧୩ ଏଞ୍ଜାରି ମେସି ମେସିହିଁ ମେସାଲି ଆଡ଼ଅରି, ଅଡ଼େ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏନାଆଁତାକି ନାନୁ ଏଞ୍ଜାରିକି ପୁଣ୍ୟକିନି କାତାତଲେ ଖେସିମାଇଁ । ୧୪ ଅଡ଼େ ମାହାପୁରୁ ବଲୁ ଖେହ୍‌ନି ଜିସାୟତି ଇ କାତା ଏଞ୍ଜାରିକି ସାତା ଆନେ ।

ଇ ଲକ୍ଷ୍ମଣି ଖେଞ୍ଜିଖେଞ୍ଜିହିଁ ଖେନେରି, ଏନାଆଁ ତେଲ୍‌ହଅରି,
ମେସି ମେସିହିଁ ମେହ୍‌ନେରି ସାମା ଏନାଆଁ ପୁନଅରି;

୧୫ ଇତିହିଁ ଇ ଲକ୍ଷ୍ମଣି ହିୟାଁ ଅଣ୍ଟାଲି ଆଡ଼ାଆ ଗାଟାୟି,

ଏଞ୍ଜାରି କସ୍ତୁଟି କୀକାଁ ତଲେ ଖେତେରି,

ଇଞ୍ଜାଁ ତାମି କାଣ୍ଡକା ପଟିତେରି,

ଏନିକିଁ ଏଞ୍ଜାରି କାଣ୍ଡକା ତଲେ ମେହ୍‌ଅରି,

ଅଡ଼େ କୀକାଁ ତଲେ ଖେନଅରି,

ଅଡ଼େ ହିୟାଁ ତଲେ ତେଲ୍‌ହଅରି

ଇଞ୍ଜାଁ ଏଞ୍ଜାରି ନା ତାଣା ଖେଣ୍ଡା ଖାଅରି,

ଅଡ଼େ ନାନୁ ଏଞ୍ଜାରିକି ନେହିଁ କିଆଁ ।

୧୬*“ସାମା ନେହେଁ ମୀ କାଣ୍ଡକା ଇତିହିଁ ଏଢ଼ି ମେସି ମାନୁ, ନେହେଁ ମୀ କୀକାଁ ଇତିହିଁ ଏଢ଼ି ଖେଞ୍ଜିମାନୁ । ୧୭ ଇତିହିଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ

* ୧୩:୧୨ ୧୩:୧୨ ମାତୃ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ * ୧୩:୧୭ ୧୩:୧୭
ଲୁକ ୧୦:୨୩,୨୪

ହାରେକା ମାହାପୁରୁ ଅଶ୍ଵପୁତି ବଳୁ ଖେଦନାରି ଇଞ୍ଜାଁ ତୀରିଗାଟାରି
ମେସାଲି ମନ କିତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ
ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ
କିତେରି, ସାମା ଖେଞ୍ଜାଲି ଆଡ଼ାଆତେରି ।”

ଜୀସୁ ବିଚା ମାଟିନି କାତା ପୁଣ୍ଠିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହୁଁ ମୀରୁ ବିଚା ମାଟିନି ପୁଣ୍ଠିକିନି କାତା ଖେଞ୍ଜୁ ।
୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି,
ଏଞ୍ଜାଣି ହିୟାତା ଖେସାମାନି ମାହାପୁରୁ ବଳୁ ସୟତାନ ଖାହାନା
ମୀଞ୍ଜା ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହେଁତାସି
। ୨୦ ଅଡ଼େ ଆମ୍ବାଆସି ଖାଲକା ବୁମିତା ମାଟିତି ବିଚା ଏଞ୍ଜାସି
ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହାତଲେ
ନାମିନେସି, ୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡ଼େକେଏ
ତୀରିଆହାନା ମାନେସି, ତାମୁ ମାହାପୁରୁ କାତାତାକି ବାଦା ଅଡ଼େ ନିନ୍ଦା
ବେଟାଆଡ଼ିସାରେ ଏ ବାରେ ପିସାତୁହନେସି, ଏଞ୍ଜାସି ଖାଲକା ବୁମିତା
ରିତି ବିଚା ଲେହେଁତାସି । ୨୨ ଆମ୍ବାଆସି ମାହାପୁରୁତି କାତା ଖେନେସି,
ଇଞ୍ଜାଁ ଦାରତିତି ଅଶ୍ଵ ଦନତି ଜୁପକା ଏଞ୍ଜାସି ଖେଞ୍ଜାମାନି କାତାତି
ପୁକ୍ହା ତୁସାଲିଏ, ତାନି ଜୀଞ୍ଜୁତା ପାଡ଼େୟି କାମ୍ବାଆତେ, ଏଞ୍ଜାସି
ହାପକା ବୁଟା ଡ଼ଇ ରିତି ବିଚା ଲେହେଁତାସି । ୨୩ ସାମା ଆମିନିଗାଟାସି
କାତାତି ଖେନେସି ଇଞ୍ଜାଁ ନେହୁଁକଁ ପୁନେସି, ଅଡ଼େ ନେହୁଁ
ପାଡ଼େୟି କାମ୍ବିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି,
ଆମ୍ବାଆସି କଡ଼େଦସ ପାଡ଼େୟିକା, ଏଞ୍ଜାସି ନେହୁଁ ବୁମିତା ରିତି ବିଚା
ଲେହେଁତାସି ।

ଟଲି ଜାଡ଼ାତି ପୁଣ୍ଠିକିନି କାତା

୨୪ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଠିକିନି କାତା ଖେସେସି,
ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହୁଁ ବିଚା ମାଟାମାନି
ମାଣ୍ଠିଲେହେଁ; ୨୫ ସାମା ଲକୁ ତୁରାମାନାଟି ତାନି ସାତୁ ଖାହାନା ଏ
ଗହୁଁୟା ବିତ୍ରା ଟଲି ଜାଡ଼ାତି ବିଚା ମାଟାନା ହାତେସି । ୨୬ ଏରିବେଲା
ଗହୁଁୟା ପାତାଆହାନା ଜେକା ଆନିବେଲା ଟଲି ଜାଡ଼ା ଜିକେଏ

ତଞ୍ଜାଆଡେ । ୨୭ ଏଚେଟିଏ ସାଞ୍ଜୁକାରିତି ହଲିୟାଙ୍ଗା ତାନି ତାଣା
 ଖାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡିୟାତା ନେହ
 ବିଚା ମାଟା ହିଲାଆତି ? ସାମା ଇ ଟଲି ଜାଡା ବାରେ ଏମ୍ବିଟି ଖାଡେ ?
 ୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି
 । ଅଡେ ହଲିୟାଙ୍ଗା ଏଞ୍ଜାଣାଇଁ ଏଲେଇଚେରି, ନୀ ମନ୍ ଏନାୟି, ମାମ୍
 ହାଜାନା ଟଲି ରେଜାନା କୁଡି କିନମି, ୨୯ ସାମା ଏଞ୍ଜାସି ଏଲେଇଚେସି,
 ଆଏ ଏଚେତା ମାରୁ ଟଲି ଜାଡା ରେଜି ରେଜିହ
 ଗହ୍‌ୟାଁ ଜିକେଏ ରେଜେରି । ୩୦ ଗହ୍ ଦାଃନି ପାତେକା ଗହ୍ ଅଡେ ଟଲି ଜାଡା
 ରହେଏ ପାତାଆପୁ, ଅଡେ ଆର୍ନା ଦାଃନି ବେଲାତା ଦାଃନାନାରାଇଁ
 ନାନୁ ଏଲେଇଇ, ତଲିଏ ଟଲି ଜାଡା ଦାଡାନା ହୁଡାଲିତାକି ପେଣ୍ଡାୟାଁ
 ଏଟକା କିଦୁ, ସାମା ଗହ୍‌ୟାଁ କୁଡି କିହାନା ନା ଗାଦେୟିତା ଇଟାଦୁ ।

ହାର୍ଣ୍ଣ ପାଡେୟିତି ପୁଣ୍ଡିକିନାୟି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରାଇଁ ଅଡେ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ
 ରାଜି ର ହାର୍ଣ୍ଣ ପାଡେୟି ଲେହେତାୟି, ଏଦାଆଁ ଅହାନା ରଅସି ତାନି
 ବାଡାତା ମାଟିତେସି । ୩୨ ଏ ପାଡେୟି ବାରେ ପାଡେୟିକା କିହାଁ
 ଉଣା, ସାମା ଏଡି ପାତା ଆଡିସାରେ ବାରେ କୁଚା କିହାଁ କାଜାୟି ଆହାଁ
 ଇଲେତି ମାରୁ ଆନେ, ଇଞ୍ଜା ହାଗୁଡା ଉମ୍ବିମାନି ପଟାୟାଁ ଖାହାନା
 ଏଦାନି କମାତା ବଣ କିହାନା ବାସା କିନୁ ।

ପୁଲା ଏୟୁଡି ପୁଣ୍ଡିକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରାଇଁ ଅଡେ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ
 ରାଜି ର ପୁଲା ଏୟୁଲେହେତାୟି; ର ଇୟା ଗହ୍‌ୟାଁ ଗୁଣ୍ଡାତା ପୁଲାଏୟୁ
 କାଲ୍‌ହାନା ଇଟିତେ, ଏଚେଟିଏ ଏ ଗୁଣ୍ଡା ପଞ୍ଜାନା ବାରେ ପୁଲା ଆଡେ
 ।

ଜୀସୁ ପୁଣ୍ଡିକିନି କାତାତି ଅର୍ତ୍ତ ଖେହ୍‌ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ୟକିନି କାତାତଲେ ଜୀସୁ ଲକୁଣି ଝେସେସି, ଇଞ୍ଜା ପୁଣ୍ୟକିନି କାତା ଆର୍ଥାନା ଏନାଆଁଝା ଲକୁଣି ଝେସି ହିଲାଆତେସି, ୩୫ ଏନିକ୍ ମାହାପୁରୁ ଅଣ୍ପୁତି ବଲୁ ଝେହ୍ନାଣି ତାଣାଟି ଇ କାତା ସାତା ଆନେ,

“ନାନୁ ନା ଗୁତି ଏକ୍‌ହାନା ପୁଣ୍ୟକିନି କାତାତଲେ ଝେହ୍‌ଇଁ;
ଦାର୍ତ୍ତି ଗାଡ଼ି ଆଡ଼ି ଦିନାଟିଏ ଡଗୁମାନି କାତା ବାରେ ଝେହ୍‌ଇଁ
।”

ଜୀସୁ ଟଲି ଜାଡ଼ାତି ପୁଣ୍ୟକିନି କାତାତି ଅର୍ତ୍ତ ଝେହ୍‌ନାୟି

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା ଇଲୁ ବିତ୍ରା ହାରେସି, ଇଞ୍ଜା ତାନି ସୀସୁୟାଁ ତାଗେ ଝାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ୟକିନି କାତା ମାଙ୍ଗେ ନେହ୍‌କ୍ ଝେସ୍ତାମ୍ ।”

୩୭ ଜୀସୁ ଏଲେଇଚେସି, “ନେହ୍‌ ବିଚା ମାଟିନାସି ଏଝାସି ମାଣ୍‌ସି ମୀରୁଏସି; ୩୮ ଇ ଦାର୍ତ୍ତି ଆହିମାନେ ଗୁଡ଼ିୟା, ନେହ୍‌ ବିଚା ମାହାପୁରୁ ରାଜିତି ମୀରକା ମାସ୍କା; ଟଲି ଜାଡ଼ା ସୟତାନତି ମୀରକା ମାସ୍କା; ୩୯ ଆମିନି ସାତୁ ଏଦାଆଁ ମାଟିତେସି ଏଝାସି ସୟତାନ; ଆର୍ନା ଦାଃନି ଦିନା ଇତିହ୍‌ ଜୁଗୁ ରାନି ଦିନା, ଇଞ୍ଜା ଆର୍ନା ଦାଃଆନାରି ମାହାପୁରୁତି ଦୁଡୁୟାଁ । ୪୦ ଇତିହ୍‌ ଟଲି ଜାଡ଼ାତି ଏନିକ୍ ର ତାଣା କୁଡ଼ି କିହାନା ହିରୁତା ହୁଡିନାୟି, ଜୁଗୁ ରାନି ଦିନାତା ଜିକେଏ ଏଲେକିହ୍‌ ଆନେ । ୪୧ ମାଣ୍‌ସି ମୀରୁଏସି ତାନି ଦୁଡୁୟାଁଣି ପାଣ୍ଡିନେସି, ଇଞ୍ଜା ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଝାରାଇଁ ହିରୁ ଗାଡ଼ୁୟତା ମେଡ଼ନେରି, ଏମ୍ବାଆଁ ଏଝାରି ଡାହ୍‌ ପାଲକା ଟୀଟି କିନେରି । ୪୩ ଏଚିବେଲ୍ଲା ତୀରିଗାଟାରି ତାନି ଆବା ରାଜିତା ଝେଡ଼ାଲେହେଁ ଡାଞ୍ଜିହ୍‌ ତଞ୍ଜାଆନେରି । ଆମ୍ବାଆରାକି କୀର୍କା ମାନୁ ଏଝାରି ଝେଣ୍‌ମ୍ବାରି ।”

ଡଗୁମାନି ଦନ୍ ପୁଣ୍ୟକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡଗୁମାନି ଦନ୍ ଲେହେଁତାୟି, ରଅସି ଏଦାଆଁ ମେସାନା ଡକୁହା ଇଚିତେସି, ଅଡ଼େ ରାହ୍‌ଟି ହାଜାନା ତାନି ଇସିତାସି ଆସ୍ତି ପାରଗାନା ଝେଣ୍ଡେ ହାଜାନା ଏ ଗୁଡ଼ିୟାତି କଡିତେସି ।”

ଦାରାଗାଟି ଅପ୍ତନି ଖାଲିତ ପୁଣ୍ଡିକିନି କାତା

୪୫ “ଅଡ଼େ ଲାକପୁର ରାଜି ନେହୁଁ ଅପ୍ତନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍ତନି ଖାଲି ମେସାନା ଏଞ୍ଜାସି ହାଜାନା ତାନି ଇସିତାସି ଆସ୍ତି ପାର୍ତନା ଏ ଅପ୍ତନି ଖାଲିତ କଡ଼ିତେସି ।”

ମୀଶକା ଆହୁନି ଜାଲ୍ଲାତି ପୁଣ୍ଡିକିନି କାତା

୪୭ “ଅଡ଼େ ଜିକେଏ ଲାକପୁର ରାଜି ସାମ୍ପଦୁରିତା ବାରେ କୁଡ଼ାତି ମୀଶକା ଆସାଲି ମେଡ଼ନି ଜାଲ୍ଲା ଲେହେଁତାୟି । ୪୮ ଏ ଜାଲ୍ଲା ନେଞ୍ଜାଲିଏ ମୀଶକା ଆହୁନାରି ଏଦାଆଁ ସାମ୍ପଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହୁଁଆଁ ବାରେ ରୁଣ୍ଡା କିହାନା ତିରିତା ଇଟିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହନେରି । ୪୯ ଜୁଗୁ ରାଜି ଦିନାତା ଏଲେକିହୁଁ ଆନେ; ଦୁଡୁୟା ହଡ଼ାଞ୍ଜାହାନା ତାରିଗାଟାରି ତାଣାଟିଏ ଲାଗେଏ ପଲେଏତାରାଇ ଏଡ଼କା କିନେରି । ୫୦ ଅଡ଼େ ଏଞ୍ଜାରାଇଁ ହିରୁ ଗାଡ଼ୁୟତା ମେଡ଼ହା ତୁହନେରି, ଏମ୍ପାଆଁ ଡ଼ାନାୟି ଅଡ଼େ ପାଲ୍ଲକା ଟୀଟି କିନାୟି ଆନେ ।”

ପୁଞ୍ଜାଆଣି ଅଡ଼େ ପୁଞ୍ଜାଣି ଜାପ୍ତନାୟି

୫୧ ଜୀସୁ ସୀସୁୟାଁଇଁ ଖେଚେସି, “ମୀରୁ ଇ ବାରେ କାତା ପୁଚେରି ?” ଏଞ୍ଜାରି ଏଲେଇଚେରି, “ହାଅ ପ୍ରବୁ ।”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼ିହୁଁ ଆମିନି ଇଲୁଗାଟାସି ତାନି ଇଲୁଟି ପୁଞ୍ଜାଣି ପୁଞ୍ଜାଆଣି ହପ୍ତନେସି, ଲାକପୁର ରାଜିତ ସୀସୁ ଆହାମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

ଜୀସୁଇଁ ନାଜ୍ଜରିତତା ଅପାଆଗାଟାୟି

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା ଖେସାଲି ଆଡ଼ାଲିଏ, ଡାୟୁ ଏମ୍ପାଟିଏ ହାଚେସି । ୫୪ ଇଞ୍ଜା ଏଞ୍ଜାସି ତାନୁ ପାଡ଼ାଆଡ଼ି ନାୟୁତା ଖାହାନା ଲକୁଣି ତାନି ଜୀହୁଦି ଲକୁଡ଼ି କୁଟମି ଇଲୁତା* ଇଲେକିହୁଁ ଜାପ୍ତହେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି

* ୧୩:୫୪ ୧୩:୫୪ ସିନଗଗ

ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ବିଟି ବାଡ଼ୁୟୁ
 ବେଟାଆଡେସି ? ^{୫୫} ଇଝାସି ଏ ବାଡ଼ିୟାତି ମାରୁଏସି ଆଏକି ?
 ଇଝାଣି ଇୟା ମରିୟମ ଆଏ ? ଅଡେ ଇଝାଣି ତାୟିୟା ଦରକା
 ଜାକୁବ, ଜସେପ, ସିମନ ଇଞ୍ଜା ଜାହୁଦା ଆଏ ? ^{୫୬} ଅଡେ ଇଝାଣି
 ତାଜିସ୍ତା ମା ତଲେ ହିଲାଡ ? ଇଞ୍ଜାହାଁ ଇଝାସି ଏ ବାରେ ଆମ୍ବିଟି
 ମେଡାଆଡେସି ?” ^{୫୭} ☆ଇଞ୍ଜା ଏଝାରି ଜୀସୁଇଁ ଅପାଆଡେରି । ସାମା
 ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଅଣ୍ଟପୁତି ବଲୁ ଝେହ୍ନାରି
 ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଞ୍ଜାଅରି ।”
^{୫୮} ଅଡେ ଏଝାରି ନାମାଆତାକି ଏଝାସି ଏମାଆଁ ହାରେକା କାବାଆନି
 କାମା କିଆଡେସି ।

୧୪

ବାପ୍ତିସ୍ତା* ହାନି ଜହନ ହାନାୟି

(ମାର୍କ ୭:୧୪-୨୯; ଲୁକ ୯:୭-୯)

^୧ ଏତିବେଲ୍ଲାତା ଗାଲିଲିତି ସାଲ୍ଲୁଖି କିନି ରାଜା ହେରଦ ଜୀସୁତି
 କାରୁ ଝେଚେସି, ^୨ ଅଡେ ତାନି ହଲିୟାଙ୍ଗାଣି ଏଲେଇଚେସି, “ଇଝାସି
 ବାପ୍ତିସ୍ତା† ହାନି ଜହନ ଏଝାସି ହାଡାରି ତାଣାଟି ନିଙ୍ଗାମାନେସି,
 ଏଡାଆଁତାକି ଇ ବାରେ ବାଡ଼ୁୟୁ ଏଝାଣି ତାଣା କାମା କିହିମାନେ ।”

^୩ ☆ଇଚିହ୍ଁ ତଲି ହେରଦ ତାନି ତାୟି ପିଲିପ ତକ୍ତି ହେରଦିୟାନି
 ତାକି ଜହନଇଁ ଦସ୍ପା ତାତାନା କାୟିଦି ଇଲୁତା ଇଟାମାଚେସି ।
^୪ ଇଚିହ୍ଁ ଜହନ ତାଙ୍ଗ ଏଲେଇଞ୍ଜିମାଚେସି, ହେରଦିୟାନି ଇଚିନାୟି
 ନୀ ମେରା ହିଲେଏ । ^୫ ଅଡେ ହେରଦ ଏଝାଣାଇଁ ପାୟାଲି ମନ କିତି
 ଜିକେଏ ଲକୁଣି ଆଜିମାଚେସି, ଏଡାଆଁତାକି ଇଚିହ୍ଁ ଏଝାଣାଇଁ ର
 ମାହାପୁରୁ ଅଣ୍ଟପୁତି ବଲୁ ଝେହ୍ନାସି ଇଞ୍ଜାଁ ମାନି କିହିମାଚେରି ।

^୬ ସାମା ହେରଦତି ଜାନା ଦିନା ଝାହାଲିଏ, ହେରଦିୟାତି ମାଙ୍ଗା
 ରୁଣ୍ଡା ଆହାମାଟି ଲକୁ ନକିତା ଏନ୍ଦାନା ହେରଦଇଁ ରାହାଁ କିଝିକିତେ
 । ^୭ ଏଚେଟିଏ ଏଝାସି ପାରମାଣା କିହାନା ଆଞ୍ଜିଡେସି, ନୀନୁ ନାଙ୍ଗେ
 ଏଡାଆଁ ରାସ୍ତାତିହ୍ଁ ଏଦି ନିଙ୍ଗ ହୀପକିଆଚେନ ।

☆ ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୭ ୧୪:୭ ମୁଞ୍ଜିନାୟି

☆ ୧୪:୩ ୧୪:୩ ଲୁକ ୩:୧୯,୨୦

୮ ଇଞ୍ଜା ଏଦି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତ‡ ହାନି ଜହନତି ତାୟ୍‌ ନୁଏଁ ଇମ୍ପାଆଁ ର ସାଡ଼ଝାତା ନାଢେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହ୍‌ ଜିକେଏ ତାନୁ ପାର୍‌ମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହୀହାଲି ହୁକୁମି ହୀତେସି । ୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟ୍‌ ଦାପିକିତେସି, ୧୧ ଅଡ଼େ ଏଞ୍ଜାଣି ତାୟ୍‌ ରୁ ସାଡ଼ଝାତା ତାଚାନା ଏ ପଦାକି ହୀତେରି, ଇଞ୍ଜା ଏଦି ଅହାନା ତାମି ଇୟାନି ତାଣା ଅଡ଼େ । ୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି ।

ଜୀସୁ ପାସାମାଣା ଲକୁକି ତିଞ୍ଜାଲି ହୀନାୟି

(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲାଆ ଟାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟାଟି ଖାହାନା ତାକି ତାକିହ୍‌ ଏଞ୍ଜାଣି ଜେଚ ହାଚେରି; ୧୪ ଅଡ଼େ ଏଞ୍ଜାସି ତଂଗଟି ରେଚାନା ମାୟା ଲକୁଣି ମେସାନା କାର୍‌ମା ଆହାନା ଏଞ୍ଜାରି ରଗ ଗାଟାରାଇଁ ନେହ୍‌ କିତେସି ।

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା ଆମେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକ୍‌ ନାସକାଣାଁ ହାଜାନା ତାମଢେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହାଜାଲି ହେଲ ହୀମୁ ।”

୧୬ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ, ମୀରୁ ଏଞ୍ଜାଚାକି ତିଞ୍ଜାଲି ହୀଦୁ ।”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଢେ ଇମ୍ପାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାନ୍ତୁ ।”

୧୮ ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାଆଁ ଇମ୍ପାଆଁ ନା ତାଣା ତାଦୁ ।” ୧୯ ଅଡ଼େ ଏଞ୍ଜାସି ଲକୁଣି ଗାକ୍‌ ଜାଡ଼ା ଲାକ କୁଗାଲି ହୁକୁମି

‡ ୧୪:୮ ୧୪:୮ ମୁଞ୍ଜନାୟି

ହୀତେସି, ଅତ୍ତେ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡିକିହାନା ତାନି ସୀସୁୟାକି ହୀତେସି, ଏଚେଟିଏ ସୀସୁୟା ବାରେ ଲକ୍ଷୁକି ହୀତେରି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟା ହାରାମାଟି ରୁଟି ଗାଣୁୟା କୃଡ଼ି କିହାନା ବାରଗଟା ଡାଲିତା ନେଞ୍ଜିକିତେରି । ୨୧ ରାନ୍ଦା ତିଟି ଲକ୍ଷୁ ଇୟାସିକା ଇଞ୍ଜା କକାରି ପଦାଣି ପିସାନା ବାରେ ପାସାମାଣା ଆବାୟା ମାଚେରି ।

ଜୀସୁ ଏୟୁ ଲାକ ତାକିନାୟି

(ମାର୍କ ୭:୪୫-୫୨; ଜହ ୭:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଣି ତଂଗତା ଏକହାନା ସାମ୍ବୁରି ଆତାଲାଖାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷୁଣି ହାଜାଲି ହେଲ ହୀତେସି । ୨୩ ଜୀସୁ ଲକ୍ଷୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହୀତେସି, ଇଞ୍ଜା ମିଡ଼ଅଲା ଆହାଲିଏ ଏଞ୍ଜାସି ଏମ୍ବାଆଁ ରଅସିଏ ମାଚେସି । ୨୪ ସାମା ଏଚିବେଲା ତଂଗ ସାମ୍ବୁରି ଗାଟୁଟିଏ ହାରେକା ହେକ ମାଚେ, ଇଞ୍ଜା ସାମ୍ବୁରିତା ଗାଲି ଝେଗାଲିଏ ଏ ତଂଗ ଖାଡ଼ିମାଚେ ।

୨୫ ସାମା ଝେୟା ନେକେରି ଜୀସୁ ଏୟୁ ଲାକ ତାକି ତାକିହିଁ ସୀସୁୟା ତାଗେ ହାଚେସି । ୨୬ ଅତ୍ତେ ସୀସୁୟା ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁତୁ !” ଇଞ୍ଜା ଆଜିତାକି କିରଡ଼ିଚେରି ।

୨୭ ସାମା ଜୀସୁ ଦେବୁଣିଏ ଏଞ୍ଜାରାଇଁ ଏଲେଇଚେସି, “ସାସା ଆହଦୁ ଆଜାଆଦୁ ନାନୁ ଜୀସୁଚେସଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହିଁ ଏୟୁଲାକଟି ତାକିହିଁ ନୀପ ଖାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଞ୍ଜାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହିଁ ହାଚେସି । ୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣାଁ ମୁଞ୍ଜିହିଁ ଏଲେଇଚେସି, “ଏ ପ୍ରବୁ ନାଞ୍ଜେ ଗେଲ୍ପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଙ୍କୁ ଆସାନା ଏଲେଇଚେସି, “ଏ ଉଣା ନାମୁ ଗାଟାତି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଞ୍ଜାରି ତଂଗତା ହଡ଼ାଲିଏ ଗାଲି ତୁଙ୍ଗିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଙ୍କୁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଣାତି ।”

ଗେନେସର ରାଜିତା ଜୀସୁ ରଚା ଗାଟାରାଙ୍କୁ ନେହୁଁ କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମ୍ବୁରି ଗାଣ୍ଡାନା ଗେନେସର ରାଜିତା ଏଚେରି । ୩୫ ଅଡ଼େ ଏମାତି ଲକୁ ଜୀସୁଙ୍କୁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାବୁ ପାଣ୍ଡିତେରି, ଇଞ୍ଜା ଲକୁ ବାରେ ରଚା ଗାଟାରାଙ୍କୁ ଜୀସୁ ତାଣା ତାତେରି; ୩୬ ଅଡ଼େ ରଚା ଗାଟାରି ଜୀସୁତି ହିମ୍ବିରି କୁକୁଁ ତୀଗିନେରି, ଏଦାଆଁତାକି ଜୀସୁଙ୍କୁ ବାତିମାଲିତେରି, ଇଞ୍ଜା ଏଚେକା ଲକୁ ତୀଗିତେରି ବାରେ ନେହୁଁ ଆଡ଼େରି ।

୧୫

ଆକୁ ଆବାୟାଁ ମେରା ଜାପ୍ନାୟି

(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପ୍ନାୟି ମେରା ମାନି କିହିହିଲଅରି ? ଇଚିହୁଁ ରାନ୍ଦା ତିନାଟି କେୟା ନରଅରି ।”

୩ ଜୀସୁ ଏଞ୍ଜାରାଙ୍କୁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନଞ୍ଜି ଆହି ହିଲଅତେରି ?” ୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଙ୍କୁ ମାନି କିଦୁ, ଇଞ୍ଜା ଆମ୍ବାଆସି ଇୟା କି ଆବାଙ୍କୁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଙ୍କୁ ଏଲେଇନେସି, ନା ତାଣାଟି ମିଙ୍ଗେ ଏନାଆଁ ହିୟାତିହୁଁ ନେହେଁ ଆଡ଼େମା, ଏ ବାରେ ମାହାପୁରୁକି

ହେଉଛି ଆହାମାନେ, ^୬ ଏଞ୍ଜେଲ୍ ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହିଁ ମୀରୁ ମୀ ପାଣାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ^୭ ଆଡେ କୁରୁ ଗାଗାତେରି, ମାହାପୁରୁ ଅଣ୍ପୁତି ବଲୁ ଖେହ୍ନି ଜିସାୟ ମିଙ୍ଗେତାକି ନେହିଁକିଁ ଇ କାତା ଖେସାମାନେସି ।

୮ ଇ କୁଡ଼ାତାରି ଖାରଇ ଗୁତି ତଲେ ସେବା କିୟାନେରି,
ସାମା ଏଞ୍ଜେରି ହିୟାଁ ନା ତାଣାଟି ହେକ ତୟିନେ ।

୯ ଏଞ୍ଜେରି ମାଣ୍ଡି କେପିତି ପାଣା ପାରୁତି ଦାମୁତି ନେହିଁ କାତା ଇଞ୍ଜିଁ
ଜାପୁହାନା,

ଉଜେଏ ନାଙ୍ଗେ ସେବା କିହିମାଞ୍ଜାନେରି ।

ମାଣ୍ଡିଇଁ ଲାଗେଏ କିନାୟି

(ମାର୍କ ୭:୧୪-୨୩)

^{୧୦} ଅଡେ ଜୀସୁ ଲକୁଣି ତାଗେ ହାଟାନା ଏଞ୍ଜେରାଇଁ ଏଲେଇଚେସି,
“ଖେଞ୍ଜୁ ଇଞ୍ଜା ପୁଞ୍ଜୁ ।” ^{୧୧} ମାଣ୍ଡି ଗୁତି ବିତ୍ରା ଏନାୟି ହଡ଼ନେ ଏଡ଼ି
ଏଞ୍ଜେରାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହଡ଼ନେ ଏଡ଼ି
ମାଣ୍ଡିଇଁ ଲାଗେଏ କିନେ ।

^{୧୨} ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି,
ପାରୁସିୟାଁ ଇ କାତା ଖେଞ୍ଜାନା କସୁ ବେଗାଆହି ମାନେରି ଇଦାଆଁ ନୀନୁ
ପୁଞ୍ଜା ମାଞ୍ଜିକି ?

^{୧୩} ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି
ମାରୁନୁ ଉହା ହିଲଅସି ଏ ବାରେ ରେଞ୍ଜି ଆନୁ ।” ^{୧୪} ପାରୁସିୟାଁ କାତା
ଖେନାଆନୁ, ଏଞ୍ଜେରି କାଣାୟାଁ ଆହାନା କାଣାୟାଁଇଁ ଜିରୁ ତହ୍ନେରି,
ଇଞ୍ଜା କାଣା ଅର କାଣାଇଁ ଜିରୁ ତସିହିଁ ରିଆରି ଜିକେଏ ଗାଡ଼ୟୁତା
ତରରିନେରି ।

^{୧୫} ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଖେସ୍ତାମୁ
।”

^{୧୬} ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ
ଗାଗାତେରି ?” ^{୧୭} ଏନାୟି ଗୁତିଟି ହଡ଼ନେ ଏଡ଼ି ବାଣ୍ଡିତା ହାଜାନା
ଏଡ଼ି ବାଣ୍ଡିହାନିଲେହେଁ ହଡ଼ା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ *ସାମା ଗୁଡ଼ିଚି ଏନାୟି ହରିମାନେ ଏଦି ହିୟାଟି ହରିମାନେ ଏଦିଏ ମାଣସିକ୍ ଲାଗେଏ କିହିମାନେ । ୧୯ ଇଚିହିଁ ହିୟାଟି ଲାଗେଏତି ଅଣ୍ଠୁ ହନେ, ଇଚିହିଁ ଲକ୍ଷ୍ମଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିତି ସାକ୍ତି ହୀହାଲି ଇଞ୍ଜା ନିନ୍ଦା କାତା ଜଲାଇ; ୨୦ ଇ ବାରେ କାମା ମାଣସିକ୍ ଲାଗେଏ କିନେ, ସାମା କେୟୁ ନରଥାନା ତିନାୟି ମାଣସିକ୍ ଲାଗେଏ କିଏ ।

ର ଇୟାନି ନାମୁ

(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡ଼େ ସିଦନ ରାଜିତା ହାରେସି । ୨୨ ଅଡ଼େ ମେହ୍‌ଦୁ ଏ ହାୟିଚି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇରେ, “ଏ ପ୍ରବୁ ଦାଝୁଦ ମୀରଏଣାତି ନାଜେ କାର୍ମା ମେସ୍ତାମୁ ଇଚିହିଁ ନା ମାଜ୍ଜାନି ହାରେକା ଆଜିହେପତି ବୁଡୁ ଆସାନା କସ୍ତୁ ଆହିମାନେ ।”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲାଇଆତେସି । ଇଞ୍ଜା ତାନି ସୀୟୁୟା ଖାହାନା ଏଞ୍ଜାଣାଇ ଏଲେଇରେଚି, “ଇଦାନି ହେଲ ହୀହାନା ପାଣ୍ଡାତୁହ୍‌ମୁ, ଏନାଆଁତାକି ଇଚିହିଁ ଇଦି ମା ଜେଚ କାଲ୍‌ଝି ଆହିମାନେ !”

୨୪ ସାମା ଜୀସୁ ଏଲେଇରେସି, “ନାନ୍ତୁ ଇସ୍ତାୟେଲ କୃତାତା ଜାଜ୍ଜାମାନି ମେଶ୍ତାୟା ପିସ୍‌ପେ ଅଡ଼େ ଆମ୍ବାଆରି ତାଣା ପାଣ୍ଡୁଝି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇରେ, “ଏ ପ୍ରବୁ ନାଜେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇରେସି, “ମୀରକା ମାସ୍‌କା କାଦି ଅହାନା ନେସ୍‌କା ତାଗେ ମେଡ଼ନାୟି ନେହେଁ ଆଏ ।”

୨୭ ଏ ଇୟା ଏଲେଇରେ, “ହାଅ ପ୍ରବୁ ଇଚିହିଁ ନେସ୍‌କା ତାନି ସାଝୁକାରିୟା ତାଣାଟି ତରଗାମାନି ଜୁଟା ରାନ୍ଦା ପେର୍‌ହା ତିନ୍ତୁ ।”

୨୮ ଏତେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଏ ନିଙ୍ଗ ଆୟାପେ ।” ଏ ଦେବୁଣିଏ ତାନି ମାଜା ନେହେ ଆଡେ ।

ଜୀସୁ ହାରେକା ଲକୁଣି ନେହୁଁ କିନାୟି

୨୯ ଜୀସୁ ଏମାଟିଏ ହାଜାନା ଗାଲିଲି ସାମୁଦ୍ରି ତାଗେ ଖାଡେସି, ଅଡେ ହରୁ ଲାକ ହାଜାନା କୁରିତେସି । ୩୦ ଅଡେ ହାରେକା ଲକୁ ସଗାୟା, ଚୁଡୁଖାୟା, କାଶାୟା, ଗୁଲାଇୟା, ହାରେକା ଲକୁଇଁ ତାମିତଲେ ତାଗାନା ଜୀସୁ କଡ଼ା ଡ଼ଇ ଇଟିତେରି, ଅଡେ ଏଞ୍ଜାସି ଏଞ୍ଜାରାଇଁ ନେହୁଁ କିତେସି । ୩୧ ଇଲେକିହୁଁ ବେବ୍‌ତାୟା ଜଲିମାନେରି, ଚୁଡୁଖାୟା ନେହୁଁ ଆହିମାନେରି, ସଗାୟା ତାକି ମାନେରି ଅଡେ କାଶାୟା ମେସିମାନେରି; ଇ ବାରେ ମେସାନା ଲକୁ କାବା ଆଡେତରି, ଇଞ୍ଜା ଇସ୍ରାୟେଲତି ମାହାପୁରୁଇଁ ଜହରା କିତେରି ।

ଜୀସୁ ସାରି ମାଣା ଲକୁଣି ତୀସ୍ତେସି

(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାଟାନା ଏଲେଇଚେସି, “ଇ ବାରେ ଲକୁତାକି ନାଜେ କାର୍ମା ହଡିମାଞ୍ଜାନେ, ଏନାଆଁତାକି ଇଚିହୁଁ ଇଞ୍ଜାରି ତାନିଦିନା ଆଡେତରିଏ ନା ତଲେ ମାଞ୍ଜାମାନେରି, ଅଡେ ଇଞ୍ଜାରି ତାଣା ଏନାୟିଞ୍ଜା ତିଞ୍ଜାଲି ହିଲେଏ; ଇଞ୍ଜାରି ହାନାଟି ଜୀସୁ ହଡା ହାଡିଲେହେଁ ଜିରୁତା ତରଗିନେରି, ଏଦାଆଁତାକି ହାକିଟି ପାଣ୍ଡାଲି ନା ମନ ହିଲେଏ ।”

୩୩ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଟାୟୁତା ଏମ୍ବିଟି ରୁଟି ପାଣ୍ଡାନାୟି ।”

୩୪ ଜୀସୁ ଏଞ୍ଜାରାଇଁ ଖେରେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜାରି ଏଲେଇଚେରି, “ସାଡାଗଟା ଇଞ୍ଜା ଏଚରଗଟା ଡ଼ଣା ମୀଣ୍ଡକା ମାନୁ ।”

୩୫ ଏତେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀଡେସି, ୩୬ ଅଡେ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣ୍ଡକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହୀଡେସି; ଏଞ୍ଜାରି ଲକୁତାକି ହୀଡେରି । ୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତାଗିତି ରୁଟି ସାଡା ତାଲି

ହାରିତାଣି କୃତ୍ରି କିତେରି । ୩୮ ରୁଚି ତିଚି ଲକ୍ଷ୍ମ ଇୟାସିକା ଅଡ଼େ ଉଣା କକାରି ପଦାଣି ପିସାନା ସାରି ମାଣା ଆବାୟା ମାଚେରି ।

୩୯ ଏଚେଟିଏ ଏଞ୍ଜାସି ଲକ୍ଷ୍ମି ହେଲ ହାହାନା ତଂଗତା ହତାନା ମଗଦାନ ହାନ୍ଦିତା ଖାଡ଼େସି ।

୧୭

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ଏଚେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଙ୍ଗେ ହାଗୁ ଲାକଟି ର ସିନା ତସ୍ତାମୁ ଇଞ୍ଜି ବାତିମାଲିତେରି । ୨ ସାମା ଜୀସୁ ଏଞ୍ଜାରାକ୍ ଏଲେଇଚେସି, “ମିଡ଼ାଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହ୍ ହାଗୁ ଗାଦଗା ଆହାମାନେ ।” ୩ ଅଡ଼େ ଲାକ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହ୍ ହାଗୁ ଗାଦଗା ଅଡ଼େ ଦୁନ୍ଦା ମୁଚାମାନେ । ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀର୍ବତି କାତା ଅଡ଼େ ସିନାୟାଁ ପୁଞ୍ଜି ହିଲଅତେରି । ୪ ☆ପଲ୍ଲଆ ଗାଟାରି ଇଞ୍ଜା ମାହାପୁରୁକ୍ ଅଣ୍ପାଆଗାଟି କୃତାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡ଼େ ଏଟକାତି ସିନା ଏଞ୍ଜାରାକି ହାପକି ଆଏ, ଇଞ୍ଜା ଏଞ୍ଜାସି ଏଞ୍ଜାରାକ୍ ପିସାନା ହାଚେସି ।

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା

(ମାର୍କ ୮:୧୪-୨୧)

୫ ସୀସୁୟାଁ ସାମ୍ପୁରି ଆତାଲା ହାଜାନା ସିନିକିତେରି, ଏଞ୍ଜାରି ରୁଚି ଅହାଲି ବାଣା ଆହା ହାଜାମାନେରି । ୬ ☆ଜୀସୁ ଏଞ୍ଜାରାକ୍ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।”

୭ ଏମ୍ପାଟିଏ ଏଞ୍ଜାରି ତାମ୍ପୁ ତାମ୍ପୁ ଜଲ୍ଲକି ଆହାଲି ମାଟ୍‌ହେରି, “ମାରୁ ରୁଚି ତାତା ହିଲାଆୟି ଇଞ୍ଜି ଏଞ୍ଜାସି ଏଲେଇଞ୍ଜିମାଞ୍ଜାନେସି ।”

☆ ୧୭:୧ ୧୭:୧ ମାତି ୧୨:୩୮; ଲୁକ ୧୧:୧୭ ☆ ୧୭:୪ ୧୭:୪ ମାତି ୧୨:୩୯; ଲୁକ ୧୧:୨୯

☆ ୧୭:୬ ୧୭:୬ ଲୁକ ୧୨:୧

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିତ୍ତା ରୁଟି ହିଲେଏ ଇଞ୍ଜିଁ ଏନାଆଁତାକି ଝେସ୍‌ପି ଆହିମାଞ୍ଜେରି ? ୯ ✧ ମୀରୁ ନୀଏଁ ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷୁତି ପାସାଗଟା ରୁଟି ଡିକ୍‌ହାନା ହାହା ମାଚେଏଁ, ଇଞ୍ଜାଁ ମୀରୁ ଏଚର ଡାଲି ହାରିତାଣି କୃଡ଼ି କିତେରି, ୧୦ ✧ ଇଞ୍ଜାଁ ଏ ସାରି ମାଣା ଲକ୍ଷୁତି ସାତା ଗଟା ରୁଟି, ଇଞ୍ଜାଁ ଏଚର ଡାଲି ହାରିତାଣି କୃଡ଼ି କିତେରି, ଏ ବାରେ ମିଙ୍ଗେ ଅଣ୍‌ପୁ ହିଲେଏ ? ୧୧ ନାନୁ ମିଙ୍ଗେ ରୁଟି କାତା ଝେସାମାଞ୍ଜାଆତେଏଁ, ଇଦାଆଁ ଏନିକ୍‌ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲା ଏମୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲା ଏମୁତାକି ଜାଗ୍ରାତା ଆହାନା ମାଞ୍ଜାଲି ଝେହ୍‌ଆନା, ପାରୁସିୟାଁ ଅଡ଼େ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରାଈଁ ଝେସାମାଚେସି, ଏଦାଆଁ ଏଞ୍ଜାରି ଏଚିବେଲା ପୁଚେରି ।

ଜୀସୁଇଁ ପିତର ସାତା ଇଞ୍ଜିଁ ଝେହ୍‌ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ଝାହାନା ତାନି ସୀସୁୟାଁଇଁ ଝେଚେସି, “ମାଣ୍‌ସି ମୀର୍‌ଏସି ଆମ୍ବାଆସି ଇଞ୍ଜିଁ ଲକ୍ଷୁ ଝେସିମାନେରି ?”

୧୪ ✧ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆରି ବାପ୍ତିସ୍ମ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ୍ ମାହାପୁରୁ ଅଣ୍‌ପୁଡ଼ି ବଲୁ ଝେହ୍‌ନାରି ତାଣାଟି ରଅସି ।”

୧୫ ଜୀସୁ ଏଞ୍ଜାରାଈଁ ଝେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜିଁ ମୀରୁ ଝେସିମାଞ୍ଜେରି ?”

୧୬ ✧ ସିମନ ପିତର ଏଲେଇଚେସି, “ନୀନୁ କ୍ରୀସ୍ତ, ଜୀଝୁଗାଟି ମାହାପୁରୁ ମୀର୍‌ଏଶାତି ।”

✧ ୧୭:୯ ୧୭:୯ ମାତି ୧୪:୧୭-୨୧ ✧ ୧୭:୧୦ ୧୭:୧୦ ମାତି ୧୫:୩୪-୩୮ ✧ ୧୭:୧୪ ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ * ୧୭:୧୪ ୧୭:୧୪ ମୁଞ୍ଜିନାୟି ✧ ୧୭:୧୭ ୧୭:୧୭ ଜହ ୬:୨୮,୨୯

୧୭ ଏରେଟିଏ ଜୀସୁ ଏଞ୍ଜାଣାଙ୍କ ଏଲେଇରେସି, “ଏ ଜୁନସ ମୀରଏଣାତି ସିମନ, ନୀନୁ ନେହେଁ, ଇତିହୁଁ ମାଣ୍ଡସି ନୀ ତାଣାଟି ଇଦାଆଁ ଝେକହାମାଞ୍ଜଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି ।^{୧୮} ଅଡେ ନାନୁ ଜିକେଏ ନିଙ୍ଗେ ଝେସିମାଞ୍ଜାଙ୍କ, ନୀନୁ ପିତରତି†, ଇଞ୍ଜା ଇ ଖାଲି ଲାକ ନାନୁ ନା କୁଲମିତି କେପିଇଁ, ଅଡେ ହାକିତି ବାଡ଼ୁୟୁ ଏଦାଆଁ ମ୍ଲେକହାଲି ଆଡେଏ ।^{୧୯} ନାନୁ ନିଙ୍ଗ ଲାକପୁରୁତି କୁଟିକାଡ଼ି ହିୟାଙ୍କ, ଅଡେ ନୀନୁ ଦାର୍ତତା ଏନାଆଁ ସୁଣ୍ଡି, ଏଦି ଲାକପୁରୁ ରାଜି ଜିକେଏ ସୁଣ୍ଡକି ଆନେ, ଅଡେ ଦାର୍ତତା ଏନାଆଁ ଦେଏଦି ଏଦି ଲାକପୁରୁ ଜିକେଏ ଦେପି ଆନେ ।”

୨୦ ଏଟିରେଲା ଏଞ୍ଜାସିଏ କ୍ରୀସୁ ଇଞ୍ଜା ଆମ୍ବାଆରାଙ୍କ ଝେହୁଆଦୁ ଇଞ୍ଜା ଏଞ୍ଜାସି ତାମି ସୀସୁୟାଣି ଜାଣ୍ଡେ କିହୁଁ ହୁକୁମି ହୀତେସି ।

ଜୀସୁ ତାନି ଦୁକୁ ବେଟାଆନାଣି ଅଡେ ହାନାଣି ଝେହୁନାୟି
(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଟିରେଲାଟିଏ ଜୀସୁ ତାନି ସୀସୁୟାଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାଟିନାଙ୍ଗା, କାଜା ପୂଜେରାଙ୍ଗା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣ୍ଡେ ନିଙ୍ଗନାୟି ମାନେ ।

୨୨ ଏରେଟିଏ ପିତର ଏଞ୍ଜାଣାଙ୍କ ଅରୁଞ୍ଜକି ଅହାନା ଲାଗାନା ଏଲେଇରେସି, “ଏ ପ୍ରବୁ, ମାହାପୁରୁ ନିଙ୍ଗ କାର୍ମା ଆୟାପେସି, ଇଲେତାୟି ନିଙ୍ଗେ ଏରେଲାଞ୍ଜା ଆୟାଆପେ ।”

୨୩ ସାମା ଜୀସୁ ତାୟୁଞ୍ଜକି ସିନିକିହାନା ପିତରଙ୍କ ଏଲେଇରେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାଡୁ ଲେହେଁ, ଇତିହୁଁ ନୀନୁ ମାହାପୁରୁ କାତା ଅଣ୍ଡାଆନା ମାଣ୍ଡସିତି କାତା ଅଣ୍ଡପିମାଞ୍ଜ ।”

୨୪ ଏଟିରେଲା ଜୀସୁ ତାନି ସୀସୁୟାଣି ଏଲେଇରେସି, “ଆମ୍ବାଆସି ନା ଜେଟ ତାକାଲି ମନ କିତିହୁଁ, ଏଞ୍ଜାସି ତାନୁଏ ତାଙ୍ଗେ ଅପାକତାଆନା ତାନି କୁସ ଡେକାନାହାଁ ନା ଜେଟ ତାକାପେସି ।

† ୧୭:୧୮ ୧୭:୧୮ପିତର ଇତିହୁଁ ଖାଲି ☆ ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩

☆ ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭

୨୫ ✨ଇତିହାସ ଆତ୍ମାଆସି ତାନି ଜୀବୁ ନୀର୍ବହା କତାଲି ମନ କିନେସି, ଏଞ୍ଜି ସି ହାଞ୍ଜି କିନେସି; ସାମା ଆତ୍ମାଆସି ନା ତାକି ତାନି ଜୀବୁ ହୀନେସି ଏଞ୍ଜିସି ନୀର୍ବହା କଡିନେସି । ୨୬ ଅଡେ ମାଣ୍ଡସି ଇ ଦାଡିତା ମାନାଣି ବାରେ ମେଡି କିହାନା ତାନି ଜୀବୁତି ହାଞ୍ଜି କିନେସି, ଆତିହାସ ଏଞ୍ଜିଣାକି ଏନି ଲାବା, ଇଞ୍ଜା ମାଣ୍ଡସି ତାନି ଜୀବୁତି ବାଦୁଲି ଏନାଆଁ ହୀନେସି ? ୨୭ ✨ଇଞ୍ଜା ମାଣ୍ଡସି ମୀର୍ବସି ତାନି ଆବାତି ଗାଞ୍ଜୁରମିତି ତାନି ଦୁଦୁୟା ତଲେ ଖାନେସି, ଏତିବେଲା ଏଞ୍ଜିସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହୀନେସି । ୨୮ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାଣ୍ଡସି ମୀର୍ବସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି ।”

୧୭

ଜୀବୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୭)

୧ ଜୀବୁ ସ ଦିନା ତାୟୁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟକା କିହାନା ଏଞ୍ଜିରାଇଁ ର ପାତାଆଡି ହରୁ ଲାକ ଅଡେସି । ୨ ଅଡେ ଏଞ୍ଜିସି ଏଞ୍ଜିରି ନକିତା ତାନି ଖାଣା ବାଦଲଞ୍ଜି ଆହାନା ତାନି ମୁମ୍ବୁ ଝେଡାଲେହେଁ ଉଜେଡି ଇଞ୍ଜା ତାନି ହିମ୍ବୁରି ଉଜେଡି ଲେହେଁ ଦବଲା ଆଡେ । ୩ ଇଞ୍ଜା ମେହୁଦୁ ମସା ଅଡେ ଏଲିୟ ଜୀସୁତଲେ କାତା ଆହିମାଚାଣି ମେସ୍ତେରି । ୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାର ଇ ଟାୟୁତା ମାନାୟି ନେହେଁ; ନୀ ମନ ଆତିହାସ ନାନୁ ଇମ୍ବାଆଁ ତାନିଗଟା ଗୁଡାୟା କେପିଇଁ, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ ।”

୫ ✨ଇ କାତା ଝେସ୍ପପିଏ ମେହୁଦୁ ଇଚାୟି ହାଗୁ ଖାହାନା ଏଞ୍ଜିରାଇଁ ପିକ୍‌ହେ, ଇଞ୍ଜା ଏ ହାଗୁଟି ଇ ହାଡା ଝେଙ୍ଗିତେ, “ଇଞ୍ଜିସି ନା ଜୀବୁତି ମୀର୍ବସି ଇଞ୍ଜାଣି ତାଟେଏ ନା ରାହାଁ ମାନେ, ଇଞ୍ଜାଣି ବଲୁ ଝେଞ୍ଜୁ ।”

☆ ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ☆ ୧୭:୨୬ ୧୭:୨୬ ମାତି ୨୫:୩୧; ରମି ୨:୬ ☆ ୧୭:୫ ୧୭:୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ☆ ୧୭:୫ ୧୭:୫ ୨ପିତ ୧:୧୭,୧୮

୬ ଈ ହାଡ଼ା ଖେଞ୍ଜାହାଁ ସୀସୁୟାଁ ମୁନୁ କୁଡିହିଁ ରୀତେରି ଇଞ୍ଜା ହାରେକା ଆଜିତେରି । ୭ ଏମ୍ବାଟିଏ ଜୀସୁ ଖାହାନା ଏଞ୍ଜାରାଇଁ ତୀଗାନା ଏଲେଇରେସି, “ନିଙ୍ଗାଦୁ ମୀରୁ ଆଜାଆଦୁ ।” ୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସପେ ଆମ୍ବାଆରାଇଁ ମେହୁଆତେରି ।

୯ ଏଞ୍ଜାରି ହରୁ ଲାକଟି ରେଟା ଖାହିମାଟାଟି ଜୀସୁ ଏଞ୍ଜାରାଇଁ ହୁକୁମି ହୀହାନା ଏଲେଇରେସି, “ମାଣସି ମୀରୁଏସି ହାଡ଼ାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ବାଆରାଇଁ ଖେହୁଅତେରି ।”

୧୦ ଏଦାଆଁତାକି ସୀସୁୟାଁ ଏଞ୍ଜାଣାଇଁ ଖେରେରି, “ଆଡିହିଁ ନକେଏ ଏଲିୟ ଖାନାୟି ମାନେ ଇଞ୍ଜାଁ ମେରାପୁନାରି ଏନାଆଁତାକି ଖେସିମାନେରି ?”

୧୧ ଏଞ୍ଜାସି ଏଲେଇରେସି, “ଏଲିୟ ଖାହାନା ବାରେ ଅଡ୍ଡେ ଖେଣ୍ଡେ ଇଟିନାୟି ସାତା” ୧୨ ✨ସାମା ନାନୁ ମିଙ୍ଗେ ଖେସିମାଞ୍ଜାଇଁ, “ଏଲିୟ ଖାହା ରାଡେସିଏ, ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନ ଏଲେକିତେରି । ଏଲେକିହିଁଏ ମାଣସି ମୀରୁଏସି ଜିକେଏ ଏଞ୍ଜାରି କେନ୍ଦୁତା ଦୁକୁ ବେଟାଆହାଲି ହାଜିମାନେସି ।”

୧୩ ଏଚିବେଲା ଏଞ୍ଜାରାଇଁ ବାପ୍ତିସ୍ମା* ହାନି ଜହନତି କାତା ଖେସିମାନେସି, ଏଚିବେଲା ସୀସୁୟାଁ ପୁରେରି ।

**ଜୀସୁ ବୃତ୍ତ ଆଲଗାମାଟି କକାଣାଇଁ ନେହିଁ କିନାୟି
(ମାର୍କ ୯:୧୪-୨୯; ଲୁକ ୯:୩୭-୪୩)**

୧୪ ତାୟୁ ଏଞ୍ଜାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇରେସି, ୧୫ “ପ୍ରବୁ ନା କକାଣାଇଁ କାର୍ମା ମେହୁମୁ, ଇଡିହିଁ ଏଞ୍ଜାସି କାଟିଞ୍ଜେନି ନମେରି ତାକି ହାରେକା କସୁ ଆହିମାନେସି, ଏଞ୍ଜାସି ଏଚର ପାଲି ହିରୁତା ଅଡ୍ଡେ ଏନ୍ଦୁଣାଁ ତରଗା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣା ଏଞ୍ଜାଣାଇଁ ତାଟାମାରେଏଁ, ସାମା ଏଞ୍ଜାରି ଏଞ୍ଜାଣାଇଁ ନେହିଁ କିହାଲି ଆଡ଼ାଆତେରି ।”

୧୭ ଜୀସୁ ଏଲେଇରେସି, “ଆଡ୍ଡେ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାତେରି, ଏଚର କାଲା ପାତେକା ନାନୁ ମୀ ତଲେ

✨ ୧୭:୧୭ ୧୭:୧୭ ମାତୃ ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି

ଡ଼ିକିଛି? ଏଚର କାଲା ମୀ ଲେମ୍ବାନାଣି ଅରୁହିଛି? କକାଣାଇଁ ଇମ୍ବାଆଁ ନା ତାଣା ତାବୁ ।”

୧୮ ଅଡ଼େ ଜୀସୁ ବୁଡୁଇଁ ଦାକା ହାହାଲିଏ, ବୁଡୁ ଏଞ୍ଜାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହୁଁ ଆଡ଼େସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୁଡୁ ପିସ୍ପି କିହାଲି ଆଡ଼ାଆତମି ?”

୨୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ଉଣା ନାମୁ ତାକି, ଇତିହୁଁ ନାନୁ ମିଜେ ସାତା ଖେସିମାଞ୍ଜାଇଁ, ର ହାସୁଁ ପାଡ଼େୟି ସମାନା ମୀ ନାମୁ ମାତିହୁଁ, ଇ ହରୁତି ଇମ୍ବାଟି ଏମ୍ବାଆଁ ଗୁରାଆମ୍ବୁ ଇତିହୁଁ, ଏଦି ଗୁରାଆନେ, ଅଡ଼େ ଏନାୟି ଜିକେଏ ଆଆଗାଟାୟି ହିଲେଏ । ୨୧ ସାମା ପ୍ରାତାନା ଅଡ଼େ ଉପାସା ପିସ୍ପେ ଅଡ଼େ ଏଦି ଉପେୟିଟି ଇଲେତି ବୁଡୁ ହଡ଼ା ହାଲେଏ ।”

ଜୀସୁ ତାନି ହାନି କାତାତି ଅଡ଼େ ଖେଣ୍ଡେ ଖେହନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଞ୍ଜାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଞ୍ଜାରାଇଁ ଖେସ୍ତେସି, “ମାଣ୍ଡିସି ମୀରୁଏସି ମାଣ୍ଡିସିୟାଁ କେନ୍ଦୁତା ହେରୁପି ଆହାଲି ହାଜିମାନେସି, ୨୩ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଖେଣ୍ଡେ ନିଜିନେସି ।”

ଏଚେଟିଏ ଏଞ୍ଜାରି ହାରେକା ଦୁକୁ ଆଡ଼େରି ।

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏମ୍ବାଟିଏ ଏଞ୍ଜାରି କପରନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରୁହନାରି ପିତରଇଁ ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?” ୨୫ ପିତର ଏଲେଇଚେସି, “ହାଅ ହାନେସି ।”

ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡୁ ଏନାୟି, ଦାରୁତିତି ରାଜାୟାଁ ଆମ୍ବାଆରି ତାଣାଟି ସିସୁ ରୁହନେରି, ଏଞ୍ଜାରି ମୀରୁକା ତାଣାଟି କି

ଏବଂକା ଦେସାତି ଲକ୍ଷ୍ମୀ ତାଣାଟି ?” ୨୭ ଏଞ୍ଜେଲ୍ ଏବଂକା ଦେସାତି ଲକ୍ଷ୍ମୀ ତାଣାଟି ଏଲେଇଜାଲିଏ, ଜୀସୁ ଏଞ୍ଜେଲ୍ ଏଲେଇରେସି, “ଆତିହିଁ ମୀରକା ହିୟାଲି ଲଡ଼ାଆଏ ।” ୨୭ ସାମା ମାର ଏନିକ୍ ଏଞ୍ଜେରକି ବାଦା ହୀନାତାୟି ଆଆୟି, ଏଦାଆଁତାକି ସାମ୍ବୁରିତା ହୀଜାନା କାଟା ମେଡ଼ମ୍, ଇଞ୍ଜା ତଲିଏ ଆମିନି ମୀନୁ ଆହ୍‌ଦି, ଏଦାଣି ଆସାନା ତାନି ଗୁତି ଏକ୍‌ହିସାରେ ର. ୱେଣ୍ଟି ଟାକା ବେଟାଆଦି; ଏଦାଆଁ ଅହାନା ନାଞ୍ଜେ ଅଡ଼େ ନିଞ୍ଜେତାକି ଏଞ୍ଜେରକି ହୀମ୍ ।

୧୮

ଲୀକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ ✧ଏତିବେଲା ସୀସୁୟାଁ ଜୀସୁ ତାଣା ୱାହାନା ୱେଚେରି, “ଆତିହିଁ ଲୀକପୁରୁ ରାଜିତା ଆମ୍ବାଆସି କାଜାସି ?”

୨ ଏଞ୍ଜେଲ୍ ର. ଉଣା କକାଣାଈଁ ତାଗେ ହାଟାହାଁ ନିପ୍‌ହାନା ଏଲେଇରେସି, ୩ ✧“ନୀନୁ ମିଞ୍ଜେ ସାତା ୱେସିମାଞ୍ଜାଈଁ, ମୀରୁ ୱେଣ୍ଟେ ର. ଉଣା କକାଣି ଲେହେଁ ଆଆତିହିଁ, ଏନିଜିକେଏ ଲୀକପୁରୁ ରାଜିତା ହଡ଼ାଲି ଆଡ଼ଅତେରି । ୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଞ୍ଜେତାକି ଉଣା କିହାକତିନେସି, ଏଞ୍ଜେଲ୍ ଲୀକପୁରୁ ରାଜିତା କାଜାସି । ୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାଈଁ ଆବିନେସି, ଏଞ୍ଜେଲ୍ ନାଞ୍ଜେ ଆବାନେସି ।”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୭-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟାଁ ବିତ୍ରାଟି ରଅଣାଈଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜେଲ୍ ହେରକିତା ର କାଜା ଜେତାଞ୍ଜାଲି ଦସାନା ସାମ୍ବୁରିତି କୁଡ଼ନି ଏୟୁଣାଁ ମେଡ଼ହିଁ ଏଞ୍ଜେଲ୍ ନେହେଁ ଆଡ଼େମା । ୭ ଆୟତା, ଦାର୍‌ତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ

ଆନେ, ଆୟତ୍ତା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ
ବେଟା ଆନେସି !”

୮ ✧ “ମୀ କେନ୍ଦୁ କି କତା ମିଙ୍ଗେ ପାପୁ କିଞ୍ଜିକିୟାନେ, ଇଚିହିଁ
ଏଦାଆଁ ରାଡ଼ହାନା କୁତାଦୁ, ରୀ କେୟା ଅଡ଼େ ରୀ କତାୟାଁ ଆସାନା
କାଳାକାଳା ଡ଼ାଞ୍ଜିମାନି ହିରୁତା ହଡ଼ନି କିହାଁ କଲା ଅଡ଼େ ସଟା
ଆହାନା କାଲେଏତି ଜୀଝୁ ବେଟାଆହାନା ମାହାପୁରୁ ରାଜିତା ହାନାୟି
ମିଙ୍ଗେତାକି ନେହେଁ । ୯ ✧ ଅଡ଼େ ମୀ କାନୁ ମିଙ୍ଗେ ଲାଗେଏ
କିଞ୍ଜିକିୟାତିହିଁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣ୍ଡକା ଆସାନା
କାଲେଏ ଡ଼ାଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର. କାନୁ
ତଲେ କାଲେଏତି ଜୀଝୁ ବେଟାଆହାନା ମାହାପୁରୁ ରାଜିତା ହାନାୟି
ମିଙ୍ଗେତାକି ନେହେଁ ।”

ଜାଙ୍ଗିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ ✧ “ହେଣ୍ଡୁ ଇ ଡ଼ଣା କକାରି ବିତ୍ରାଟି ରଅଣାଲ୍ ଜିକେଏ ହାଣି
ମେହ୍‌ଆଦୁ, ଇଚିହିଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଲାକପୁରୁ
ମାନି ଏଞ୍ଜାରି ଦୂଡ଼ୁୟାଁ ବାରେଦିନା ଲାକପୁରୁତି ମା ଆବାତି ମୂମୁ
ମେସେ ମାନୁ । ୧୧ ଇଚିହିଁ ଏନାୟି ଜାଙ୍ଗାମାନେ ଏଦାଆଁ ପାରାନା
ଗେଲ୍‌ପାଲି ମାଣସି ମୀରଏସି ଝାହାମାନେସି ।”

୧୨ “ମୀରୁ ଏନାଆଁ ଅଣ୍ଡିମାଞ୍ଜେରି? ରଅଣାକି ପାସାକଡ଼ି ମେଣ୍ଡାୟାଁ
ମାଚିହିଁ, ଏଞ୍ଜାସିକା ବିତ୍ରାଟି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଡ଼ଣା
ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଙ୍ଗାମାନି
ମେଣ୍ଡାତି ପାରଅସି? ୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା
ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଡ଼ଣା
ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାଟି ର ମେଣ୍ଡା ତାକି ହାରେକା ରାହାଁ
କିନେସି । ୧୪ ଏଲେକିହିଁ ଏ ଇ ଡ଼ଣାୟାଁ ବିତ୍ରାଟି ରଣ୍ଡି ଜିକେଏ ନସୁ
ଆଆପେ ଇଞ୍ଜାଁ ମୀ ଲାକପୁରୁତି ଆବାତି ମନ ।”

ପାପୁ କିତି ର ତାୟି

୧୫ ☆“ନୀ ତାୟି ପାପୁ କିତିହିଁ, ନୀନୁ ଏଞ୍ଜାଣାଇଁ ମେଣେଏ ଏଲେକିଆନି ଇଞ୍ଜିଁ ଝେସାନା ତାନି ପାପୁ ତହ୍ମୁ; ଏଞ୍ଜାସି ନୀ କାତା ଆସିହିଁ ନୀନୁ ଏଞ୍ଜାଣାଇଁ ନୀ ତାୟିଲେହେଁ ଝେଣ୍ଡେ ବେଟାଆଡ଼ି । ୧୬ ସାମା ଏଞ୍ଜାସି ନୀ କାତା ଝେନାଆତିହିଁ, ନୀ ତଲେ ରଅଣାଇଁ କି ରିଆରାଇଁ ଅହିହିଁ ହାଲାନୁ, ଏନିକିହିଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ । ୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହିଁ କୁଲମିତି ଝେହ୍ମୁ, ଅଡ଼େ ଜିକେଏ କୁଲମି କାତା ଝେନଅସି, ଆତିହିଁ ଏଞ୍ଜାସି ମୀ କାନୁତା ଜୀହୁଦିଆଆତାରି କି ସିସୁ ରୁାହନାରି ଲେହେଁ ଆପେସି ।”

ଅଦିକାରା ହୀନାୟି

୧୮ ☆“ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଦାର୍ତତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡ଼େ ଦାର୍ତତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାଇଁ, ଦାର୍ତତିତା ମୀ ବିତ୍ରାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରାସିହିଁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ । ୨୦ ଇତିହିଁ ଏମିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ପାଆଁ ନୀନୁ ଏଞ୍ଜାରିତଲେ ମାଇଁ ।”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ ☆ଏଟିବେଲା ପିତର ଜୀସୁ ତାଗେ ଝାହାନା ଝେରେସି, “ଏ ପୁରୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନୀନୁ ଏଞ୍ଜାଣି ପାପୁ ମ୍ପେକ୍‌ଇଁ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇଚେସି, ଝାରଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ପେକ୍‌ନାୟି ମାନେ । ୨୩ ଇତିହିଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଟ୍‌ହାଲିଏ, ତାନି ଗାରହା ଦସ

☆ ୧୮:୧୫ ୧୮:୧୫ ଲୁକ ୧୭:୩

☆ ୧୮:୧୮ ୧୮:୧୮ ମାତି ୧୭:୧୯; ଜହ ୨୦:୨୩

☆ ୧୮:୨୧ ୧୮:୨୧ ଲୁକ ୧୭:୩,୪

ମାଣା ଟାକାୟାଁ ରୀଣା ଆହାମାନି ର ହଢ଼ଲେଏଣାକ୍ ଏଞ୍ଜାଣାକ୍ ତାଣା ତାତେରି । ୨୫ ସାମା ଏ ବାରେ ଡିକ୍‌ହାଲି ଏଞ୍ଜାଣି ତାଣା ଏନାୟି ହିଲୀଆତାକି ଏ ସାଞ୍ଜୁକାରି ଏଞ୍ଜାଣାକ୍ ଅଡ଼େ ତାନି ତକ୍ରିନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁତି ଆସ୍ତି ପାରତାନା ରୀଣା ଡିକ୍‌ହାଲି ହୁକୁମି ହୀତେସି । ୨୬ ଏଚେଟିଏ ଏ ହଢ଼ଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାଡ଼ାମ୍, ନାନୁ ନିଙ୍ଗେ ବାରେ ଡିକ୍‌ହା ତୁସ୍ତାକ୍ । ୨୭ ଏଚେଟିଏ ସାଞ୍ଜୁକାରି ଏ ହଢ଼ଲେଏଣାକ୍ କାର୍ମାମେସାନା ତାନି ରୀଣା ପିସ୍‌ପି କିଞ୍ଜିଆଡ଼େ ଇଞ୍ଜା ତାନି ରୀଣା ମେଣ୍ଡାକ୍‌ହାଚେ ।

୨୮ ସାମା ଏ ହଢ଼ଲେଏସି ଏମ୍ବାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଢ଼ଲେଏଣାକ୍ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକ୍‌ହା ତୁସ୍ତାମ୍ । ୨୯ ଏଚେଟିଏ ତାନି ତଲେତି ହଢ଼ଲେଏସି ମେଣ୍ଡାକୁତାନା ଜହରା କିହ୍ ଏଲେଇଚେସି, ନୀନୁ ନାଙ୍ଗେ କାର୍ମାମେସାନା କାଡ଼ାମ୍ ନାନୁ ନିଙ୍ଗେ ବାରେ ଡିକ୍‌ହାକ୍ ୩୦ ସାମା ଏଞ୍ଜାସି ରାଜି ଆଆଡେସି, ଇଞ୍ଜା ରୀଣା ଡିକ୍‌ଆ ପାତେକା ଏଞ୍ଜାଣାକ୍ କାୟିଦି ଇଲୁତା ସୁଣ୍ଡିତେସି । ୩୧ ଇଞ୍ଜା ତାନି ତଲେତି ହଲିୟାକ୍‌ ଏଦାଆଁ ମେସାନା ହାଚେକା ଦୁକୁ କିତେରି ଅଡ଼େ ହାଜାନା ସାଞ୍ଜୁକାରିକ୍ ବାରେ କାତା ଖେସ୍ତେରି । ୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାକ୍ ତାଗେ ହାଟାନା ଏଲେଇଚେସି, ଆଡ଼େ କାମାତା ଖାଆଗାଟି ହଢ଼ଲେଏଣାଟି ନୀନୁ ନାଙ୍ଗେ ବାଡ଼ିମାଲିଏ ନାନୁ ନୀ ବାରେ ରୀଣା ପିସ୍ତାଡେସି; ୩୩ ନାନୁ ଏନିକ୍ ନିଙ୍ଗେ କାର୍ମା ଆୟାଡେସି, ଏଲେକିହ୍ ଏ ନୀନୁ ଜିକେଏ ନୀ ତଲେତି ହଢ଼ଲେଏଣାକ୍ କାର୍ମାମେହ୍‌ନାୟି ମାଚେ । ୩୪ ଅଡ଼େ ତାନି ପ୍ରୁ ହାଚେକା କପା ଆହାନା ବାରେ ରୀଣା ଡିକ୍‌ଆ ପାତେକା ଏ ହଢ଼ଲେଏଣାକ୍ କସ୍ତ ହାନି ଲକୁ କେୟୁତା ହେରପିତେସି ।

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିକ୍ ତାନି ପାପୁ ମ୍ବେକ୍‌ଆଡିହ୍ ଲାକପୁରୁତି ମୀ ଆବା ଜିକେଏ ମିଙ୍ଗେ ଏଲେ କିୟାନେସି ।

ଜୀସୁ ତକ୍ତିନି ପିହ୍ନାଣି ଜାପ୍ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଖେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି । ୨ ଇଞ୍ଜା ହାରେକା ଲକୁ ତାନି ଜେଟ ହାଚେରି, ଅଡ଼େ ଏଞ୍ଜାସି ଏମ୍ପାଆଁ ଏଞ୍ଜାରି ରଗଟି ନେହୁଁ କିତେସି ।

୩ ଏମ୍ପାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଈଁ ତାୟିପାରିକିହୁଁ ଖେଚେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼ୁଞ୍ଚି ଆହାହିଲଅତେରି ? ଗାଡ଼ି କିନାସି ନକେଏଟିଏ ଏଞ୍ଜାରାଈଁ ଇୟା ଅଡ଼େ ଆବୁ କିହୁଁ ଗାଡ଼ିକିତେସି, ୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜିଈଁ ପିସାନା ତାନି ତକ୍ତି ତଲେ ଆଣ୍ଡିନେସି, ଅଡ଼େ ଏଞ୍ଜାରି ରଣ୍ଡିଏ ଆଙ୍ଗା ଆନେରି, ୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡିଏ ଏଦାଆଁ ଏଟ୍‌କା କିଆପେସି ।”

୭ ✨ପାରୁସିୟାଁ ଏଞ୍ଜାଣାଈଁ ଖେଚେରି, “ଆତିହୁଁ ମସା ଏନାଆଁତାକି ପିହ୍ନି ଆକୁ ରାଚାନା ତକ୍ତିନି ପିସାଲି ହେଲ ହାହାମାନେସି ?”

୮ ଜୀସୁ ଏଞ୍ଜାରାଈଁ ଏଲେଇଚେସି, “ଇଚିହୁଁ ମୀ ଆଟ୍‌ଞ୍ଜା ହିୟାଁତି ମେସାନା ମସା ମିଙ୍ଗେ ମୀ ତକ୍ତିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହୁଁ ହିଲାଆତେ । ୯ ✨ସାମା ନାନୁ ମିଙ୍ଗେ ଖେସିମାଞ୍ଜାଈଁ, ଆମ୍ପାଆସି ତାନି ତକ୍ତିନି ଦାରି ଦହୁ ହିଲାଆନା ଏନି କାତାତାକି ପିସାନା ଅର ତକ୍ତିନି ତାତିହୁଁ, ଏଞ୍ଜାସି ଦାରିକାମା କିନେସି ।”

୧୦ ସୀସୁୟାଁ ଏଞ୍ଜାଣାଈଁ ଏଲେଇଚେରି, “ତକ୍ତିନି ତଲେ ମାଣ୍ଡିକି ଇଲେତାୟି ମାତିହୁଁ, ଏଞ୍ଜାସି ବୀହା ଆଆତିହୁଁ ନେହେଁ ଆଡ଼େମା ।”

୧୧ ଜୀସୁ ଏଞ୍ଜାରାଈଁ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡ଼ଅରି, ଇଚିହୁଁ ଆମ୍ପାଆରାକି ମାହାପୁରୁ ବାଡ଼ୁୟୁ

ହୀହାମାନେସି, ଖାରୁଇ ଏଞ୍ଜାରିଦେହେଁ ଆସାଲି ଆଡ଼ିନେରି ।
 ୧୭ ଇଚିହଁ ଆମ୍ବା ଆମ୍ବାଆରି ଇୟାନି ବାଣ୍ଡିଟିଏ ବୀହା ଆହାଲି
 ଆଡ଼ାଆରେରୁ ଜାର୍ନା ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ
 ତାଣାଟି ଏଲେକିଓଡ଼ି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ
 ରାଜିତାକି ତାମ୍ବୁ ତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାଡ଼ି
 ଆସାଲି ଆଡ଼ିନାସି ଆସପାସି ।”

ଜୀସୁ କକାରି ପଦାଁକି ବର ହୀନାୟି

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଚିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଗାନା
 ପ୍ରାତାନା କିନେସି, ଏଦାଆଁତାକି ଲକୁ ଏଞ୍ଜାରାଇଁ ତାନି ତାଣା ତାତେରି,
 ସାମା ସୀସୁୟାଁ ତାରିମାଟି ଲକୁଣି ଦାକା ହୀତେରି । ୧୪ ସାମା ଜୀସୁ
 ଏଲେଇଚେସି, “କକାରି ପଦାଁକି ନା ତାଣା ଖାହାଲି ହୀଦୁ, ଏଞ୍ଜାରାଇଁ
 ଆଂଗାଆଦୁ, ଏଦାଆଁତାକି ଇଚିହଁ ଲାକପୁରୁ ରାଜି ଏଲେତାରିଞ୍ଜାୟି
 ।”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ ଇଗାନା ଏମ୍ବାଟି ହାଚେସି ।

ର ଦନଗାଟି ଦାଂଗଣେସସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୭ ଅଡ଼େ ମେହୁଦୁ ରଅସି ଜୀସୁ ତାଣା ଖାହାନା ଖେଚେସି, “ଏ ଗୁରୁ
 କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହଁ କାମା କିଇଁ
 ?”

୧୮ ଜୀସୁ ଏଞ୍ଜାଣାଇଁ ଏଲେଇଚେସି, “ନେହାୟି ଇନି କାତାଡ଼ି ନାଙ୍ଗେ
 ଏଦାଆଁତାକି ଖେଞ୍ଜିମାଞ୍ଜାଦି ? ଖାରୁଇ ରଅସିଏ ନେହାଁସି; ସାମା ନୀନୁ
 ଜୀସୁ ବେଟାଆହାଲି ମନ କିତିହଁ, ବାରେ ହୁକୁମି ମାନଓଡ଼ି ଆମ୍ବୁ ।”

୧୯ ଏଞ୍ଜାସି ଜୀସୁଇଁ ଏଲେଇଚେସି, “ଏନିଲେହେଁଡ଼ି ହୁକୁମି ?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ
 କିଆନି, ମିଟି ସାକି ହୀଆନି, ୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡ଼ିଡ଼ି
 ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଂଗଣେସସି ଜୀସୁଇଁ ଏଲେଇଚେସି, “ନାନୁ ଇ ବାରେ
 ମାନଓଡ଼ି ଆହାମାଇଁ, ନାଙ୍ଗେ ଅଡ଼େ ଏନଞ୍ଜା ଉଣା ମାନେ ?” ୨୧ ଜୀସୁ

ଏଞ୍ଜେଲ୍ ଏଲେଇରେସି, “ନାନୁ ନେହ୍‌ତି ଆହାଲି ମନ କିତିହ୍, ହାଜାନାହ୍ ନୀ ବାରେ ଦନ ପାର୍‌ଚାନାହ୍ ହିଲିଆ ଗାଟାରକି ଦାନା ହୀମୁ, ଇଞ୍ଜା ନା ଜେଚ ଖାମୁ, ଏଚେଟିଏ ଲାକପୁରୁ ନାନୁ ଦନ ବେଟାଆଦି ।”

୨୨ ଇ କାତା ଖେଞ୍ଜାନା ଦାଂଗଣେଏସି ଦୁକୁ ଆହାନା ହାଚେସି, ଇତିହ୍ ଏଞ୍ଜେଲ୍ ହାରେକା ଦନ ମାଚେ ।

୨୩ ଏଚେଟିଏ ଜୀସୁ ତାନି ସୀସୁୟାଁଙ୍କ ଏଲେଇରେସି, “ନାନୁ ମିଙ୍ଗେ ସାତା ଖେସିମାଞ୍ଜାଇ, ଦନ ଗାଟାରି ଲାକପୁରୁ ରାଜିତା ହଡାଲି ହାରେକା କସ୍ ଆନେ । ୨୪ ଅଡେ ଖେଣ୍ଡେ ନାନୁ ମିଙ୍ଗେ ଖେସିମାଞ୍ଜାଇ, ମାହାପୁରୁତି ରାଜିତା ଦନଗାଟାରି ହାନି କିହ୍ ଉଟୁ ସୁଜା କାଣିଟି ହଡା ହାନାୟି ଉସାସା ଆନେ ।”

୨୫ ସୀସୁୟାଁ ଇ କାତା ଖେଞ୍ଜାନା କାବାଆହାନା ଏଲେଇରେଚି, “ଆତିହ୍ ଆମ୍ବାଆସି ଗେଲପି ଆହାଲି ଆଡିନେସି?”

୨୬ ଜୀସୁ ଏଞ୍ଜେଲ୍ ସିନିକିହାନା ଏଲେଇରେସି, “ଇଦି ମାଣ୍‌ସିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ ।”

୨୭ ଏଚେଟିଏ ପିତର ଏଲେଇରେସି, “ମେହ୍‌ମୁ ମାମ୍ବୁ ରୁରେ ପିସାନା ନୀ ଜେଚ ଖାହାମାନମି; ଆତିହ୍ ମାମ୍ବୁ ଏନାଆଁ ବେଟାଆନମି?”

୨୮ ☆ଜୀସୁ ଏଞ୍ଜେଲ୍ ଏଲେଇରେସି, ନାନୁ ମିଙ୍ଗେ ସାତା ଖେସିମାଞ୍ଜାଇ, ପୁଃନି ଜୁଗୁ ଆନାଟି ଏଚେତା ମାଣ୍‌ସି ମୀର୍‌ଏସି ତାନି ଗାଞ୍ଜୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଖାହାମାନାଚେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୃଡାତି ସାଲ୍‌ଡି କିଦେରି । ୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଙ୍ଗିସ୍ତା, ତାଲି ତାଞ୍ଜି, କକାରି ପଦାୟାଁ, ଇଞ୍ଜା ରୁମି ବାଡା ପିସାମାନେସି, ଏଞ୍ଜେଲ୍ ଏ ବାରେକିହ୍ ହାରେକା ଗାଡି ବେଟା ଆନେସି, ଇଞ୍ଜା କାଲ୍‌କାଲ୍‌କାତି ଜୀଞ୍ଜୁତି ବେଟା ଆନେସି । ୩୦ ☆ସାମା ନକିତା ମାନି ହାରେକା ଲକୁ ତାୟି ଆନେରି, ଇଞ୍ଜା ତାୟିତା ମାନି ହାରେକା ଲକୁ ନକିତା ଆନେରି ।

☆ ୧୯:୨୮ ୧୯:୨୮ ମାତୃ ୨୫:୩୧; ଲୁକ ୨୨:୩୦ ☆ ୧୯:୩୦ ୧୯:୩୦ ମାତୃ ୨୦:୧୭; ଲୁକ ୧୩:୩୦

୨୦

ଅଜ୍ଞୁରି ବାଡ଼ାତା କାମାକିନାରି

୧ ଇତିହାସ ଲାକପୁରୁ ରାଜି ଇଲେତି ର ସାଧୁକାରି ଲେହେଁତାୟି, ଲାଈ ଖେୟାଲିଏ ତାନି ଅଜ୍ଞୁରି ବାଡ଼ାତା କୂଲି କାମା କିଝିକିହାଲି ହାରେସି । ୨ ଅଡ଼େ ଏଝାସି କୂଲି ଗାଟାରାଇଁ ଦିନାତାକି ର ଖେଣ୍ଡି ଟାକା ହିୟାଇଁ ଇଞ୍ଜି ଏଝାରାଇଁ ତାନି ଅଜ୍ଞୁରି ବାଡ଼ାତା ପାଣ୍ଡିତେସି । ୩ ଅଡ଼େ ନ ଗଂଟା ବେଲାତା ଏଝାସି ପାଞ୍ଜାତା ହାଜାନା ଏଟକାତାରି କାମା ପୁଞ୍ଜଆନା ନିଚାମାଚାଣି ମେସାନା ଏଝାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଜ୍ଞୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକ ତୀରି ଆହାମାନେ, ଏଲେକିହାସି ମିଙ୍ଗେ ହିୟାଇ; ଇଞ୍ଜା ଏଝାରି ହାଚେରି । ୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଞ୍ଜାତା ହାଜାନା ଏଲେକିତେସି । ୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲାତା ପାଞ୍ଜାତା ହାଜାନା ଏଚରଜାଣା ନିଚାମାନାଣି ମେସାନା ଖେଚେସି, ମୀରୁ ଏନାଆଁତାକି ମାଦେନା ଖେଡ଼ାତୁମ୍ବେ କାମା କିଆନା ଉଜେଏ ନିଚାମାଞ୍ଜେରି ? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେର୍ପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଜ୍ଞୁରି ବାଡ଼ାତା ହାଜୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଜ୍ଞୁରି ବାଡ଼ାତା ସାଧୁକାରି ତାନି ଗୁମ୍ବୁସାଇଁ ଏଲେଇଚେସି, କୂଲି ଗାଟାରାଇଁ ହାଟାନା ତାୟୁ ଖାଡ଼ି ଲକୁ ତାଣ୍ଡାଟିଏ ମାଟ୍‌ହାନା ନକିତା ଖାଡ଼ି ଲକୁ ପାତେକା କୂଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଂଟା ବେଲାତା କାମାତା ପାଣ୍ଡୁଝି ଆହାମାଚେରି, ଏଝାରି ଖାହାନା ର ଖେଣ୍ଡି ଟାକା ଲାକା ବେଟାଆଡ଼େରି । ୧୦ ଇଞ୍ଜା ନକେଏ କାମାତା ପାଣ୍ଡୁଝି ଆହାମାନାରି ଖାହାନା ଗାଡ଼ି ବେଟାଆନେରି ଇଞ୍ଜି ଅଣ୍ଡପିତେରି; ସାମା ଏଝାରି ଜିକେଏ ଏ ର ଖେଣ୍ଡି ଟାକା ଲାକା ବେଟାଆଡ଼େରି । ୧୧ ସାମା ଏଲେକି ବେଟାଆହାନା ଏଝାରି ସାଧୁକାରିକି କପା ଆହାନା ଲାଗିତେରି । ୧୨ ଇ ତାୟୁତି ଲକୁ ଖାରୁଇ ର ଗଂଟା କାମା କିତେରି, ଇଞ୍ଜା ମାୟୁ ଖେଡ଼ା ତୁମ୍ବେ ଖାହୁ ଆହୁ କାରା ଖେହୁ କାମା କିତିହୁ ଜିକେଏ ନୀନୁ ଏଝାରାକି ମା ସମାନା କିତି । ୧୩ ଏଝାରି ବିତାଟି ରଅଣାଇଁ ସାଧୁକାରି ଏଲେଇଚେସି ଏ ତଣ୍ଡେ, ଖେନାମୁ, ନାନୁ ନିଙ୍ଗେ ନାଡ଼ି କିହିମାଞ୍ଜଅ;

ନୀନୁ ନା ତଲେ ର ଶ୍ରେଣ୍ଠି ଟାକା ତାକି ରାଜି ଆହାହିଲିଆତି କି ?
 ୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାତୁହ୍ମୁ,
 ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ
 । ୧୫ ନା ଦନତି ନା ମନ ଲେହେକି ଲେୟାଲି ନା ଅଦିକାରା ହିଲେଏ
 କି ? ନୀନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା
 ଆହିମାଞ୍ଜାଦି ।

୧୬ ☆ଏଲେକିହିଏ ତାୟୁ ମାନି ଲକୁ ନକିତା ଆନେରି, ଇଞ୍ଜା
 ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଶ୍ରେହ୍ନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣାତି ସୀସୁୟାଁଇଁ
 ଏଟକା କିହାନା, ଜିରୁତା ଏଞ୍ଜାରାଇଁ ଏଲେଇଚେସି, ୧୮ ମେହଦୁ ମାର
 ଜିରୁସାଲମତା ହାଜିମାନାୟି, ମାଣ୍ଡସି ମୀରଏସି କାଜା ପୂଜେରାଙ୍ଗା
 ଅଡେ ମେରାପୁନାରି କେୟୁତା ହେରପିଆନେସି, ୧୯ ଅଡେ ଏଞ୍ଜାରି
 ଏଞ୍ଜାଣାଇଁ ହାଜି ତଣ୍ଡ ହୀହାନା ଏଟକା କୂଡ଼ାତାରି କେୟୁତା
 ହେରପିନେରି, ଏଚେଟିଏ ଏଞ୍ଜାରି ଏଞ୍ଜାଣାଇଁ କିଜଞ୍ଜି କିନେରି, ସାଟ୍‌ଣି
 ଡରିତଲେ ଶ୍ରେନେରି, ଅଡେ ପାସି ମୁଣ୍ଡାତା ଏକହାନା ପାୟିନେରି,
 ଇଞ୍ଜା ତାନି ଦିନାଟିଏ ହାକିତି ଶ୍ରେଣ୍ଠେ ନିଜିନେସି ।

ର ଇୟାନି ବାତିମାଲିନାୟି

(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରକା ତଲେ ଜୀସୁ ତାଣା
 ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହିଏ ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଶ୍ରେଚେସି, “ନୀନୁ ଏନାଆଁ ମନ
 କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା ବିତ୍ରାଟି ରଅସି
 ନୀ ଟିଠନିଞ୍ଜାକି ଅଡେ ରଅସି ନୀ ଟେବୁଞ୍ଜାକି କୁଗିନେରି ଇଞ୍ଜା ହୁକୁମି
 ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରୀସିମାଞ୍ଜେରି ଏଦାଆଁ ପୁଞ୍ଜିହିଲଅଚେରି । ନାନୁ ଆମିନି ସଲ୍ଲୀତା ଗସାଲି ହାଜିମାଲ୍, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଶାଲ୍ ଏଲେଇଚେରି, “ଆଡ଼ିନମି ।”

୨୩ ଜୀସୁ ଏଞ୍ଜାଶାଲ୍ ଏଲେଇଚେସି, “ମୀରୁ ନା ସଲ୍ଲୀତା ଗହ୍‌ଦେରି ସାତା, ସାମା ନା ଟିଃନି କି ଚେବ୍‌ବିଞ୍ଜାକି କୁଗାଲି ହୀନି ନା ଅଦିକାରାତି କାତା ଆଏ, ଇଚିହିଁ ଆମିନି ଗାଗାରାକି ନା ଆବା ତାଣାଟି ଟାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଟକାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଲ୍ କପା ଆଚେରି । ୨୫ ✧ସାମା ଜୀସୁ ଏଞ୍ଜାଶାଲ୍ ତାଗେ ହାଟାନା ଏଲେଇଚେସି, “ଏଟକା କୃତାତାରି ସାଲ୍‌ଞ୍ଜି କିନାରି କାଜା ବାଡ଼ୟୁ ତଲେ ତାମି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ ✧ମୀ ବିତ୍ରା ଏଲେକିହିଁ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍‌ପିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନୁ କିନାସି ଏଞ୍ଜାସି ମୀ ହଲେଏସି ଆପେସି, ୨୮ ଏନିକିଁ ମାଣ୍‌ସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡ଼େ ହାରେକା ଲକୁଣି ଗେଲ୍‌ପାଲି ଜାସୁ ହାହାଲି ଖାହାମାନେସି ।”

ରୀ କାଣାୟାଣି ମେସାଲି ହୀନାୟି

(ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସୀସୁୟାଁ ଜିରିହଟି ହାଜିମାଚାଟି ହାରେକା ମାନ୍ଦା ଲକୁ ତାନି ଜେଚ ହାଚେରି । ୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜିଁ ଖେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସୁଦ ମୀରୁଏଶାତି ! ମାଙ୍ଗେ କାର୍ମା ମେସ୍ତାମୁ !”

୩୧ ସାମା ଲକୁ ଏଞ୍ଜାଶାଲ୍ ପାଲେଏ ଆହାଲି ଦାକା ହୀତେରି, ସାମା ଏଞ୍ଜାରି ଅଡ଼େ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସୁଦ ମୀରୁଏଶାତି ! ମାଙ୍ଗେ କାର୍ମା ମେସ୍ତାମୁ !”

✧ ୨୦:୨୫ ୨୦:୨୫ ଲୁକ ୨୨:୨୫,୨୬ ✧ ୨୦:୨୬ ୨୦:୨୬ ମାତୃ ୨୩:୧୧; ମାର୍କ ୯:୩୫; ଲୁକ ୨୨:୨୬

୩୨ ଏମ୍ବାଟିଏ ଜୀସୁ ନିତାନା ଏଝାରାଇଁ ହାଟାନା ଝେରେସି, “ନାନୁ ମିଙ୍ଗେତାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍ପିମାଞ୍ଜେରି ?”

୩୩ ଏଝାରି ଏଝାଣାଇଁ ଏଲେଇଚେରି, “ଏ ପ୍ରବୁ ଏନିକିଁ ମା କାଣ୍ଡକା ଦେପି ଆନୁ ।”

୩୪ ଅଡେ ଜୀସୁ କାର୍ନା ଆହାନା ଏଝାରି କାଣ୍ଡକା ଡାଗିତେସି, ଇଞ୍ଜା ଏ ଦେବୁଣିଏ ଏଝାରି ମେସ୍ତେରି ଇଞ୍ଜା ଏଝାଣି ଜେଟ ହାଚେରି ।

୨୧

ଜିରୁସାଲମତା ଜୀସୁ ରାହାଟି ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡେ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାଗି ଏଜାଲିଏ ଏଚିବେଲା ଜୀସୁ ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିତେସି । ୨ “ମୀରୁ ନକିତା ମାନି ନାୟୁଁତା ହାକୁ, ଇଞ୍ଜା ହାଲ୍‌ଝିନିଏ ଦସାମାନି ର ଗାଡ଼ଦେ ଇଞ୍ଜା ତାଲୁ ମେହ୍‌ଦେରି; ଏଝାଆଁ ହୁକ୍‌ହାନା ନା ତାଣା ତାକୁ । ୩ ଅଡେ ଆମ୍ବାଆରି ଏନାଆଁ ଇଞ୍ଜାତିହ୍, ଝେହ୍‌ଦୁ, ଇଝାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଝାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍ପୁତି ବଲୁ ଝେହ୍‌ନାରି କାତା ଏନିକିଁ ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡ଼ାଇଁ ଝେହ୍‌ଦୁ

ମେହ୍‌ମୁ ନୀ ରାଜା ନୀ ତାଣା ଝାହିମାନେସି !

ଏଝାସି ସୁବୁଗାଗାସି ଇଞ୍ଜା ଗାଡ଼ଦେ ଲାକ କୁଗାମାନେସି

ଇତିହ୍ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଝେସ୍ତ୍ରିଲେହ୍ କାମା କିତେରି, ୭ ଅଡେ ଗାଡ଼ଦେ ଇଞ୍ଜା ତାଲୁତି ତାଗାନା ଏଝାସିକା ଲାକ ହିମ୍ବ୍ରିକା ପାସ୍ତେରି, ଇଞ୍ଜା ଜୀସୁଇଁ କୁଗିକିତେରି । ୮ ଅଡେ ହାରେକା ଲକୁ ତାନି ହିମ୍ବ୍ରିକା ଜିରୁତା ପାସ୍ତେରି, ଅଡେ ଏଚେକା ଲକୁ ମାର୍‌କାତି ଗରାୟାଁ ତାଗାନା ଜିରୁତା ପାସ୍ତେରି । ୯ ଅଡେ ଜୀସୁତି ଡାୟୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା

ଦାଝୁଦ ମୀରୁଏସି ! ମାହାପୁରୁ ଦରୁଟି ଖାହିମାନେସି ନେହାସି !
ମାହାପୁରୁ ଏଞ୍ଜାଣାଇଁ ବର ହୀପାସି, ଲାକପୁରୁ ହସାନା !”

^{୧୦} ଅଡ଼େ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା
“ଇଞ୍ଜାସି ଆମ୍ବାଆସି ?” ଇଞ୍ଜା କାବାଆହାନା ଏଲେଇଚେରି ।

^{୧୧} ଏଚେଟିଏ ବାରେ ଲକୁ ଏଲେଇଚେରି, “ଇଞ୍ଜାସି ଗାଲିଲି
ଦେସାତା ମାନି ନାଜରିତତି ମାହାପୁରୁ ଅଶ୍ପୁତି ବଲୁ ଝେହ୍ନି ଜୀସୁ
।”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

^{୧୨} ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଚାୟୁତା ଏମ୍ବାଆ
ଆସି ମାସକି ମାଚାରାଇଁ ବାରେତି ପାଙ୍ଗାତା ପେରୁହା ପାଣ୍ଡିତେସି,
ଇଞ୍ଜା ଟାକାୟାଁ ବେବାରା ଗାଟାରି କୁଟିୟାଁ ଅଡ଼େ ପାରୁଞ୍ଜା ପଟାୟାଁ
ବେବାରା ଗାଟାରି ଜମ୍ବାୟାଁ ତିରିମ୍ବୁପ୍ତହେସି, ^{୧୩} ଅଡ଼େ ଏଞ୍ଜାସି ଏଞ୍ଜାରାଇଁ
ଏଲେଇଚେସି, ମାହାପୁରୁ ଦାମ୍ବୁପତିତା ରାସକି ଆହାମାନେ, “ନା ଇଲୁ
ପ୍ରାତାନା ଇଲୁ ଇଞ୍ଜା ଝେଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ
ମ୍ବୁପ୍ତହା ମାଞ୍ଜେରି ।”

^{୧୪} ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଖାଡ଼େରି
ଇଞ୍ଜା ଏଞ୍ଜାରାଇଁ ନେହାଁ କିଡେସି । ^{୧୫} ସାମା କାଜା ପୁଜେରାଙ୍ଗା
ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା
ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀରୁଏସି” ଇଞ୍ଜା କାଜା
ଗିୟାତଲେ କକାରି ଜଲିମାନାଣି ଝେଞ୍ଜାନା କପା ଆଡେରି । ^{୧୬} ଏଞ୍ଜାରି
ଜୀସୁଇଁ ଝେଚେରି, “ଇଞ୍ଜାରି ଏନାଆଁ ଇଞ୍ଜା ମାନେରି, ନୀନୁ ଏଦାଆଁ
ଝେଞ୍ଜିମାଞ୍ଜି ?”

ଜୀସୁ ଏଞ୍ଜାରାଇଁ ଏଲେଇଚେସି, “ହାଅ, ଝେଞ୍ଜିମାଇଁ, ମୀରୁ କକାରି
ଇଞ୍ଜା ପାଲୁ ଗହନରାଇଁ ନିଙ୍ଗ ଜହରା ପାରୁ ପାଟାଲି ଜାପ୍ତହାମାଞ୍ଜି,
ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼ଞ୍ଜି ଆହାହିଲଅଡେରି ?”

^{୧୭} ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଗାଡ଼ାଟି ହଡ଼ାନା ବେତନିୟାତା
ହାଜାନା ଏମ୍ବାଆଁ ଲାଆଁୟାଁ ତ୍ତୟିଡେସି ।

ଜୀସୁ ତୟା ମାର୍‌ନୁଇଁ ବାକା ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଝେଣ୍ଟା ହାଜିମାଚାଟି ହାକି ଆଡ଼େସି, ୧୯ ଅଡ଼େ ଜିରୁ ଦାରିତା ର ତୟା ମାର୍‌ନୁ ମେସାନା ଦାରିତା ହାଚେସି, ଇଞ୍ଜା ଖାରୁଇ ଆକା ପିସ୍‌ପେ ଏମ୍‌ଆଁ ଏନାଆଁ ମେହ୍‌ଆତେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲ୍‌ଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍‌ନୁ ଖାୟାହାଚେ ।

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍‌ନୁ ଏନିକ୍‌ ଏ ଦେବୁଣିଏ ଖାୟା ହାଚେ ।”

୨୧ *ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ନାମୁ ମାତିହ୍‌, ଅଡ଼େ ମୀରୁ ଆନାମାନା ଆଆନା, ଇ ତୟା ମାର୍‌ନୁତି ଏନି କିଝିଆହାମାନେ, ଏଲେକିହ୍‌ ଏ କିଦେରି ଏଡ଼ି ଆଏ, ‘ସାମା ଇ ହରୁତି ଜିକେଏ ନାନୁ ନିଙ୍ଗାନା ସାମ୍‌ଦୁରିତା ତରଗାମ୍‌’ ଇଞ୍ଜେରି, ଆତିହ୍‌ ଏଡ଼ି ଆଡ଼େ । ୨୨ ଇଞ୍ଜା ନାମୁତଲେ ପ୍ରାଡାନାତା ଏନାଆଁ ରାହ୍‌ଦେରି ଏ ବାରେ ମିଙ୍ଗେ ମେଡାଆୟାନେ ।”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡାନା ଜାପ୍‌ହି ମାଚାଟି, କାଜା ପୂଜେରାଙ୍ଗା ଅଡ଼େ ଲକ୍ଷୁତି କାଜାରି ଏଝାଣି ତାଣା ଝାହାନା ଝେଚେରି, “ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍‌ଆସି ହିୟାତେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ମିଙ୍ଗେ ର କାତା ଝେଞ୍ଜାଇଁ, ମୀରୁ ଏଦାଆଁ ଝେଣ୍ଟେ ଝେସ୍ତାତିହ୍‌, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିଙ୍ଗେ ଝେସ୍ତାଇଁ । ୨୫ ଜହନ ବାପ୍‌ସ୍ତୁ* ହାହାଲି ଆମ୍‌ଆଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକ୍ଷୁ ତାଣାଟି ?”

ଏଚେଟିଏ ଏଝାରି ତାମ୍‌ତାମ୍‌ସୁ ଜଲ୍‌କି ଆଡ଼େରି, “ମାହାପୁରୁ ତାଣାଟି ଇଞ୍ଜାଁ ଝେସ୍ତୁହ୍‌, ଏଝାସି ମାଙ୍ଗେ ଏଲେଇଞ୍ଜାନେସି, ‘ମୀରୁ

☆ ୨୧:୨୧ ୨୧:୨୧ ମାତି ୧୭:୨୦; ୧କର ୧୩:୨

* ୨୧:୨୫ ୨୧:୨୫ ମୁଞ୍ଜିନାୟି

ଏନାଆଁତାକି ଏଝାଣାଙ୍କ ନାମାଆତେରି ?^{୨୭} ସାମା ମାଣ୍ଠିୟାଁ ତାଣାଟି
ଇନାୟି, ଲକୁତାକି ଆଜି, ଇତିହ୍ୟଁ ବାରେ ଲକୁ ଜହନଙ୍କ ମାହାପୁରୁ
ଅଣ୍ଠପୁତି ବଲୁ ଝେହନାସି ଇଞ୍ଜିହ୍ୟଁ ମାନୁଝି ଆହିମାନେରି ।”
^{୨୭} ଏଦାଆଁତାକି ଏଝାରି ଜୀସୁଙ୍କ ଏଲେଇଚେରି, “ମାମ୍ ପୁଞ୍ଜାହିଲଅମି
।”

ଏଝାସି ଜିକେଏ ଏଝାରାଙ୍କ ଏଲେଇଚେସି, “ଆତିହ୍ୟଁ ନାନୁ
ଜିକେଏ ଆମିନି ଅଦିକାରା ତଲେ ଇ ବାରେ କିହିମାଙ୍କ, ଏଦାଆଁ ନାନୁ
ଜିକେଏ ମିଙ୍ଗେ ଝେସୁଅଁ ।”

ରୀ ମୀରକାତି ପୁଣ୍ଠିକିନି କାତା

^{୨୮} ମୀରୁ ଏନାଆଁ ଅଣ୍ଠିମାଞ୍ଜେରି ? ରଅଣାକି ରୀ ମୀରକା
ମାଚେରି, ଏଝାସି କାଜା ମୀରୁଏଣି ତାଣା ଝାହାନା ଏଲେଇଚେସି,
“ମୀରୁଏଣା ନୀଞ୍ଜୁ ଅଞ୍ଜୁରି ବାଡ଼ାତା ହାଜାନା କାମା କିମ୍ପୁ ।”^{୨୯} ଏଝାସି
ଏଲେଇଚେସି, “ନାଙ୍ଗେ କାମା କିହାଲି ମନ ହିଲେଏ” ସାମା ତାୟୁ
ଏଝାସି ଅଣ୍ଠପାନା କାମା କିହାଲି ହାଚେସି ।^{୩୦} ଇଞ୍ଜାଁ ଉଣା ମୀରୁଏଣା
ତାଣା ଝାହାନା ଏଲେଇଞ୍ଜି ଝେସେସି, ଏଝାସି ଏଲେଇଚେସି, “ହାଅ
ଆବା ନାନୁ ହାଜିମାଙ୍କ, ସାମା ଏଝାସି ହାଲାଆତେସି ।^{୩୧} ଇ ରିଆରି
ବିତ୍ରାତି ଆମ୍ପାଆସି ଆବା ମନ ଲେହେଁ କିତେସି ?”

ଏଝାରି ଏଲେଇଚେରି “କାଜାସି ।”

ଜୀସୁ ଏଝାରାଙ୍କ ଏଲେଇଚେସି, ନାନୁ ମିଙ୍ଗେ ସାତା ଝେସିମାଞ୍ଜାଙ୍କ,
ସିସୁ ରୁାହନାରି ଇଞ୍ଜାଁ ଦାରେଣିସିକା ମୀ ନକେଏ ମାହାପୁରୁ ରାଜିତା
ହଡ଼ନ୍ନୁ ।^{୩୨} ☆ବାପ୍ତିସ୍ମାଁ ହାନି ଜହନ ଝାହାନା ମୀ ତାଣା ଦାମ୍ପୁତି
ଜିରୁ ତସ୍ତାତେସି, ଅଡ଼େ ମୀରୁ ଏଝାଣାଙ୍କ ନାମାଆତେରି, ସାମା ସିସୁ
ରୀହନାରି ଇଞ୍ଜାଁ ଦାରେଣିସିକା ଏଝାଣାଙ୍କ ନାମିତୁ, ସାମା ମୀରୁ
ଏନିକ୍ୟଁ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ
ବାଦଲି କିଆତେରି ।

ଅଞ୍ଜୁରି ବାଡ଼ାତା କାମାକିନାରି ପୁଣ୍ଠିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

☆ ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦ † ୨୧:୩୨ ୨୧:୩୨ ମୁଞ୍ଜନାୟି

୩୩ ଅଡ଼େ ର ପୁଣ୍ଡିକିନି କାତା ଖେଞ୍ଜୁ, ର ବୁଫି ଗାଟାସି ମାଚେସି, ଏଝାସି ର ଅଞ୍ଜୁରି ବାଡ଼ା କିହାନା ସାରିଝାକି ବେୟ୍ ଗୁରୁତେସି, ଇଞ୍ଜା ଅଞ୍ଜୁରି ପାଡ଼େୟି ପୀଚାଲି ର ଗାଡ଼ୁୟୁ କାରହାନା ର ଗାଣା ହଲୁଲେହେଁ କିତେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହୀହାନା ହେକ ଦେସାତା ହାଚେସି । ୩୪ ତାୟୁ ପାଡ଼େୟି କାମ୍ବି ବେଲା ଆୟାଲିଏ, ଏଝାସି ତାନି ପାଡ଼େୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିତେସି । ୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାକ୍ ଖେତେରି ଇଞ୍ଜା ଅର ରଅଣାକ୍ ପାୟିତେରି, ଅଡ଼େ ରଅଣାକ୍ ଖାଲୁକା ଖେଚାନା ପାୟା କୁତାତୁସେରି । ୩୬ ଅଡ଼େ ଏଝାସି ତଲିତି କିହା ହାଚୁରକା ଜାଣା ହଲିୟାଙ୍ଗାଣି ପାଣ୍ଡିତେସି, ଅଡ଼େ ଏଝାରି ଏଝାରାଇଁ ଜିକେଏ ଏଲେକିତେରି । ୩୭ ସାମା ନା ମୀରୁଏଣାକ୍ ଏଝାରି ମାନି କିନେରି ଇଞ୍ଜା ଅଶ୍ପାନା, ଏଝାସି ତାୟୁ ତାନି ମୀରୁଏଣାକ୍ ଏଝାରିତାଣା ପାଣ୍ଡିତେସି । ୩୮ ସାମା ଏ କାମାକିନାରି ମୀରୁଏଣାକ୍ ମେସାନା ତାମ୍ବୁତାମ୍ବୁସୁ ଖେସ୍ପି ଆଡ଼େରି, ଇଝାସିତ ବାଡ଼ାତି ଅଦିକାରା ଗାଟାସି; ଖାଦୁ ଇଝାଣାକ୍ ପାୟାନା ଅଞ୍ଜୁରି ବାଡ଼ାତି ଅଦିକାରା କିହାକତିନ । ୩୯ ଇଞ୍ଜା ଏଝାରି ଏଝାଣାକ୍ ଅଞ୍ଜୁରି ବାଡ଼ା ଆତାଲା ମେଡ଼ହାନା ପାୟିତେରି ।

୪୦ ଜୀସୁ ଏଝାରାଇଁ ଖେଚେସି, “ଇଚିହ୍ ଏଚିବେଲା ଏ ଅଞ୍ଜୁରି ବାଡ଼ାତି ସାସ୍ତୁକାରି ଖାଚେସି, ଏଚିବେଲା ଏ କାମା କିନାରାଇଁ ଏନାଆଁ କିନେସି ।”

୪୧ ଏଝାରି ଏଝାଣାକ୍ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଇଁ କସ୍ତୁ ହୀହ୍ ପାୟିନେସି, ଇଞ୍ଜା ଏଝାଣାକି କାମ୍ବିନିସାରି ବାଗା ହୀନି ଏଚକାତି କାମା କିନାରାକି ଅଞ୍ଜୁରି ବାଡ଼ାତି ହେଚ୍ପିନେସି ।”

୪୨ ଜୀସୁ ଏଝାରାଇଁ ଏଲେଇଚେସି, “ମୀରୁ ଦାମ୍ବୁ ପତିତି ଇ କାତା ଏଚେଲାଝା ପଡ଼ଝି ଆହାହିଲଅତେରି କି?”

ଇଲୁ ଦହନାରି ଆମିନି ଖାଲିତି ମିଶ୍ପ ଏଞ୍ଜା କୂତେରି,

ଏଦିଏ ଇଲୁ କନତି ମୂଲୁ ଖାଲି ଆଡ଼େ;

ମାହାପୁରୁ ତାଣାଟି ଇଦି ଆଡ଼େ,

ଇଞ୍ଜା ଏହି ମା କାନୁତାକି କାବା ଆନାୟି ।

୪୩ “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ରାଜ୍ଜି ମୀ ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜା ଆମିନି ଜାଡିତି ଲକୁ ନେହଁ ପାଡେୟି କାମ୍ବି କିନେରି ଏଞ୍ଜାରିକି ହୀନେସି । ୪୪ ଅଡେ ଆମ୍ବାଆସି ଇ ଖାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଞ୍ଜା ଇ ଖାଲି ଆମ୍ବାଆରି ଲାକ ରିନେ ଏଡି ଏଞ୍ଜାଣାଇଁ ନାସାକିନେ ।”

୪୫ କାଜା ପୂଜେରାଙ୍ଗା ଅଡେ ପାରୁସିୟାଁ ଇଞ୍ଜାଣି ଇ ବାରେ ପୁଣ୍ଡିକିନି କାତା ଖେଞ୍ଜାନା, ଏଞ୍ଜାସି ଏଞ୍ଜାରି କାତା ଖେସିମାନେସି ଇଞ୍ଜା ପୁଚେରି, ୪୬ ଇଞ୍ଜା ଏଞ୍ଜାରି ଏଞ୍ଜାଣାଇଁ ଆସାଲି ଅଣ୍ପିମାଚେରି, ସାମା ଲକୁଇଁ ଆଜିଚେରି, ଏନାଆଁତାକି ଇଚିହଁ ଏଞ୍ଜାଣାଇଁ ର ମାହାପୁରୁ ଅଣ୍ପୁତି ବକୁ ଖେହନାସି ଇଞ୍ଜା ମାନି କିହିମାଚେରି ।

୨୨

ବୀହା ବଜିତି ପୁଣ୍ଡିକିନି କାତା
(ଲୁକ ୧୪:୧୫-୨୪)

୧ ଅଡେ ଖେଣ୍ଡେ ଜୀସୁ ପୁଣ୍ଡିକିନି କାତାତଲେ ଏଲେଇଚେସି, ୨ ଲାକପୁରୁତି ରାଜ୍ଜି ଇଲେତାୟି, ର ରାଜା ଲେହେଁ, ଏଞ୍ଜାସି ତାନି ମୀରଏଣା ବୀହା ବଜି କିଚେସି, ୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଖାପେରିଞ୍ଜା ଇଞ୍ଜା ତାନି ହଲିୟାଙ୍ଗାଣି ପାଣ୍ଡିଚେସି, ସାମା ଏଞ୍ଜାରି ଖାହାଲି ମନ କିଆଚେରି । ୪ ଅଡେ ଖେଣ୍ଡେ ଏଟକାତି ହଲିୟାଙ୍ଗାଣି ପାଣ୍ଡାନା ଏଲେଇଚେସି, ହାଟି କିହାମାନି ଲକୁଣି ଖେହଦୁ, ମେହଦୁ ନାନୁ ନା ବଜି ଖାଜା ମାଇଁ, ଆଙ୍ଗା ଆଡି କଡିୟାଁ ପାୟୁଞ୍ଜି ଆହାମାନୁ, ବାରେ ରାଜା ଆଡେୟିଏ, ମୀରୁ ବୀହା ବଜିତା ଖାଦୁ । ୫ ସାମା ଏଞ୍ଜାରି ଏଦାଆଁ ଅଣ୍ପାଆନା ଆମ୍ବାଆରି ତାନି ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି, ୬ ଅଡେ ଏଚରଜାଣା ଲକୁ ତାନି ହଲିୟାଙ୍ଗାଣି ଆସାନା ପାୟିଚେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି କିଚେସି ଇଞ୍ଜା ଏଞ୍ଜାରି ନାସକା ମେକ୍‌ହା ତୁସ୍ତେରି । ୮ ଏମାଟିଏ ଏଞ୍ଜାସି ତାନି ହଲିୟାଙ୍ଗାଣି ଏଲେଇଚେସି, ବୀହା ବଜି ଆହାମାନେ, ସାମା ହାଟକି ଆହାମାନି ଲକୁ ପାଡା

ଆଆତାରି, ^୯ ଏଦାଆଁତାକି ନୀଏଁ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାତି ମେହ୍‌ଦେରି, ଏଝାରାଇଁ ବୀହା ବଜିତା ହାଟା ତାଦୁ । ^{୧୦} ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା ଲାଗେଏ ପଲେଏତାରାଇଁ ଇଞ୍ଜା ଏଚେକା ନେହ୍‌ରାଇଁ ମେସ୍ତେରି, ଏ ବାରେତି ରୁଣ୍ଡି କିହାନା ବୀହା ଇଲୁତା ତାତେରି, ଇଞ୍ଜା ଝାହାମାନି ଲକୁ ବୀହା ଇଲୁତା ନେଞ୍ଜିତେରି ।

^{୧୧} ସାମା ରାଜା ବୀହା ବଜିତା ଝାହାମାନି ଲକୁଣି ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବୁରି ହୁରାଆନା କୁଗାମାନି ରଥଣାଇଁ ମେସାନା ଏଝାଣାଇଁ ଏଲେଇଚେସି, ^{୧୨} ଏ ଡ଼େଣ, ନୀନୁ ବୀହା ହିମ୍ବୁରି ହୁରାଆନା ଏନିକିଁ ଇମ୍ବାଆଁ ଝାଡ଼ି ? ସାମା ଏଝାସି ଏନି ହାଡ଼ା ଆଆନା ଡ଼ୟିତେସି । ^{୧୩} ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଇଁ ଏଲେଇଚେସି, ଇଝାଣି କେସ୍ତା କତାୟାଁ ଦସାନା ପାଙ୍ଗାତି ଆନ୍ଦେରିତା ମେଡ଼ହା ତୁହ୍‌ଦୁ, ଏମ୍ବାଆଁ ଡ଼ୀହ୍‌ ପାଲକା ଟୀଟି କିନେସି ।

^{୧୪} ଇଚିହ୍‌ ହାଟକି ଆଡ଼ି ଲକୁ ହାରେକା ଜାଣା ସାମା ଆଡ଼ିତି ଲକୁ ହାରେକା ଡ଼ଣା ଜାଣା ।

ସିସ୍ତୁ ହୁାନାଣି ଝେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୭)

^{୧୫} ଏଚିବେଲା ପାରୁସିୟାଁ ହାଜାନା ଜୀସୁଇଁ ତାନି ଝେସ୍ତ୍ର କାତାଟି ଦହ୍‌ ଦସାଲି ପାରୁ ପାରାତେରି । ^{୧୬} ଇଞ୍ଜା ଏଝାରି ହେରଦ ଗତି ବିତ୍ରାଟି ଏଚେକା ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଝେସା ପାଣ୍ଡିତେରି, “ଏ ଗୁରୁ ମାମ୍ବୁ ପୁଞ୍ଜାମାନି ନୀନୁ ସାତା ଝେହ୍‌ନାତି ଇଞ୍ଜା ସାତା କିହ୍‌ ମାହାପୁରୁତି ଜିରୁ ଜାପନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡ଼େ ଆମ୍ବାଆରି ପାରଡ଼ା ବାଟିକିହ୍‌ ଜଲିନାତି ଆଏ । ^{୧୭} ଇଦାଆଁତାକି ନୀନୁ ମାଙ୍ଗେ ଝେସ୍ତ୍ରାମ୍ବୁ, ନୀ ଅଣ୍‌ପୁତା ଏନାୟି ମାନେ ? କାୟିସରକି ସିସ୍ତୁ ହୁାନାୟି ମେରା କି ଆଏ ?”

^{୧୮} ସାମା ଜୀସୁ ଏଝାରି କାରୁବି ପୁଞ୍ଜାନା ଏଲେଇଚେସି, “ଆଡ଼େ କୁରୁ ଗାଟାତେରି ନାଙ୍ଗେ ଏନାଆଁତାକି ତାୟିପାରି କିହିମାଞ୍ଜାଦେରି ? ^{୧୯} ଏ ସିସ୍ତୁ ହୁାନି ଟାକା ନାଙ୍ଗେ ହିୟାଦୁ ।” ଏମ୍ବାଟିଏ ଏଝାଣି ତାଣା ର

ଟାକା ଆଦଲି ହୀତେରି । ୨୦ ଜୀସୁ ଏଝାରାଇଁ ଖେରେସି, “ଇ ଆଦଲି ଲାକ ଆମ୍ବାଆରି ଦରୁ ଅଡ଼େ ତାୟ୍ ଭୁମା ମାନେ ?” ୨୧ ଏଝାରି ଏଲେଇଚେରି, “କାୟିସରଝାୟି ।”

ଜୀସୁ ଏଝାରାଇଁ ଏଲେଇଚେସି, “ଆତିହିଁ ଆମିନାୟି କାୟିସରଝାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଝାରି ଏଦାଆଁ ଖେଞ୍ଜାନା କାବାଆହାନା ଏଝାଣାଇଁ ପିସାଁ ହାଜାତୁସ୍ତେରି ।

ହାକିଟି ଖେଣ୍ଡେ ନିଜିନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ✠ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଝାହାନା ଖେରେରି । ୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଦି ପଦା ଆଆନା ହାତିହିଁ ତାନି ତାୟି ତାନି ତକ୍ତିନି ଇଗାନା ଏ ହାତାଣି କୁଡ଼ା ଏପାକିନେସି । ୨୫ ମେହମୁ ମା ତାଣା ସାତା ଜାଣା ତାୟିୟାଁ ମାଚେରି; ତଲି ମୂଲୁ ତାସି ବୀହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲାଆତାକି ଏଝାସି ତାନି ତକ୍ତିନି ତାନି ତାୟିକି ପିସାହାଚେସି; ୨୬ ଏଝାଣି ଜେଚତାସି ଅଡ଼େ ଏଝାଣି ଜେଚତାସି ଏଲେକିହିଁ ସାତା ଜାଣା ଜିକେଏ ହାଚେରି । ୨୭ ବାରେତି ତାୟି ଏ ଇୟାଟି ଜିକେଏ ହାଡ଼େ । ୨୮ ଆତିହିଁ ଖେଣ୍ଡେ ନିଜିନାଟି ଏ ସାତା ଜାଣା ବିତ୍ରା ଆମ୍ବାଆରି ତକ୍ତି ଆନେ ? ଇଚିହିଁ ବାରେଜାଣା ଏଦାନି ବୀହା ଆହାମାଚେରି ।”

୨୯ ଜୀସୁ ଏଝାରାଇଁ ଏଲେଇଚେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୟୁ ପୁନାଆନା ନାଡ଼ି ଆହିମାଞ୍ଜେରି । ୩୦ ଇଚିହିଁ ହାହାନା ଖେଣ୍ଡେ ନିଜିସାରେ ଲକୁ ବୀହା ଆଅରି, କି ବୀହା ହୀଅରି, ସାମା ଲାକପୁରୁତି ଦୂତୁୟାଁଲେହେଁ ଆନେରି । ୩୧ ସାମା ହାତାରି ଖେଣ୍ଡେ ନିଜିନି କାତା ମାହାପୁରୁ ମିଙ୍ଗେ ଏନାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଚେରି ? ୩୨ ନାନ୍ଦୁ ଅବ୍ରାହାମତି

ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ,
ଏଞ୍ଜାସି ହାଡ଼ି ଲକୁତି ମାହାପୁରୁ ଆଏ ସାମା ଜାଞ୍ଜୁଗାଟାରି ମାହାପୁରୁ ।”
୩୩ ଲକୁ ବାରେ ଏଞ୍ଜାଣି ଜାପୁନାଣି ଖେଞ୍ଜାନା କାବା ଆହାହାରେରି ।

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜାସୁଇଁ ସାଦୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜି
ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆଡ଼େରି, ୩୫ ଅଡ଼େ ଏଞ୍ଜାରି ବିତ୍ରାଟି
ମୋରା ପୁନାସି ରଅସି ଜାସୁଇଁ ତାୟିପାରିକିହିଁ ଖେରେସି, ୩୬ “ଗୁରୁ
ବାରେ ହୁକୁମିକା ବିତ୍ରାଟି ଆମିନି ହୁକୁମି କାଜାୟି ?”

୩୭ ଜାସୁ ଏଞ୍ଜାଣାଇଁ ଏଲେଇରେସି, ନୀନୁ ନୀ ବାରେ ହିୟାଁ, ନୀ
ବାରେ ଜାଞ୍ଜୁ ବାରେ ଅଣ୍ପୁ ତଲେ ପ୍ରୁ ନୀ ମାହାପୁରୁଇଁ ଜାଞ୍ଜୁ ନମ୍ । ୩୮
ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି । ୩୯
ଏଡ଼ାଣି ଜେଚତି ହୁକୁମି ଜିକେଏ ଏଲେକିହିଁ ଏ, ନୀନୁ ନୀ ପାଡ଼ିତି
ଲକୁଣି ନୀ ଜାଞ୍ଜୁତି ଜାଞ୍ଜୁ ନହାଁ କଡ଼ିନି ଲେହେଁ ଜାଞ୍ଜୁ ନମ୍ । ୪୦ ☆
ଇରୀ ହୁକୁମିତା ମସାତି ବାରେ ମୋରା, ଅଡ଼େ ମାହାପୁରୁ ଅଣ୍ପୁତି ବଲୁ
ଖେହ୍ନାରି କାତା ମାଞ୍ଜାମାନେ ।

କ୍ରୀସ୍ତ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଟାଟି ଜାସୁ ଏଞ୍ଜାରାଇଁ ଖେରେସି,
୪୨ “କ୍ରୀସ୍ତଇଁ ମୀରୁ ଆମ୍ବାଆସି ଇଞ୍ଜି ମୀରୁ ଅଣ୍ପିମାଞ୍ଜେରି ? ଏଞ୍ଜାସି
ଆମ୍ବାଆରି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇରେରି “ଦାଞ୍ଜୁଦ
ମୀରୁଏସି ।”

୪୩ ଜାସୁ ଏଞ୍ଜାରାଇଁ ଏଲେଇରେସି, “ଆଡ଼ିହିଁ ଦାଞ୍ଜୁଦ ଏନିକି
ସୁଦୁଜାଞ୍ଜୁ ତଲେ ଏଞ୍ଜାଣାଇଁ ପ୍ରୁ ଇଞ୍ଜି ମାରେସି ?” ଦାଞ୍ଜୁଦ
ଏଲେଇରେସି,

୪୪ “ପ୍ରୁ ନା ପ୍ରୁଇଁ ଖେସ୍ତେସି,

ନୀନୁ ନୀ ସାଡୁୟାଁଣି ନୀ କଡ଼ାୟାଁ ଡ଼ଇ ଇଟାଆ ପାଡେକା

ନା ଠିଃନି ଟଟତା କୁଗାମାନାମ୍ ।

୪୫ ଇତିହାସ ଦାସୁଦ ତାନୁଏ ଏଞ୍ଜାଣାଲ ପ୍ରବୁ ଇତିହାସ, କ୍ରୀଷ୍ଟ ଏନିକ ଦାସୁଦ ମାର୍‌ଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଲ ଖେଶ୍ଟେ ଖେସାଲି ଆଡାଆତେସି, ଅଡେ ଏ ନେରୁଟିଏ ଆମ୍ବାଆସି ଜିକେଏ ଜୀସୁଇ ଏନି କାତା ଖେଞ୍ଜାଲି ସାସା କିଆତେରି ।

୨୩

ମେରାପୁନାରି ଇଞ୍ଜା ପାରୁସିୟା ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏତିବେଲାତା ଜୀସୁ ବାରେ ଲକୁଇଁ ଇଞ୍ଜା ତାନି ସୀସୁୟାଲ୍ ଏଲେଇଚେସି, ୨ ମେରାପୁନାରି ଅଡେ ପାରୁସିୟା ମସାତି ମେରା ଜାପୁହାଲି ପାଣା ବେଟାଆହାମାନେରି । ୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ଖେସ୍ତାତିହାସ ଏଦାଆଁ ମାନୁଡି ଆଦୁ, ଅଡେ ଏଞ୍ଜାରି ଖେସ୍ତିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇତିହାସ ଏଞ୍ଜାରି ଏନାଆଁ କିନାୟିମାନେ ଇଞ୍ଜା ଖେହନେରି ସାମା ଏଞ୍ଜାରି କିଅରି । ୪ ଏଞ୍ଜାରି ବଜୁଗାଟି କାସ୍‌କା ଦସାନା ଲକୁ ବମିତା ଏକନେରି ସାମା ତାମ୍ବୁ ତ୍ରାମି ର ଖାଞ୍ଜୁ ତଲେ ଜିକେଏ ପେରହାଲି ମନ କିଅରି । ୫ ଏଞ୍ଜାରି ଲକୁଣି ତସାଲି ତାମି କିନି କାମା ବାରେ କିନେରି, ଇତିହାସ ଏଞ୍ଜାରି ପାଟାୟାଣା ଦାମ୍ବୁ ପଡିତି କାତା ରାଟାନା ମପା ଅଡେ ମୁଞ୍ଜୁତା ଦସା କଡିନେରି, ଇଞ୍ଜା ତାମି ହିମ୍ବିକାତି ପୁରଡେୟା କାଜା କାଜାଆଁ କିନେରି, ୬ ଅଡେ ବଜିତା ନେହାଁ ଟାୟୁ ଇଞ୍ଜା ଜୀହୁଦି ଲକୁଡି କୁଟମି ଇଲୁତା* ନେହାଁ କାଜା ଟାୟୁ ପାରିନେରି, ୭ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡେ ଲକୁ ତାଣାଟି ଗୁରୁ ଇଞ୍ଜା ମାନି ବେଟାଆହାଲି ନେହାୟି ଇଞ୍ଜା ଅଣପିନେରି । ୮ ସାମା ମୀରୁ ଗୁରୁ ଇଞ୍ଜା ମାନି ବେଟାଆହାଲି ଅଣପାଆଦୁ, ଇତିହାସ ମୀ ଗୁରୁ ରଅସି ମାନେସି, ଇଞ୍ଜା ମୀରୁ ବାରେତାୟି ତାୟିୟାତେରି । ୯ ଅଡେ ଦାରୁଡିତା ଆମ୍ବାଆରାଲ୍ ଜିକେଏ ଆବା ଇଞ୍ଜା ମାନି କିଆଦୁ, ଇତିହାସ ମୀ ଆବା ରଅସିଏ ଲାକପୁରୁ ମାନେସି । ୧୦ ଅଡେ

☆ ୨୩:୫ ୨୩:୫ ମାତୃ ୬:୧ * ୨୩:୬ ୨୩:୬ ସିନଗର

ମୀରୁ ସାଲୁଝି କିନାତମି ଇଞ୍ଜି ମାନି ପ୍ଲୁଃଆଦୁ, ଇଚିହୁ ମିଜେ ସାଲୁଝି କିୟାନାସି ରଅସିଏ ଏଞ୍ଜିସି କ୍ରୀସୁ । ୧୧ *ସାମା ମୀ ବିତ୍ତା ଆମ୍ବାଆସି କାଜାସି ଏଞ୍ଜିସି ମୀ ସେବା କିନାସି ଆଚେନସି । ୧୨ *ଅଚେତୁ ଆମ୍ବାଆସି ତାଜେ କାଜାତେଏ ଇଞ୍ଜି ଇଞ୍ଜି କତିନେସି, ଏଞ୍ଜାଣାକ୍ ଉଣା କିଝିଆଚେନ, ଇଞ୍ଜି ଆମ୍ବାଆସି ତାଜେ ଉଣା କିହାକତିନେସି, ଏଞ୍ଜାଣାକ୍ କାଜାସି କିଝିଆଚେନ ।

ପାରୁସିୟା ଅଚେତେ ମେରା ପୁନାରାକ୍ ଦହ ଦହନାୟି
(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟତା ତଣ୍ଡ ପାଣ୍ଡନି କୁଚୁଗାଟି ପାରୁସିୟା ଅଚେତେ ମେରା ପୁନାଚେରି, ଇଚିହୁ ମୀରୁ ଲକୁତାକି ଲାକପୁରୁ ରାକ୍ତିତି ଦାରା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି ହିଲଅଚେରି, ଇଞ୍ଜି ହଡ଼ାଲି ମନ ଗାଟି ଲକୁଣି ଜିକେଏ ହଡ଼ାଲି ହାହି ହିଲଅଚେରି । ୧୪ ଆୟତା ତଣ୍ଡ ପାଣ୍ଡନି କୁଚୁଗାଟି ମେରା ପୁନାଚେରି ଅଚେତେ ପାରୁସିୟାଚେରି, ଇଚିହୁ ମୀରୁ ଉଜେ ଉଜେଏ ଲାମ୍ବା ପ୍ରାଡାନା କିହାନା ରାଚ୍ଚେଣିସିକା ଇଲକା ସେନିନାଚେରି; ଏଦାଆଁତାକି ମୀରୁ ହାଚେରକା ତଣ୍ଡ ବେଟାଆଚେରି ।

୧୫ ଆୟତା ତଣ୍ଡ ପାଣ୍ଡନି କୁଚୁଗାଟି ପାରୁସିୟା ଅଚେତେ ମେରା ପୁନାଚେରି, ଇଚିହୁ ମୀରୁ ରଅଣାକ୍ ଜୀହୁଦି ଦାମ୍ବୁତା ଆଚହାଲି ସାମ୍ବୁରି ଆତାଲା ଗାଣ୍ଡନା ଦେସା ରେଜେରି, ଇଞ୍ଜି ଏଚିବେଲା ଏଞ୍ଜିସି ଆଣ୍ଡାନେସି, ଏଚିବେଲାତା ମୀରୁ ଏଞ୍ଜାଣାକ୍ ମୀ କିହାଁ ହାଚେରକା ଆଗାଡ଼ା ନକତା ମେଡ଼ପି ଆନାସି କିହାନା ଲାଗେଏ କିଦେରି ।

୧୬ ଆୟତା ତଣ୍ଡ ବେଟା ଆନାଚେରି କାଣାୟାକ୍ ଜିରୁ ତହନାଚେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାରମାଣା କିତିହୁ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାରମାଣା କିତିହୁ ଏଞ୍ଜିସି ପାରମାଣା କିତିଲେହେଁ ତାପାଆନା କାମା କିନାୟିମାନେ । ୧୭ ଆଚେତେ କାଣାୟା ଅଚେତେ ବୁଦି ହିଲାଆଗାଟାଚେରି ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଝୁଡ଼ି, ଇ ରୀ

☆ ୨୩:୧୧ ୨୩:୧୧ ମାତୃ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭ ☆ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ବିଦ୍ରାଢ଼ି ଆମିନାୟି କାଜାୟି ? ୧୮ ଅଡ଼େ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାରମାଣା କିତିହିଁ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାରମାଣା କିତିହିଁ, ପାରମାଣା କିତିଲେହେଁ ତାପାଆନା କାମା କିନାୟିମାନେ । ୧୯ ଆଡ଼େ କାଶାୟାଁତେରି, ଦାନା କି ଏ ଦାନାତି ସୁଦୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିଦ୍ରାଢ଼ି ଆମିନାୟି କାଜାୟି ? ୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାରମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି ପାରମାଣା କିହିମାନେସି; ୨୧ ଅଡ଼େ ଆମ୍ବାଆସି ମାହାପୁରୁ ଇଲୁତି ପାରମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁକ୍ ପାରମାଣା କିନେସି; ୨୨ *ଅଡ଼େ ଆମ୍ବାଆସି ଲାକପୁରୁତି ପାରମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁକ୍ ପାରମାଣା କିନେସି ।

୨୩ ଆୟଡ଼ା ତଣ୍ଡ ପାଣ୍ଡି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଇତିହିଁ ମୀରୁ କୁମ୍ବୁ କୁଚା, ରାୟି, ଜିରା ଇନି ଉଣା ତାସା ବିଦ୍ରାଢ଼ି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡ଼େ ମସା ମେରାତି କାଜା କାତାୟାଁ ଇତିହିଁ ସାତା ନୀହାୟି କିନାୟି, କାର୍ମା ତହ୍ନାୟି, ଇଞ୍ଜା ନାମୁ, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡ଼େ ଏ ବାରେ ପିହୁଆୟି ମାନେ । ୨୪ ଆଡ଼େ କାଶାୟାଁ ଜିରୁ ତହ୍ନାତେରି, ମୀରୁ ୱାହାଁତି ହାଣି କିଦେରି ସାମା ଉରୁକ୍ ଗୁହ୍ଦେରି ।

୨୫ “ଆୟଡ଼ା ତଣ୍ଡ ପାଣ୍ଡି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟାଁତେରି, ଇତିହିଁ ମୀରୁ ଗିନା ଅଡ଼େ ସାଡ଼ଞ୍ଜାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିଦ୍ରା କୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି । ୨୬ ଆଡ଼େ କାଶକା ମେହୁଆଗାଟି ପାରୁସିୟାଁ, ନକେଏ ଗିନାତି ବିଦ୍ରାତାଣି ନରୁଦୁ, ଏନିକ୍ ପାଞ୍ଜାତା ଜିକେଏ ନରୁଞ୍ଜି ଆନେ ।”

୨୭ *ଆୟଡ଼ା ତଣ୍ଡ ପାଣ୍ଡି କୁରୁଗାଟି ମେରା ପୁନାତେରି

ଇଞ୍ଜା ପାରୁସିୟା, ଏନାଆଁତାକି ଇଚିହଁ ମୀରୁ ହୁନୁ ଉସପିତି ମାଡ଼ହା ମୁହନି ଟାୟୁଲେହେଁ ତାତେରି । ଏଦି ପାଙ୍ଗାତା ଅଜିକଁ ତଞ୍ଜାଆନେ, ସାମା ବିତ୍ରା ହାଡ଼ାରି ପେଣକା ଇଞ୍ଜା ସୀରତାୟି ନେଞ୍ଜାମାନେ; ୨୮ ଏଲେକିହଁଏ ମୀରୁ ଜିକେଏ ପାଙ୍ଗାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟା ବିତ୍ରା କୁରୁ ଅଡ଼େ ପାପୁ ନେଞ୍ଜାମାନେ ।

**ଜୀମ୍ବୁ ଏଞ୍ଜାରାଇଁ ତଣ୍ଡ ପାଣ୍ଡିନି କାତା ଝେହନାୟି
(ଲୁକ ୧୧:୪୭-୫୧)**

୨୯ ଆୟତା ତଣ୍ଡ ପାଣ୍ଡିନି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇଚିହଁ ମୀରୁ ମାହାପୁରୁ ଅଣ୍ଡପୁତି ବଲୁ ଝେହନାରି ମାଡ଼ହା ମୁହନି ଟାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକଁ କିହାନା ଏଲେଇଞ୍ଜିମାଞ୍ଜେରି; ୩୦ ମାମ୍ବୁ ମା ଆକୁ ଆବାୟା ବେଲାତା ମାଚିହଁମା, ମାହାପୁରୁ ଅଣ୍ଡପୁତି ବଲୁ ଝେହନାରାଇଁ ପାୟାଲି ଆଣ୍ଡାଆତମିମା । ୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡପୁତି ବଲୁ ଝେହନାରାଇଁ ପାୟାମାନି ଲକୁତି ମୀରକାତେରି, ଏ କାତାତାକି ମୀରୁଏ ମିଙ୍ଗେ ସାକି ହୀହା କଡ଼ିମାଞ୍ଜେରି । ୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପୁଦୁ । ୩୩ ☆ଆଡ଼େ ରାସ୍‌କାତେରି, ଇଞ୍ଜା ବୀସା ଗାଟି ରାସ୍‌କା କୁଡ଼ାତି ମୀରକାତେରି, ମୀରୁ ବିଚାରା ଦିନାତା ଏନିକଁ ହିରୁ ଗୁଦ୍‌ଞ୍ଜାତି ତଣ୍ଡୁଟି ପିସ୍‌ପି ଆଦେରି ? ୩୪ ଏଦାଆଁତାକି ମେହମୁ ନାନୁ ମୀ ତାଣା ମାହାପୁରୁ ଅଣ୍ଡପୁତି ବଲୁ ଝେହନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକ୍‌ହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟମି ଇଲୁତା† ସାଟ୍‌ଟି ଡ଼ିରତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି । ୩୫ ଏନିକଁ ଦାମ୍ବୁଗାଟି ହେବଲଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରୁଏସି ଜିକରିୟଇଁ ପାୟିତି ପାତେକା,

☆ ୨୩:୩୩ ୨୩:୩୩ ମାତୃ ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗଗ

ଦାର୍ତ୍ତତା ଏତେକା ନେହାରାଙ୍କ ପାୟାମାଞ୍ଜେରି, ଏ ବାରେ କାମାତି
ତଣ୍ଡ ମୀ ମୁହେଁ ଖାନ୍ନେ । ୩୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଈ
କାଳାତି ଲକୁ ମୁହେଁ ଈ ବାରେ ତଣ୍ଡ ରିନେ ।

ଜିରୁସାଲମତି ଜୀସୁ ଜୀଝୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣ୍ଡପୁଡି ବଲୁ
ଝେହନାରାଇଁ ପାୟିନାତି ନୀ ତାଣା ପାଣ୍ଡୁଝି ଆଡାରାଇଁ ଖାଲକାତଲେ
ଝେନାତି, କୟୁ ଏନିକ ତାନି ହୀପାୟାଣି କୃଡି କିହାନା ମାରାୟା
ଡଇ ପୁକହାନା ଜଙ୍ଗିନେ, ନାନୁ ନୀ ଲକୁଇଁ ଏଚର ପାଲି ଏଲେକ
କୃଡିକିହାଲି ମନ କିତେଏଁ, ସାମା ଏଝାରି ମନ ହୀଆତେରି । ୩୮ ଅଡେ
ମେହଦୁ ମୀ ମାହାପୁରୁ ଇଲୁ ମୀ କେୟୁତା ହୀପକି ଆହାମାଞ୍ଜାନେ ।
୩୯ ଇତିହ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ଦରୁଟି ଆମ୍ବାଆସି
ଝାହିମାନେସି, ଏଝାସି ନେହାସି, ମୀରୁ ଏ କାତା ଜଲ୍ଲାଆ ପାତେକା
ନୀଞ୍ଜୁଟିଏ ନାଙ୍ଗେ ଅଡେ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା
(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଡ଼ା ହାଜିମାତାଟି ତାନି ସୀସୁୟାଁ
ମାହାପୁରୁ ଇଲୁଡି ବାରେ ଇଲକାଣି ତସାଲି ତାନି ତାଣା ଝାଡେରି,
୨ ସାମା ଜୀସୁ ଏଝାରାଇଁ ଏଲେଇତେସି, “ମୀରୁ ଈ ବାରେ ମେସି
ହିଲଅତେରି ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇମ୍ବାଆଁ ମାନି ର
ଝାଲି ଅର ଝାଲି ଲାକ ଡୟେଏ, ଈ ବାରେଏ ମେଶ୍ଟାହାନୁ ।”

କସୁ ଅଡେ ନିନ୍ଦା ଝାନ୍ତି କାତା
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଶେଏ
ଝାହାନା ଝେଚେରି, “ଈ ବାରେ ଏଚେଲା ଆନ୍ନେ, ଅଡେ ନୀନୁ ଝାନାୟି
ଇଞ୍ଜା ଜୁଗୁ ରାନ୍ତି ଦିନାତି ସିନା ଏନାୟି ଏଦାଆଁ ମାଙ୍ଗେ ଝେସ୍ତାମୁ ।”

୪ ଏମ୍ବାଟିଏ ଜାସୁ ଏଞ୍ଜରାକ୍ ଏଲେଇରେସି, “ଜାଗ୍ରାତା ଏନିକ୍ ଆମ୍ବାଆରି ମିଙ୍ଗେ ନାଡ଼ି କିୟଅରି । ୫ ଇଚିହିଁ ହାରେକା ନା ଦରୁଟି ଝାହାନା ନାନ୍ତୁ କ୍ରୀସ୍ତତେଏଁ ଇଞ୍ଜିଁ ଝେସାନା ହାରେକା ଲକୁଇଁ ନାଡ଼ି କିନେରି । ୬ ଅଡ଼େ ମାରୁ ଜୁଜୁତି କାତା ଇଞ୍ଜିଁ ଜୁଜୁତା କାଲୁଝି ଆହିମାନି ଲକୁତି ହାଡ଼ା ଝେଞ୍ଜେରି; ଜାଗ୍ରାତା କିଲିବିଲି ଆଆଦୁ । ଏନାଆଁତାକି ଇଚିହିଁ ଇ ବାରେ ଆନାୟି ମାନେ, ସାମା ଏ କାଲୁ ଜୁଗୁ ରାନାୟି ଆଏ । ୭ ଇଚିହିଁ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଙ୍ଗନେ, ଇଞ୍ଜିଁ ଆମ୍ବି ଆମ୍ବିୟା କାରୁଝୁ ଆନେ, ଅଡ଼େ ବୁଫି ଝାଡ଼ିନେ । ୮ ସାମା ଇ ବାରେ କକାରି ପଦାୟି ବେଟାଆନାଟି ତଲିଏ ଲୁଞ୍ଜିନି ବାସାଲେହେଁତାୟି ।”

୯*“ଏଚିବେଲାତା ଲକୁ ମିଙ୍ଗେ କସ୍ତୁ ହିୟାଲି ହେର୍ପାନେରି, ଇଞ୍ଜିଁ ମିଙ୍ଗେ ପାୟାନେରି, ଇଞ୍ଜିଁ ନା ଦରୁ ତାକି ମାରୁ ବାରେ କୁଡ଼ାତି ଲକୁ ତାଣା ଅପାଆ ଗାଟାତେରି ଆଡ଼େରି । ୧୦ ଏଚିବେଲା ହାରେକା ଲକୁ ତାମି ନାମୁତି ପିହନେରି, ଅଡ଼େ ରଅସି ରଅଣାକ୍ ଆସ୍ପି କିଝି କିନେରି, ଅଡ଼େ ରଅସି ରଅଣାକ୍ ଅପୁଝି ଆଅରି, ୧୧ ଅଡ଼େ ହାରେକା ମାହାପୁରୁତି ମିଟି ବଲୁ ଝେହନାରି ନିଙ୍ଗାନା ହାରେକା ଲକୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାଡ଼ି ଆଡ଼ିସାରେ, ହାରେକା ଲକୁତି ତାମି ଜାଝୁନନାୟି ଡ଼ଣା ଆନେ । ୧୩ ସାମା ଆମ୍ବାଆସି ରାନି ପାତେକା ସାସା ଆସାନା ତୁୟିନେସି ଏଞ୍ଜାସି ଗେଲପି ଆନେସି । ୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହିଁ କାରୁ ବାରେ ଦାରତିତା ଝେପକିଆନେ, ତାୟୁ ଜୁଗୁ ରାନେ ।”

ନାସାକିନି ଅପାଆଗାଟି କାତା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏନାଆଁତାକି ମାରୁ ଏଚିବେଲା ମାହାପୁରୁ ଅଣ୍ପୁତି ବଲୁ ଝେହନି ଦାନିୟେଲ ଝେସି କାତାଲେହେଁ ନାସାକିନି ଅପାଆଗାଟି ଆସ୍ପିତି ସୁଦୁ ଗାୟୁତା ଇଟାମାନାଣି ମେହଦେରି” ପଡ଼ଝି ଆନାସି ଜାଗ୍ରାତା ଆହାନା ପୁଣ୍ଡେସି ୧୬ ଏଚିବେଲା ଆମ୍ବାଆରି ଜାହୁଦା

ରାଜିତା ମାନେରି, ଏଞ୍ଜାରି ହରକା ଲାକ ହର୍ଷପାରି; ୧୭ ✧ଆମ୍ବାଆସି
 ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସି ତାକାହାଜାଲି
 ରେତା ଖାଆପେସି; ୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି
 ତାନି ହିମ୍ବୁରି ଅହାଲି ଖେଣ୍ଡେ ହାଲାଆପେସି । ୧୯ ଏଚିବେଲାତା
 ପୁରାମାସା ଆହାମାନାଇ ଇଞ୍ଜା ପାଲୁ ଉର୍ହିମାନାଇ ଆୟତା ଏଞ୍ଜି
 ଉଣେଏ କସ୍ତ ପାଶ୍ଟୁ, ୨୦ ସାମା ମୀ ହଶନାୟି ପେନି ବେଲାତା କି
 ଜନିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ ✧ଇଚିହି
 ଏଚିବେଲାତା ଇଲେତି କସ୍ତ ଆନେ, ମାହାପୁରୁ ଦାରତିତି ଗାଡ଼ିକିତି
 ଦିନାଟିଏ ନୀଞ୍ଜୁପାତେକା ଏଲେକି ଆହା ହିଲେଏ, ଇଞ୍ଜା ଏଲେକି
 ଏଚେଲାଞ୍ଜା ଆଏ । ୨୨ ଅଡ଼େ ମାହାପୁରୁ ଏ ବେଲାତି ଉଣା
 କିହା ହିଲାଆତିହିମା; ଦାରତିତା ଆମ୍ବାଆସି ଜିକେଏ ଗେଲପି
 ଆଆତେସିମା, ସାମା ତାନି ଆଚିତି ଲକୁତାକି ଏ କସ୍ତ ଉଣା କିନେସି
 ।

୨୩ “ଏଚିବେଲା, ‘ମେହ୍ଦୁ କ୍ରୀସ୍ତ ଇମ୍ବାଆଁ ମାନେସି ଆଆତ
 ଏମ୍ବାଆଁମାନେସି’ ଇଞ୍ଜି ଆମ୍ବାଆସି ମିଙ୍ଗେ ଏଲେକିହି ଖେସ୍ତାନେସି
 ଇଚିହି ଏଦାଆଁ ନାମାଆଦୁ । ୨୪ ଇଚିହି ନାଡ଼ିକିନି କ୍ରୀସ୍ତୟା
 ଅଡ଼େ ମାହାପୁରୁ ବଲୁ ମିଚି ଖେହ୍ନାରି ନିଙ୍ଗାନା ହାରେକା କାଜା
 ସିନା ଅଡ଼େ କାବାଆନି କାମାୟା ତହ୍ନେରି, ଆଡ଼ିତିହି ଆଡ଼ିଆଡ଼ି
 ଲକୁଣି ଜିକେଏ ନାଡ଼ି କିନେରି । ୨୫ ମେହ୍ଦୁ ନାନୁ ମିଙ୍ଗେ ତଲିଏ
 ଖେସାମାଞ୍ଜାଇ ।”

୨୬ ✧“ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା ମାନେସି’ ଇଞ୍ଜି
 ଲକୁ ଖେସ୍ତାତିହି ହାଲାଆଦୁ; ‘ମେହ୍ଦୁ ବିତ୍ରା ବାକ୍ରାତା ମାନେସି’
 ଇଞ୍ଜି ଖେସ୍ତାତିହି ଏଦାଆଁ ନାମାଆଦୁ । ୨୭ ଇଚିହି ହାଗୁ ମିହ୍ନି
 ବେଲାତି ଉଜେଡ଼ି ଏନିକି ଖେଡ଼ା ହପୁ ଖାକିଟି ହରାନା ଖେଡ଼ା କୃଡ଼ନି
 ପାତେକା ତଞ୍ଜାଆନେ, ଏଲେଆହି ଏ ମାଣ୍ଡସି ମୀରଏସି ଖାନେସି ।”

୨୮ ✧ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍ପାୟା ରୁଣ୍ଡା ଆଦୁ ।

ମାଣ୍ଡସି ମୀରଏସି ଖାନାୟି
 (ମାର୍କ ୧୩:୨୪-୨୭; ଲୁକ ୨୧:୨୫-୨୮)

✧ ୨୪:୧୭ ୨୪:୧୭ ଲୁକ ୧୭:୩୧ ✧ ୨୪:୨୧ ୨୪:୨୧ ଖେ ବଲୁ ୭:୧୪ ✧ ୨୪:୨୭
 ୨୪:୨୭ ଲୁକ ୧୭:୨୩,୨୪ ✧ ୨୪:୨୮ ୨୪:୨୮ ଲୁକ ୧୭:୩୭

୨୯ ☆“ସାମା ଏଚିବେଲାତି କସ୍ତ ତାୟୁ ଦେବୁଣିଏ ଝେଡ଼ା ଆନ୍ଦେରି ଆନ୍ଦେ, ଅଡ଼େ ଲେଞ୍ଜୁ ଉଜେଡ଼ି ହୀଏ, ଅଡ଼େ ହାଗୁଚି ହୁକାୟା ତରରିନୁ, ଇଞ୍ଜା ହାଗୁ ଲାକତି ବାଡ଼ୟୁ ବାରେ ଝୀଡ଼ିନେ । ୩୦ ☆ଏଚିବେଲା ହାଗୁ ଲାକତି ମାଣ୍ଠି ମୀରୁଏଣି ସିନା ତଞ୍ଜାଆନ୍ଦେ, ଇଞ୍ଜା ମାଣ୍ଠି ମୀରୁଏଣାଇଁ କାଜା ବାଡ଼ୟୁ ଅଡ଼େ ଗାଝୁରମିଗାଟି ଉଜେଡ଼ି ତଲେ ହାଗୁଚି ଦୁୟାଟି ଝାନାଣି ମେସାନା ଦାରୁତିତି ବାରେ କୁଡ଼ାତି ଲକୁ ହାରେକା ଦୁକୁ ତଲେ ଡୀନେରି । ୩୧ ଅଡ଼େ ଏଝାସି ତୀଡ଼ି ମହୁରି ହାଡ଼ାତଲେ ତାନି ଦୁଡ଼ୟାଣି ପାଣ୍ଡିନେସି ଇଞ୍ଜା ଏଝାରି ଦାରୁତି ମୁଟ୍‌ପେତି ହାନ୍ଦିଟିଏ ହାଗୁଲାକତି ମୁଟ୍‌ପେ ହାନ୍ଦି ପାଡେକା ସାରିଝାକିଟି ତାନି ଆଡ଼ାମାନି ଲକୁଣି ରୁଣ୍ଡା କିନେରି ।”

ତୟା ମାରୁନୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାରୁନୁ ପୁଣ୍ଡି କିନି କାତାଟି ଜାପାଦୁ; ଏଚିବେଲା କମାତା ଆକା ଗାଲୁନାଣି ମେସିହୁଁ କାରାୟାଁ ଝେଡ଼ା ଝାଡ଼େ ଇଞ୍ଜୁ ପୁଞ୍ଜେରି । ୩୩ ଏଲେକିହୁଁଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜୁ ପୁଞ୍ଜେରି । ୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ବାରେ ଗଟଝି ଆଆପାଡେକା ଇ କାଲାତି ଲକୁ ଏନିଜିକେଏ ମେଣ୍ଡଞଅରି । ୩୫ ହାଗୁପାକା ଦାରୁତି ବାରେ ମେଣ୍ଡଞିନେ, ସାମା ନା ବଲୁ ଏଚେଲାଝା ମେଣ୍ଡଞେଏ ।”

ଝାନି ଦିନା ଅଡ଼େ ତଣ୍ଡୁତି ଆମ୍ବାଆସି ପୁନଅସି

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୭ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁତି ଦୁଡ଼ୟାଁ କି ମୀରୁଏଣି ଜିକେଏ ପୁନଅସି, ଝାରଇ ଆବାଦେ ପୁନେସି । ୩୮ ଅଡ଼େ ନହ ବେଲାତା ଏନିକିଁ ଆହାମାଡେ, ମାଣ୍ଠି ମୀରୁଏଣି ଝାନି ବେଲାତା ଏଲେକିଁ ଆନ୍ଦେ । ୩୯ ଇତିହୁଁ ଝାରୁ କୁପୁନି ନକେଏ, ନହ ତଂଗତା ହଡ଼ନି ଦିନା ପାଡେକା ଲକୁ ଏନିକିଁ ତଞ୍ଜି ଉଣ୍ଡିହୁଁ, ବୀହା କିୟାଲି ବୀହା ହିୟାଲି ହେରାମାଡେରି,

☆ ୨୪:୨୯ ୨୪:୨୯ ଝେ ବଲୁ ୬:୧୨; ଝେ ବଲୁ ୬:୧୩ ☆ ୨୪:୩୦ ୨୪:୩୦ ଝେ ବଲୁ ୧:୭

୩୯ ଇଞ୍ଜା କାଜା ପିୟୁତଲେ ଖାରୁ ଖାହାନା କୁପହା ଅନି ପାତେକା ଏନିକି ଏଞ୍ଜାରି ପୁଞ୍ଜାହିଲଆତେରି, ମାଣ୍ଠିସି ମୀରୁଏଣା ଖାନାୟି ଜିକେଏ ଏଲେଆହୁ ଏ ଆନେ । ୪୦ ଏଚିବେଲାତା ରିଆରି ଗୁଡିୟାତା ମାନେରି, ରଅସି ଅଢ଼ିଆନେସି ରଅସି ଏମ୍ବାଆଁ ଡୟିନେସି । ୪୧ ରୀ ଇୟାସିକା ଜେତାତା ନୁୟିମାନୁ ରଣ୍ଡି ଅଢ଼ିଆନେ ଅଡ଼େ ରଣ୍ଡି ଏମ୍ବାଆଁ ଡୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏଦାଆଁତାକି ଇଚିହୁ ମୀ ପ୍ରୁ ଆମିନି ଦିନା ଖାନେସି, ଏଦାଆଁ ମୀରୁ ପୁଞ୍ଜାହିଲଅତେରି । ୪୩ ଯାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନେସି, ଏଦାଆଁ ସାଞ୍ଜୁକାରି ପୁଞ୍ଜାମାଚିହୁମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହୀଆତେସିମା । ୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇଚିହୁ ଆମିନି ବେଲାତା ମୀରୁ ଅଣ୍ଠା ହିଲଅତେରି, ଏ ବେଲାତା ମାଣ୍ଠିସି ମୀରୁଏସି ଖାନେସି ।

ଟିକାଣା ଗାଟାସି ଅଡ଼େ ଟିକାଣା ହିଲଆଗାଟି ହଢ଼ଲଏସି (ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାରୁତା ରାନ୍ଦା ହୀହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହୀହାମାନେସି, ଇଲେତି ନାମୁ ଅଡ଼େ ବୁଦିଗାଟି ଗୁମୁସ୍ତା ଆମ୍ବାଆସି, ୪୬ ପ୍ରୁ ଖାହାନା ତାନି ଆମିନି ହଢ଼ଲଏଣାଈ ଏଲେକିହୁ ମାନାଣାଈ ମେହନେସି, ଏଞ୍ଜାସି ନେହାସି ! ୪୭ ନାନୁ ମିଙ୍ଗେ ସାତା ଖେସିମାଞ୍ଜାଈ, ଏଞ୍ଜାସି ଏଞ୍ଜାଣାଈ ତାନି ବାରେ ଦନତି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଢ଼ଲଏସି ଲାଗେଏ ପଢ଼େଲଏତାସି ଆହାନା, ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜୁ ତାନି ମନତା ଅଣ୍ଠାମାନା, ୪୯ ଏଞ୍ଜାସି ତାନି ତଲେତି ହଲିୟାଈଣା ଖେଚିହୁ, କାଡ଼ ଗୁହନାରି ତଲେ ତିଞ୍ଜିହୁ ଗସିହୁ ମାନେସି, ୫୦ ଆତିହୁ ଆମିନି ନେରୁ ହଢ଼ଲଏସି କାଚାହିଲଅସି ଅଡ଼େ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରୁ ଖାନେସି । ୫୧ ଇଞ୍ଜା ଏଞ୍ଜାଣାଈ ରୀ ବାଗା କିହୁ ଦାଚାନା କୁଟୁ ଗାଟାରି

ତଳେ ତାନି ବାଗା କିନେସି; ଏମ୍ବାଆଁ ଡୀନାୟି ଅଡ଼େ ପାଲ୍‌କା ଟୀଟି କିନାୟିମାନେ ।

୨୫

ଦସ ଜାଣା ଡାଆ ପଦାୟାଁତି ପୁଣ୍ଡିକିନି କାତା

^୧ ☆ଏଚିବେଲା ଲାକପୁରୁତି ରାଜି ଦସ ଜାଣା ଡାଆ ପଦାୟାଁ ଲେହେଁ ଆନେ; ଏଞ୍ଜି ତାନି ଦୀଞ୍ଜିୟାଁ ଆସାନା ବୀହା ହନେଏଣାଲ୍ ବେଟାଆହାଲି ହାରୁ । ^୨ ଏଞ୍ଜିସିକା ବିତ୍ରା ପାସା ଜାଣା ବୁଦି ହିଲାଆଗାଟାଇ ଇଞ୍ଜାଁ ପାସା ଜାଣା ବୁଦି ଗାଟାଇ ମାରୁ । ^୩ ବୁଦି ହିଲାଆଗାଟାଇ ତାନି ଦୀଞ୍ଜିୟାଁ ଅତୁ ସାମା ଏଟ୍‌କା ନିୟୁଁ ଅଆତୁ, ^୪ ସାମା ବୁଦି ଗାଟାଇ ତାନି ଦୀଞ୍ଜିୟାଁ ତଳେ ଗାଜୁତା ନିୟୁଁ ଅହୁଁ ହାରୁ । ^୫ ବୀହା ହନେଏସି ଖାନାୟି ଖେଡ଼ା ଆୟାଲିଏ, ବାରେଜାଣା କଟଣି ହଚିହୁଁ ତୁରାତୁସୁ ।

^୬ ସାମା ମାଦି ଲାଆଁୟାଁ ମେହୁଦୁ ବୀହା ଦାଂଗ୍‌ଣେଏସି ଖାହିମାନେସି, ବେଟାଆହାଲି ଖାଦୁ ଇଞ୍ଜିଁ ର କାଜା ହାଡ଼ା ଆଡ଼େ ! ^୭ ଏମ୍ବାଟିଏ ଡାଆସିକା ନିଜାନା ତାନି ଦୀଞ୍ଜିୟାଁ ପ୍ରଡ଼ୁ । ^୮ ସାମା ବୁଦି ହିଲାଆଗାଟାଇ ବୁଦିଗାଟି ଡାଆସିକାଣି ଏଲେଇରୁ, ମୀ ନିୟୁଁ ଇଟାଣି ଲାକା ମାଜେ ହିୟାଦୁ, ଇଚିହୁଁ ମା ଦୀଞ୍ଜିୟାଁ ତୁମ୍ବାହାଜିମାନୁ । ^୯ ସାମା ବୁଦିଗାଟାୟି ଏଲେଇରୁ, ଆଏ ମିଜେ ଅଡ଼େ ମାଜେତାକି ନିୟୁଁ ଏଦେଏ, ବାଜାରାତା ହାଜାନା ମିଜେତାକି ନିୟୁଁ କତା ତାଦୁ । ^{୧୦} ସାମା ଏଞ୍ଜି ନିୟୁଁ କତାଲି ହାଜିମାଟାଟି ହନେଏସି ଖାଡ଼େସି; ଇଞ୍ଜାଁ ଆମିନି ଗାଟାଇ ତିୟାରା ଆହାନା କାଟାମାରୁ, ଏଞ୍ଜି ହନେଏଣି ତଳେ ବୀହା ବଜି ଇଲୁତା ହରୁ, ଅଡ଼େ ଦାରା ସୁଣ୍ଡିତେରି ।

^{୧୧} ☆ଏଚେଟିଏ ତାୟୁ ଅର ଡାଆ ପଦାୟାଁ ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜିଁ ହାଟିତୁ । ^{୧୨} ଏଚେଟିଏ ବୀହା ହନେଏସି ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନାନୁ ମିଜ ପୁଞ୍ଜାମାଞ୍ଜାଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ଡଣ୍ଡ ଆତ୍ମାଆରି ପୁନଅରି ।

ତାନି ଜାଣା ହଲିୟାଙ୍ଗାତି ପୁଣ୍ଡିକିନି କାତା
(ଲୁକ ୧୯:୧୧-୨୭)

୧୪ ଲାକପୁରୁ ରାଜି ଇଲେତାୟି, ଇତିହାସ ହେକ ରାଜି ହାଜିମାନି ର ମାଣସି, ଏଞ୍ଜାସି ତାନି ହଲିୟାଙ୍ଗାଣି ହାଟାନା ତାନି ଦନତି ହେରପିତେସି । ୧୫ ଏଞ୍ଜାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜା ଅଡ଼େ ରଅଣାକି ର ମାଣା ଇଲେକିହାସି ବାରେତାକି ତାନି ଆଡ଼ିନି ବାଡ଼ୁୟୁ ତଲେ ହାହାନା ହେକ ରାଜିତା ହାରେସି । ୧୬ ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡ଼େ ପାସାମାଣା ଲାବା କିତେସି । ୧୭ ଏଲେକିହାସି ଏ ଆମିନିଗାଟାସି ରୀ ମାଣା ବେଟା ଆହାମାଟାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିତେସି । ୧୮ ସାମା ଆମିନିଗାଟାସି ର ମାଣା ବେଟା ଆହାମାରେସି, ଏଞ୍ଜାସି ହାଜାନା ବୁମି କାରହାନା ତାନି ସାଞ୍ଜୁକାରି ଟାକାୟାଣି ମୁସାନା ଡ଼କୁହା ଇତିତେସି ।

୧୯ ହାରେକା ଦିନା ହାତି ଡାୟୁ ଏ ହଲିୟାଙ୍ଗାତି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିତେସି । ୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଅଡ଼େ ପାସାମାଣା ତାଟାନା ଏଲେଇରେସି, ପ୍ରବୁ ନୀନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହ୍ନୁ ନାନୁ ଅଡ଼େ ପାସାମାଣା ଲାବା କିହାମାଲ । ୨୧ ତାନି ସାଞ୍ଜୁକାରି ତାଙ୍ଗେ ଏଲେଇରେସି, ଆୟାଲେତା ନେହାସି ଟିକାଣାଗାଟି ହଲେଏଣାତି, ନୀନୁ ଡ଼ଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଲ, ନୀନୁ ନା ତଲେ ରାହାଁ କିହାଲି ଖାମୁ । ୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାରେସି, ଏଞ୍ଜାସି ଜିକେଏ ଖାହାନା ଏଲେଇରେସି, ଏ ପ୍ରବୁ ନୀନୁ ନାଙ୍ଗେ ରୀ ମାଣା ହାହାମାଞ୍ଜାତି; ମେହ୍ନୁ ନାନୁ ଅଡ଼େ ରୀ ମାଣା ଲାବା କିହାମାଲ । ୨୩ ତାନି ସାଞ୍ଜୁକାରି ଏଞ୍ଜାଣାଲ ଜିକେଏ ଏଲେଇରେସି, ଆୟାଲେତା ନେହାସି ଇଞ୍ଜା ଟିକାଣାଗାଟି ହଲେଏଣାତି, ନୀନୁ ଡ଼ଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଲ,

ନୀନୁ ନା ତଲେ ରାହାଁ କିହାଲି ଖାମ୍ବୁ । ୨୪ ତାୟ ର ମାଣା ଟାକାୟାଁ ଅହାମାତି ହଲେଏସି ଏଲେଇରେସି, ସାଞ୍ଜୁକାରି, ନାନୁ ପୁଞ୍ଜାମାଲ୍, ନୀନୁ ର ଆବଞ୍ଜା ହିୟାଁ ଗାଗାତି । ମାଗାଆତି ବୁମିତା ନୀନୁ ଦାଃଆନାତି । ବିଚା ମାଗାଆନା ଆର୍ନା କୁଡ଼ି କିନାତି । ୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁମିତା ମୁସାନା ଡକୁହା ଇଚିତେଏଁ; ମେହମୁ ନୀ ଦନ ନୀନୁ ବେଟାଆଡ଼ି । ୨୬ ସାମା ତାନି ସାଞ୍ଜୁକାରି ଏଞ୍ଜାଣାଇ ଏଲେଇରେସି, ଆଡେ ଲାଗେଏ ଅଡେ ନିସୁଗାଟି ହଲେଏଶାତି, ନାନୁ ଆମ୍ବିୟା ମାଗା ହିଲଅଁ ଏମ୍ବାଆଁ ଦାଃଆନାତେଏଁ, ଇଞ୍ଜା ଆମ୍ବିୟା ଆର୍ନା ଡପହା ହିଲଅଁ ଏମ୍ବାଆଁ କୁଡ଼ି କିନାତେଏଁ, ଇଦାଆଁ ନୀନୁ ପୁଞ୍ଜାମାତି ? ୨୭ ଆତିହଁ ବେବାରା କିନାରି ତାଣା ନା ଟାକାୟାଁ ନୀନୁ ଇଚିନାୟି ମାଚେ; ଆତିହଁ ନାନୁ ଖାହାନା ଅତିତଲେ ନା ଦନ ନାନୁ ବେଟାଆଡେଏଁମା । ୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି ଗାଗାଣାକି ଦସ ମାଣା ମାନୁ ଏଞ୍ଜାଣାକି ହୀଦୁ । ୨୯ ଇତିହଁ ଆମ୍ବାଆରାକି ମାନୁ, ଏଞ୍ଜାଣାକି ହୀପକିଆନେ, ଇଞ୍ଜା ଏଞ୍ଜାଣିଞାୟି ହାରେକା ଗାଡ଼ିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ । ୩୦ ☆ଅଡେ ମୀରୁ ଇ କାମା କିଆଗାଟି ହଲେଏଶାଇ ପାଙ୍ଗାତି ଆନ୍ଦେରିତା ମେଡ଼ହା ତୁହ୍ତୁ, ଏମ୍ବାଆଁ ଡାହଁ ପାଲ୍‌କା ଟାଟି କିନେସି ।

ରାନି ବେଲାତି ନୀହାୟି

୩୧ ☆ମାଣସି ମୀରୁଏସି ଏଚିବେଲା ବାରେ ଦୁତୁୟାଁ ତଲେ ତାନି କାଜାପାଣାଟି ଖାନ୍ଦେସି, ଏଚିବେଲା ଏଞ୍ଜାସି ତାନି ଗାଞ୍ଜୁରମିଗାଟି ସିଂଗାସାଣିତା କୁଚିନେସି, ୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି କୁଡ଼ି କିଞ୍ଜିଆନେ, ଇଞ୍ଜା ମେଣ୍ଡାୟାଁ ଗଡ଼ୁ ଏନିକିଁ ଗରିୟାଁ ତାଣାଟି ମେଣ୍ଡାୟାଁଣି ଏଟକା କିନେସି, ଏଲେକିହଁ ଏଞ୍ଜାସି ଏଞ୍ଜାରାଇଁ ଏଟକା କିହାନା, ୩୩ ମେଣ୍ଡାୟାଁଣି ତାନି ଚିଃନି ଟଟତା ଇଞ୍ଜା ଗରିୟାଁଣି ତାନି ଚେଡ଼ି ଟଟତା ଇଚିନେସି । ୩୪ ଏଚିବେଲା ରାଜା ତାନି ଚିଃନି ଟଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା

☆ ୨୫:୩୦ ୨୫:୩୦ ମାତି ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮

ଆନାତେରି, ମିଙ୍ଗେତାକି ଦାରତି ଗାଡ଼ି ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଚିଆହାମାନେ ଏମ୍ବାତି ଅଦିକାରା ଆଦୁ । ୩୫ ଇଚିହିଁ ନାନୁ ହାକିଟି ମାଚେଏଁ, ମୀରୁ ନାଙ୍ଗେ ତିଞ୍ଜାଲି ହିୟାତେରି; ଏସକିଟି ମାଚେଏଁ, ନାଙ୍ଗେ ଗସାଲି ଏୟୁ ହିୟାତେରି; ଏଟକା ମାଚେଏଁ ନାଙ୍ଗେ ଆଟହାତେରି; ୩୬ ନାଗୁଡ଼ାଟି ମାଚେଏଁ ନାଙ୍ଗେ ହିମ୍ବୁରି ହୁଟି କିୟାତେରି; ନମେରି ମାଚେଏଁ ନାଙ୍ଗେ କେରହାତେରି; କାୟିଦିତା ମାଚେଏଁ ନାଙ୍ଗେ ବେଟି ଖାତେରି ।

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଇଁ ଏଲେଇନେରି, ଏ ପ୍ରୁ ଏଚେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାଆତମି ? ଏଚେଲା ଏସକି ଆଡ଼ାଣି ମେସାନା ଏୟୁ ହିୟାଆତମି ? ୩୮ ଅଡ଼େ ଏଚେଲା ଏଟକା ମାଚାଣି ମେସାନା ଆଟହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଡ଼େ ଏଚେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାତମି ? ୪୦ ଇଞ୍ଜା ରାଜା ଏଞ୍ଜାରାଇଁ ଏଲେଇନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ନା ଇ ଉଣା ତାୟିୟାଁଇଁ ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି ।

୪୧ ଏମ୍ବାଟିଏ ତାନି ଟେବୁ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୂତୁୟାକି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡ଼ୁୟୁତା ହାଦୁ । ୪୨ ଇଚିହିଁ ନାନୁ ହାକିଟି ମାଚେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସକିଟି ମାଚେଏଁ ନାଙ୍ଗେ ଗସାଲି ଏୟୁ ହିୟାଆତେରି; ୪୩ ଏଟକା ମାଚାଟି ନାଙ୍ଗେ ଆଟହାଆତେରି; ନାଗୁଡ଼ା ମାଚାଟି ନାଙ୍ଗେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଚାଟି ନାଙ୍ଗେ କେରହାଆତେରି । ୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରୁ ଏଚେଲା ମାମ୍ବୁ ନିଙ୍ଗେ ହାକି କି ଏସକି, ଏଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ? ୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା ଇ ଉଣା ଲକୁ ବିତାଟି ରଅଣାଇଁ କିହାହିଲାଆକି ନାଙ୍ଗେ କିହାମାଞ୍ଜାଅତେରି । ୪୬ ଅଡ଼େ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତୀରିଗାଟାରି

କାଳାକାଳାତି ଜୀବୁ ବେଟାଆନେରି ।”

୨୭

ଜୀସୁ କପାଟି ପାରୁ ପାରିନାନ୍ତି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପୁହାନା ତାନି ସୀସୁୟାଁଇଁ ଏଲେଇଚେସି,
୨ “ରାଇନି ଜେଚ ପିସ୍ପିଆନ୍ତି ପାରୁଁ ଆନେ, ଇଦାଆଁ ମୀରୁ
ପୁଞ୍ଜାମାଞ୍ଜେରି, ଇଞ୍ଜା ମାଣ୍ଡସି ମୀରୁଏସି ପାସି ମୁଣ୍ଡାତା ହାୟାଲି
ହେରପିଆନେସି ।”

୩ ଏଚିବେଲ୍ୟାତା କାଜା ପୂଜେରାଞ୍ଜା ଅଡ଼େ ଲକ୍ଷୁତି କାଜାରି କୟାପା
ଦରୁଗାଟି କାଜା ପୂଜେରା ଆଂଗେଶିତା ରୁଣ୍ଡା ଆଡ଼େରି, ୪ ଅଡ଼େ ଜୀସୁଇଁ
ଆସାନା ପାୟାଲି ପାରୁ ପାରାତେରି; ୫ ସାମା ଏଞ୍ଜାରି ଏଲେଇଚେରି,
“ପାରୁଁ ବେଲ୍ୟାତା ଆଏ ଇଚିହଁ ଏଚେତା ଲକ୍ଷୁ ଗଡ଼ହା କିନେରି ।”

ବେତନିୟାତା ଜୀସୁ ତାୟଁ ତୁ ନିୟୁଁ ଖାକ୍ନାନ୍ତି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଟି ସିମନ ଇଜ ତିଞ୍ଜାଲି
କୁଗାମାଟାଟି, ୭ *ର ଇୟା ର ଗାଜୁତା ହାରେକା ଦାରାଗାଟି ଗାନ୍ଦା
ନିୟୁଁ ତାଚାନା ଜୀସୁ ତାୟଁ ତୁ ଖାକ୍ନେ । ୮ ସାମା ଏଦାଆଁ
ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ
ଏନାଆଁତାକି କାରୁଁ ? ୯ ଇଦାଆଁ ହାରେକା ଟାକାୟାଁତାକି ପାରୁପି
ଆହାନା କାକୁଲି ଗାଟାରିକି ହିୟାଲି ଆଡ଼େମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି
ଏନାଆଁତାକି କସ୍ତ ହାହିମାଞ୍ଜେରି ? ଏଦି ନାଜେତାକି ହାରେକା
ନେହଁ କାମା କିହାମାନେ । ୧୧ କାକୁଲି ଗାଟାରି କାଲେଏ ମୀ ତାଣା
ମାନେରି, ସାମା ନାନୁ କାଲେଏ ମୀ ତାଣା ମାନଅଁ । ୧୨ ଇଞ୍ଜା ଏଦି
ନା ଆଜାତା ନକେଏ ନିୟୁଁ ଖାକ୍ନାନ୍ତି ମୁସାଲି ତାକି ନକେଏ ତିୟାରା
କିହିମାନେ । ୧୩ ନାନୁ ମିଜେ ସାତା ଖେସିମାଞ୍ଜାଇଁ, ବାରେ ଦାରୁତିତା

☆ ୨୭:୭ ୨୭:୭ ଲୁକ ୭:୩୭,୩୮

ଆମିନି ଚାନ୍ଦୁତା ଇ ନେହଁ କାରୁ ଝେପକି ଆନେ, ଏମ୍ବାଆଁ ଏ ଇୟାନି ଅଣ୍ପାଲି ଏଦାନି ଇ କାମା ଜିକେଏ ଝେସ୍ପି ଆନେ ।”

ଜୀହ୍ୱଦା ଜୀସୁଇଁ ଆସ୍ପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏରିବେଲା ବାରଜାଣା ବିତ୍ରାଟି ଇସ୍ପାରିୟତ ଜୀହ୍ୱଦା ଦରୁଗାଟାସି କାଜା ପୂଜେରାଙ୍ଗା ତାଣା ହାଜାନା ଏଲେଇଚେସି, ୧୫ “ନାଙ୍ଗେ ଏନାଆଁ ହିୟାଦେରି ଝେସ୍ତାବୁ ? ନାନୁ ଜୀସୁଇଁ ଆସ୍ପି କିୟାଲ୍ ।” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହୀତେରି । ୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟ୍‌ହେସି ।

ଜୀସୁ ଅଡେ ସୀସୁୟାଁ ପିସ୍ପିଆନି ପାରୁଁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁତି ତଲିତି ଦିନାତା ସୀସୁୟାଁ ଜୀସୁ ତାଣା ଝାହାନା ଝେଚେରି, “ମାମ୍ବୁ ଆମିନି ଚାନ୍ଦୁତା ନିଙ୍ଗେତାକି ପିସ୍ପିଆନି ପାରୁଁତି ବଜି କିନି ଇଞ୍ଜିଁ ନାନୁ ଅଣ୍ପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜି, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍ପିଆନି ପାରୁଁତି ବଜି କିନି ।”

୧୯ ଏମ୍ବାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍ପିଆନି ପାରୁଁତି ବଜି କିତେରି ।

୨୦ ତାୟୁ ମିଡ଼ଥଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି । ୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ମୀ ବିତ୍ରାଟି ରଅସି ନାଙ୍ଗେ ସାଡୁୟାଁ କେୟୁତା ହେରପାନେସି ।”

୨୨ ଏମ୍ବାଟିଏ ଏଞ୍ଜାରି ହାଚେରକା ଦୁକୁ ଆହାନା ରଅ ରଅସି ଜୀସୁଇଁ ଝେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍ବାଆସି ସାଡ଼ଞ୍ଜାତା କେୟୁ ପାରକି ମାନେସି, ଏଞ୍ଜାସି ନାଙ୍ଗେ ସାଡୁୟାଁ କେୟୁତା ହେରପାନେସି ।

୨୪ ମାଣ୍ଡସି ମୀରଏଣି କାତା ଏନିକି ରାସ୍‌କି ଆହାମାନେ ଏଲେକି କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାର୍ନା ଆହାହିଲଆତିହି ଏଞ୍ଜାଣାକି ନେହେଁ ଆଡେମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେଏଁ ନାନୁ କି ?”

ଜୀସୁ ଏଞ୍ଜାଣାକି ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଞ୍ଜାରି ତିଞ୍ଜିମାତି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ତିକିହାନା ସୀସୁୟାଁକି ହୀହାନା ଏଲେଇଚେସି, “ଇଦାଆଁ ଅଦୁ ଇଞ୍ଜା ତିଞ୍ଜି ଇଦି ନା ଆଜା ।”

୨୭ ଅଡେ ଏଞ୍ଜାସି ଗହନି ସଲ୍ଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାଁକି ହୀହାନା ଏଲେଇଚେସି; “ଇଦାଆଁ ବାରେତେରି ଗହଦୁ” ୨୮ “ଇଚିହିଁ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମେକହାଲି ଖାକୁହାମାନି ଇଦି ଏ ନା ନେତେରି । ୨୯ ସାମା ନାନୁ ମିଙ୍ଗେ ଖେସିମାଞ୍ଜାଇ, ଆମିନି ଦିନା ନା ଆବାତି ରାଜିତା ମୀ ତଲେ ପୁଃନି ଅଙ୍ଗୁରି ରାସା ଗହଆ ପାତେକା ନୀଞ୍ଜୁଟିଏ ଏଚେଲାଞ୍ଜା ଅଙ୍ଗୁରି ରାସା ଗହଅଁ ।”

୩୦ ଅଡେ ଏଞ୍ଜାରି ଜହରା ପାରୁ ପାଟିତି ତାୟୁ ଜୀତ ହରୁତା ହଡ଼ା ହାଚେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଖେହନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହିଁ ରାସ୍‌କି ଆହାମାନେ, ନାନୁ ମେଣ୍ଡାୟାଁ ଗଡ଼ୁଁ ଖେଇଁ ଅଡେ ମାନ୍ଦାତି ମେଣ୍ଡାୟାଁ ଆଲାରା ଆହାହାନୁ । ୩୨ ☆ସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀବୁଇଁ ଏଲେଇରେସି, “ବାରେଜାଣା ନିଜେ ପିସ୍ତାତିହିଁ ଜିକେଏ, ନାନୁ କଡ଼େ ନିଜେ ଏରେଲାଝା ପିସ୍ତାଁ ।”

୩୪ ଜୀବୁ ପିତରଇଁ ଏଲେଇରେସି, “ନାନୁ ନିଜେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କମ୍ପୁ କେଣାଥା ନଡ଼କଏ ନାନୁ ନାଜେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜୁଁ ଝେହ୍ଦି ।”

୩୫ ପିତର ଏଝାଣାଇଁ ଏଲେଇରେସି, “ନାନୁ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏରେଲା ପୁଞ୍ଜାହିଲଅଁ ଇଞ୍ଜୁଁ ଇନଅଁ !” ଇଞ୍ଜା ବାରେ ସୀସୁୟାଁ ଜିକେଏ ଏଲେଇରେରି ।

ଗେଡ଼ସିମନିତା ଜୀବୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏରେଟିଏ ଜୀବୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଚାୟୁତା ହାଜାନା ଏଝାରାଇଁ ଏଲେଇରେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ ।” ୩୭ ଅଡ଼େ ଏଝାସି ପିତର ଇଞ୍ଜା ଜେବଦିତି ରୀ ମୀରକାଣି ଅହାନା ହିୟାତା କିଲିବିଲି ଆଡ଼େସି, ୩୮ ଇଞ୍ଜା ଏଚିବେଲା ଏଝାରାଇଁ ଏଲେଇରେସି, “ନା ଜୀଝୁ ହାନିଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମୀରୁ ଇମ୍ପାଆଁ ତୟାନା ନା ତଲେ କାଡ଼ିହିଁ ମାଞ୍ଜୁ ।”

୩୯ ଇଞ୍ଜା ଏଝାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହିଁ ଏଲେଇରେସି, “ଏ ନା ଆବା ଆତିହିଁ ଇ ନା ଦୁକୁ କସ୍ତଗାଟି ସଲ୍ଲାତି ହେକ କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ ଆଡ଼େପ ।”

୪୦ ଅଡ଼େ ଏଝାସି ସୀସୁୟାଁତାଣା ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇରେସି, “ମୀରୁ ନା ତଲେ ଗାଡ଼େକା ଜିକେଏ କାଟାଲି ଆଡ଼ାଆତେରି ? ୪୧ ପାଦାତା ଏନିକଁ ହେରଅତେରି, ଏଦାଆଁତାକି କାଟାହାଁ ପ୍ରାତାନା କିହେମାଞ୍ଜୁ; ଇଚିହିଁ ମନ ମାନେ ସାମା ଆଙ୍ଗାତା ବାଡ଼ୁୟୁ ହିଲେଏ ।”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହିଁ ଏଲେଇରେସି, “ଏ ନା ଆବା ଇ ନା ଦୁକୁ କସ୍ତଗାଟି ସଲ୍ଲା ନା ତାଣାଟି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହ୍ଲୁ ନା ମନ କଡ଼େ ଆଏ ନୀ କାତେଏ

ଆପେ ।” ୪୩ ଅତ୍ତେ ଏଞ୍ଜାସି ଖାହାନା ଏଞ୍ଜାରାଲ୍ ଇଦା କିହାମାନାଣି
ମେସ୍ତେସି; ଇଚିହ୍ ଏଞ୍ଜାରି କଟଣି ହଚି ମାଚେରି ।

୪୪ ଏମ୍ବାଟିଏ ଏଞ୍ଜାସି ଏଞ୍ଜାରାଲ୍ ପିସାନା ଅତ୍ତେ ଖେଶ୍ତେ ହାଜାନା
ଅତ୍ତେ ଏ ପ୍ରାତାନା ତାନିପାଲି ତାକି କିତେସି । ୪୫ ତାୟୁ ସାସୁୟାଁ ତାଣା
ଖାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହ୍ ମାଣ୍ଡସି
ମୀରୁଏସି ପାପୁ ଗାଟାରି ତାଣା ହେରପି ଆନିବେଲା ଏଦାତେୟିଏ ।
୪୬ ନିଜ୍ଜାଦୁ ମାର ହାନ, ଇଜ୍ଜା ମେହ୍ତୁ ଆମ୍ବାଆସି ନାଜେ ସାତୁୟାଁ
କେୟୁତା ହେରପାନେସି, ଏଞ୍ଜାସି ତାଗେ ଖାଡ଼େସିଏ !”

ଜୀସୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଖେସିମାଟି ବେଲାତା, ମେହ୍ତୁ, ବାରଜାଣା
ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଜ୍ଜା ଏଞ୍ଜାଣିତଲେ
କାଜା ପୂଜେରାଜା ଅତ୍ତେ ଲକୁଚି କାଜାରି ତାଣାଟି ପାଣ୍ଡୁଆହାମାନି
ହାଡ଼େକା ଲକୁ କାଣ୍ଡାୟାଁ ଅତ୍ତେ ବାଡ଼ଗାୟାଁ ଆସାନା ଖାଡ଼େରି ।
୪୮ ଜୀସୁଇଁ ସାତୁୟାଁ କେୟୁତା ହେରପିନାସି ଏଞ୍ଜାରାଲ୍ ଇ ସିନା
ଖେସାମାଚେସି, “ନାନୁ ଆମ୍ବାଆରାଲ୍ ନଶ୍ଚିଇଁ ଏଞ୍ଜାସିଏ ଏଞ୍ଜାସି,
ଏଞ୍ଜାଣାଲ୍ ଆହ୍‌ଦେରି ।”

୪୯ ଇଜ୍ଜା ଏଞ୍ଜାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ
ଜହରା ଇଚେସି” ଅତ୍ତେ ଏଞ୍ଜାଣାଲ୍ ହାଡ଼େକା ନଶ୍ଚିତେସି ।

୫୦ ସାମା ଜୀସୁ ଏଞ୍ଜାଣାଲ୍ ଏଲେଇଚେସି, “ଏ ତାଗେ ଏନାଆଁ କିହାଲି
ଖାହାମାଞ୍ଜି ଏଦାଆଁ କିମ୍ପୁ ।”

ଏମ୍ବାଟିଏ ଏଞ୍ଜାରି ତାଗେ ଖାହାନା ଜୀସୁଇଁ ଆସ୍ତେରି । ୫୧ ଅତ୍ତେ
ମେହ୍ତୁ, ଜୀସୁତଲେ ମାଟାରି ବିତ୍ରାଟି ରଅସି କାଣ୍ଡା ହପ୍‌ହେସି ଇଜ୍ଜା
କାଜା ପୂଜେରା ହଲେଏଣାଲ୍ କିୟ୍ ରୁଡ଼ହେସି । ୫୨ ଏମ୍ବାଟିଏ ଜୀସୁ
ଏଞ୍ଜାଣାଲ୍ ଏଲେଇଚେସି, “ନୀ କାଣ୍ଡା ଖେଶ୍ତେ ନୀ ପାଡ଼କାତା ଇଟାମ୍ପୁ,
ଇଚିହ୍ ଆମ୍ବାଆରି କାଣ୍ଡା ଆହ୍‌ନେରି ଏଞ୍ଜାରି କାଣ୍ଡା ତଲେଏ ହାନ୍‌ନେରି
। ୫୩ ନାନୁ ଏନାଆଁ ଅଣପିମାଞ୍ଜି, ନାନୁ ନା ଆବାଇଁ ବାଡ଼ିମାଲିଡ଼ିହ୍
ଇ ଦେବୁଣିଏ ବାର ଗଟି ରିଜାରି କମ୍‌କା କିହାଁ ହାଡ଼େକା ଦୂତୁୟାଁଲ୍

ପାଣ୍ଡୁଅସି?” ୫୪ ଇତିହାସି ଇଲେକି ସାତେଏ ଆନେ ଇଞ୍ଜାମାନି ଦାମ୍ନୁ ପତିତି କାତା ଏନିକି ସାତା ଆନେ ?

୫୫ ☆ଏଚେଟିଏ ଜୀସୁ ମାନ୍ଦା ଲକୁଣି ଏଲେଇଚେସି, ତଂଗା ଗାଟାରାଇଁ ଆହୁନିଲେହେଁ କାଣ୍ଡାୟାଁ ଅଡ଼େ ଟେଙ୍ଗାୟାଁ ଆସାନା ମୀରୁ ନାଙ୍ଗେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେଏଁ, ସାମା ମୀରୁ ନାଙ୍ଗେ ଆସୁଆତେରି ! ୫୬ ସାମା ମାହାପୁରୁ ଅଣପୁତି ବଲୁ ଖେହନାରି ରାଡ଼ିତି ସାପ୍ତେରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆହିମାନେ । ଏଚିବେଲା ବାରେଜାଣା ସାସୁୟାଁ ଏଞ୍ଜାଣାଇଁ ପିସାନା ହଟାତୁସ୍ତେରି ।

ବେରଣିମାଣ୍ଡାତା ଜୀସୁତି ନୀହାୟି

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୬୧; ଜହ ୧୮:୧୩-୧୪,୧୯-୨୪)

୫୬ ତାୟୁ ଏମିନିଗାଟାରି ଜୀସୁଇଁ ଆସାମାଚେରି, ଏଞ୍ଜାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଟାୟୁତା ମେରାପୁନାରି ଅଡ଼େ ଲକୁତି କାଜାରି ରୁଣ୍ଡା ଆହାମାଚେରି । ୫୮ ସାମା ପିତର ହେକ ଡୟାନା କାଜା ପୂଜେରା ଆଂଗେଣି ପାତେକା ଏଞ୍ଜାରି ଜେଚ ହାଚେସି, ଇଞ୍ଜା ତାୟୁ ଏନି ଆନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଙ୍ଗା ତଲେ କୁଗାମାଚେସି । ୫୯ ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଞ୍ଜାଣି କପାଟି ମିଟି ସାକିୟାଁ ପାରାତେରି, ୬୦ ଇଞ୍ଜା ହାରେକା ସାକିୟାଁ ଖେସ୍ତି ଜିକେଏ, ଏଞ୍ଜାଣି ଏନି ଦହ ପୁଞ୍ଜାଆତେରି । ଇଞ୍ଜା ତାୟୁ ରିଆରି ନିଚାନା ଖେସ୍ତେରି, ୬୧ ☆ଇଞ୍ଜାସି ଏଲେଇଞ୍ଜାମାଚେସି, “ନାନୁ ମାହାପୁରୁତି ଇଲୁ ଡିକିହାନା ତାନି ଦିନାଟିଏ କେପାଲି ଆଡ଼ିଇଁ ।”

୬୨ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇଚେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?” ୬୩ ସାମା ଜୀସୁ ପାଲେଏ ଆହାନା ଡୟିଚେସି । ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନାନୁ ଜୀସୁତି ମାହାପୁରୁ ଦରୁତଲେ

ପାରମାଣା କିଞ୍ଚି କିହାନା ଝେଞ୍ଜିମାଞ୍ଜାଇଁ, ନାଞ୍ଜେ ଝେସ୍ତାମୁ, ନୀନୁ ସାତେଏ ମାହାପୁରୁ ମୀରଏଣାତି କ୍ରୀସ୍ତତିକି ?”

୭୪ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁତ ଝେସିମାଞ୍ଜି; ଅଡ଼େ ନାନୁ ନିଞ୍ଜେ ଝେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣସି ମୀରଏଣାଇଁ ବାଡ଼ିମୁଗାଟି ମାହାପୁରୁ ଚିଃନିଞ୍ଜାକି ନିଚାମାନାଣି ଅଡ଼େ ହାଗୁ ଦୁହାଟି ଝାନାଣି ମେହ୍‌ଦେରି !”

୭୫ ଏମ୍ବାଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଞ୍ଜେ ଅଡ଼େ ଏନ୍ଦି ସାକିୟାଁ ଲଡ଼ାମାନେ ? ମେହ୍‌ଦୁ ନୀଏଁ ଜିକେଏ ମାହାପୁରୁ ନିନ୍ଦା କିତାଣି ଝେଚେରି, ୭୬ ମୀ ଅଣ୍‌ପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇଚେରି ଏଞ୍ଜାସି ହାନି ଡ଼ଣ୍ଡ ପାଣ୍ଡନାୟି ମାନେ !

୭୭ ଏଚିବେଲା ଏଞ୍ଜାରି ଏଞ୍ଜାଣି ମୁମ୍ବୁତୁ ହୁପିତେରି, ବିଦା ଝେତେରି; ଇଞ୍ଜା ଆମ୍ବା ଆମ୍ବାଆରି ସାପ୍‌ଡ଼ା ଝେଚାନା ଏଲେଇଚେରି, ୭୮ “ଏ କ୍ରୀସ୍ତ ନୀନୁୟାଁ ମାହାପୁରୁ ଅଣ୍‌ପୁତି ବଲୁ ଝେହ୍‌ନାତି, ମାଞ୍ଜେ ଝେସ୍ତାମୁ ନିଞ୍ଜ ଆମ୍ବାଆସି ଝେତାତେସି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୭-୨୯; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-୨୭)

୭୯ ଏମ୍ବାଟିଏ ପିତର ପାଞ୍ଜାତି ଆଂଗେଣିତା କୁଗାମାଚେସି, ଇଞ୍ଜା ର ହଲେଣି ପିତର ତାଗେ ଝାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀସୁତଲେ ମାଟି ।”

୮୦ ସାମା ଏଞ୍ଜାସି ବାରେତି ନକିତା “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଝେସିମାଞ୍ଜି ନାନୁ ପୁଞ୍ଜାହିଲଅଁ ।” ୮୧ ଅଡ଼େ ପିତର ଆଂଗେଣି ଦୁଝେରିତା ହାଜାଲିଏ ଅଡ଼େ ର ହଲେଣି ଏଞ୍ଜାଣାଇଁ ମେସାନା ଏ ଟାୟୁତି ଲକୁଣି ଏଲେଇଚେ, “ଇଞ୍ଜାସି ନାଜ୍‌ରିତ ଜୀସୁତଲେ ମାଚେସି ।”

୮୨ ପିତର ପାରମାଣା କିହାନା ଅଡ଼େ ଏଲେଇଚେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

୭୩ ଅଡ଼େ ର ଗାଡ଼େକା ହାଜାଲିଏ ଦାରିତା ନିଚାମାଚାରି ପିତର ତାଗେ ଖାହାନା ଏଝାଣାଇଁ ଏଲେଇଚେରି, “ନାନୁ ଜିକେଏ ସାତେଏ ଏଝାରି ବିତ୍ତାଟି ରଅତି, ଇଚିହିଁ ନୀ ହାଡ଼ାଟି ପୁଣ୍ଡି ଆହିମାନେ ।”

୭୪ ଏମ୍ବାଟିଏ ପିତର ପାରମାଣା ଅଡ଼େ ବାକା ଇଚିହିଁ ଏଲେଇଚେସି, “ନାନୁ ଏଝାଣାଇଁ ପୁଞ୍ଜାହିଲଅଁ ।”

ଏ ଦେବୁଣିଏ କୟ୍ କେଶ୍‌ତେ । ୭୫ ଏଚେଟିଏ “କୟ୍ କେଶ୍‌ଆ ନଚେଏ ନାଜେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜିଁ ଜୀସୁ ଖେସ୍ତି ଇ କାତା ପିତର ଅଣ୍‌ପୁତା ଖାଡ଼େ, ଇଞ୍ଜାଁ ଏଝାସି ପାଙ୍ଗାତା ହାଜାନା ହାରେକା କିଲିବିଲି ଦୁକୁଆହିଁ ଡ଼ୀଡ଼େସି ।

୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇ ଖେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜାଁ ଲକୃତି କାଜାରି ଜୀସୁଇଁ ପାୟାଲି ଏଝାଣି କପାଟି କାତା ଆଡ଼େରି, ୨ ଇଞ୍ଜାଁ ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲୁଝି କିନାଣି ତାଣା ହେରପିଡେରି ।

ଇସ୍ପାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ☆ଏଚିବେଲା ଜୀସୁଇଁ ସାତୁ କେୟ୍‌ତା ହେରପିଡି ଜୀହୁଦା, ଜୀସୁ ହାନି ଡ଼ଣ୍ଡ ବେଟା ଆହାମାନେସି ଇଞ୍ଜିଁ ପୁଞ୍ଜାନା, ଜୀହୁତା ଅଣ୍‌ପାନା କାଜା ପୂଜେରାଙ୍ଗା ଅଡ଼େ ଲକୃତି କାଜାରି ତାଣା ଏ କଡ଼େଦସ ଟାକା ଖେଶ୍‌ଟେ ତାଚାନା ଏଲେଇଚେସି, ୪ “ନାନୁ ଦହ ହିଲାଆଗାଟାଣି ନେଡେରି ହେରପାନା ପାପୁ କିହାମାଇଁ ।”

ସାମା ଏଝାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏଡ଼ାଆଁ ନାନୁ ଅଣ୍‌ପାମୁ ।”

୫ ଏମ୍ବାଟିଏ ଏଝାସି ଟାକାୟାଣି ମାହାପୁରୁ ଇଲୁ ବିତ୍ତା କୁତାଡ଼ୁସାନା ହାଚେସି, ଇଞ୍ଜାଁ ହାଜାନା ହେରକି ଲେଜା ହାଡ଼େସି ।

☆ ୨୭:୩ ୨୭:୩ କାମା ୧:୧୮,୧୯

୬ ସାମା କାଜା ପୂଜେରାଜୀ ଏ ଟାକାୟାଁ ଅହାନା ଏଲେଇଚେରି, “ଇଝାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମେରା ହିଲେଏ, ଇଚିହୁଁ ଇଝି ନେତେରିତି ଟାକାୟାଁ ।” ୬ ଇଞ୍ଜା ଏଝାରି କାତା ଆହାନା ଏଟକା ଦେସାତି ଲକୁତି ମାଡ଼ହା ମୁହୁନି ଟାୟୁ ତାକି ଏ ଟାକାୟାଁ ହୀହାନା ର କୁମ୍ବେଏଣା ବୁମି କଡିତେରି । ୮ ଏଡାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜୁଁ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ଡପୁତି ବଲୁ ଝେହୁନି ଜିରିମିୟ ତାଣାଟି ରାଚିତି ଇ କାତା ସାତା ଆଚେ, ଇସ୍ତାୟେଲ ମୀରକା ଆମ୍ବାଆରି ତାକି ଏଚେକା ଲେକା ହୀନାୟି ମାନେ, ଏଝାଣି ଲେକାତଲେ ଏ କଡେଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ବେଏଣା ବୁମି ତାକି ହୀଚେରି ।

ପିଲାତ ଜୀସୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଝି କିନାଣି ନକିତା ଜୀସୁଇଁ ନିପୁହେରି, ଇଞ୍ଜା ସାଲୁଝି କିନାସି ଏଝାଣାଇଁ ଝେଚେସି, “ନୀନୁ ଜୀହୁଦି ଲକୁତି ରାଜାତି ?”

ଜୀସୁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୂଜେରାଜୀ ଇଞ୍ଜା ଲକୁତି କାଜାରି ଏଝାଣି କପାଟି ଝେସାଲିଏ, ଜୀସୁ ଏନାଆଁ ଇନାଆଚେସି ।

୧୩ ଏଚେଟିଏ ପିଲାତ ଏଝାଣାଇଁ ଏଲେଇଚେସି, “ଇଝାରି ନୀ କପାଟି ହାଚେକା କାତା ଝେସିମାନେରି, ଏଡାଆଁ ଝେଞ୍ଜି ହିଲଅତି କି ?”

୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଲ୍ଲାଆଚେସି, ଏମ୍ବାଟିଏ ସାଲୁଝି କିନାସି ହାଚେକା କାବା ଆଚେସି ।

ଜୀସୁତି ହାନ୍ତି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୧୫ ପିସ୍ପିଆନ୍ତି ପାର୍ବୁ ବେଲତା ଲକୁ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଝାଣାଇଁ ପିସାଲି ସାଲୁଝି କିନାଣି ମେରା ମାଚେ । ୧୬ ଏଚିବେଲ୍ଲା ଏଝାରି ଜୀସୁ-ବାରବା ଦରୁଗାଟି ର କାଜା ଝେଞ୍ଜିତି କାୟିଦି ଗାଟାସି ମାଚେସି । ୧୭ ଏଡାଆଁତାକି

ଏଞ୍ଜାରି ରୁଣ୍ଡା ଆହାମାନି ବେଲ୍ଲାତା ପିଲ୍ଲାତ ଏଞ୍ଜାରାକ୍ ଝେରେସି, ନାନୁ ମିଲ୍ଲେତାକି ଆମ୍ବାଆରାକ୍ ପିସାହିୟାକ୍ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାକ୍ କି ଆମ୍ବାଆରାକ୍ କ୍ରୀସ୍ତ ଇଞ୍ଜି ମାଞ୍ଜେରି ଏ ଜୀସୁକ୍ ? ୧୮ ଇତିହି ଏଞ୍ଜାରି ଏଞ୍ଜାଣାକ୍ କପାଟି ହେର୍ପା ମାନେରି ଇଞ୍ଜି ପିଲ୍ଲାତ ପୁଞ୍ଜାମାରେସି ।

୧୯ ଇଞ୍ଜା ପିଲ୍ଲାତ ନାହାୟି କିନି ଚାୟୁତା କୁଗାମାଚାଟି ତାନି ତକ୍ରି ତାନି ତାଣା ଝେସା ପାଣ୍ଡିତେ, “ଏ ଦାମ୍ବୁଗାଟି ମାଣସିକ୍ ଏନାଆଁ କିଆନି, ଇତିହି ଏଞ୍ଜାଣି ତାକି ନୀଞ୍ଜୁ ଲାଆୟି ହାପାନାତା ହାରେକା କସ୍ତ ଆହାମାକ୍ ।”

୨୦ ସାମା କାଜା ପୂଜେରାକ୍ ଅଡେ ଲକ୍ଷୁତି କାଜାରି, ବାରବାକ୍ ରୀସାଲି ଇଞ୍ଜା ଜୀସୁକ୍ ନାସା କିହାଲି ଲକ୍ଷୁଣି ଜାପୁହେରି । ୨୧ ସାମା ପିଲ୍ଲାତ ଏଞ୍ଜାରାକ୍ ଏଲେଇରେସି, “ନାନୁ ଇ ରିଆରି ବିତ୍ରାଟି ଆମ୍ବାଆରାକ୍ ପିସାହିୟାକ୍ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇରେରି, “ବାରବାକ୍ ।”

୨୨ ପିଲ୍ଲାତ ଏଞ୍ଜାରାକ୍ ଝେରେସି, ଆତିହି ଆମ୍ବାଆରାକ୍ କ୍ରୀସ୍ତ ଇନେରି ଏ ଜୀସୁକ୍ ନାନୁ ଏନାଆଁ କିକ୍ ?

ଏଞ୍ଜାରି ବାରେଜାଣା ଏଲେଇରେରି, “ଏଞ୍ଜାଣାକ୍ ପାସି ମୁଣ୍ଡାତା ଏକ୍ତୁ ।”

୨୩ ସାମା ପିଲ୍ଲାତ ଝେରେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି ?”

ସାମା ଏଞ୍ଜାରି ହାରେକା କାଲ୍ଡି ଆହି ଏଲେଇରେରି, “ଏଞ୍ଜାଣାକ୍ ପାସି ମୁଣ୍ଡାତା ଏକ୍ତୁ ।”

୨୪ ଏତିବେଲ୍ଲା ପିଲ୍ଲାତ ଏନାଆଁ କିହାଲି ଆଡିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏତିବେଲ୍ଲା ଲକ୍ଷୁ ନକିତା ଏୟୁ ଅହାନା କେୟା ନର୍ହା ଏଲେଇରେସି, “ଇଞ୍ଜାଣି ପାୟିନି ତାଣା ନା ଦହ ହିଲେଏ, ମୀରୁ ଏନାଆଁ ପୁଞ୍ଜୁ ।”

୨୫ ଏମ୍ବାଟିଏ ବାରେ ଲକ୍ଷୁ ଏଲେଇରେରି, “ଏଞ୍ଜାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଝାପେ ।”

୨୬ ଏମ୍ବାଟିଏ ପିଲ୍ଲାତ ଏଞ୍ଜାରାକି ବାରବାକ୍ ପିସା ହୀତେସି, ଇଞ୍ଜା ଜୀସୁକ୍ ସାଟ୍ଟି ଝେଚାନା ପାସି ମୁଣ୍ଡାତା ଏକ୍ହାଲି ହେର୍ପିତେସି ।

କନ୍ୟା ଜୀବୁଇଁ ନିନ୍ଦାକିହିଁ କାକ୍‌ନାୟି
(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁଝି କିନାଣି କନ୍ୟା ଜୀବୁଇଁ ମୋଡ଼ା ଇଲୁ ବିତ୍ତା ଅହାନା ବାରେ କନ୍ୟା ଏଝାଣି ନକିତା କୁଡ଼ା ଆଡ଼େରି । ୨୮ ଇଞ୍ଜା ଏଝାରି ଏଝାଣି ହିମ୍ବରି ହୁକ୍‌ହାନା ଏଝାଣାଇଁ ହେୟାଁ ଝାଣାଗାଟି ହିମ୍ବରି ହୁଟିକିତେରି, ୨୯ ଇଞ୍ଜା ହାପ୍‌କା ଚପେରି ଆଲାନା ଏଝାଣି ତାୟଁ ତୁ ଇତିତେରି ଅଡ଼େ ଏଝାଣି ଚିଃନି କେୟୁତା ର ବାଡ଼ଗା ଆସପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁଡ଼ିହିଁ “ଏ ଜୀବୁଦି ଲକୁତି ରାଜା ଜହରା” ଇଞ୍ଜାଁ ଲାଜାକିହିଁ କାକ୍‌ହେରି । ୩୦ ଅଡ଼େ ଏଝାଣିଲକ ହୁପିତେରି, ଅଡ଼େ ଏ ବାଡ଼ଗା ଆସାନା ଏଝାଣି ତାୟଁ ତୁ ଝେତେରି । ୩୧ ଅଡ଼େ ଏଝାରି ଏଝାଣାଇଁ ଲାଜାକିହିଁ କାକ୍‌ହି ତାୟୁ, ଏ ହିମ୍ବରି ହୁକ୍‌ହା ଅହାନା ତାନି ହିମ୍ବରି ହୁଟିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକ୍‌ହାଲି ଅଡ଼େରି ।

ଜୀବୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜୀବୁତି ପାସିମୁଣ୍ଡା ଡେକାଲି ଏଝାଣାଇଁ ବାଲାନାତମି କିତେରି । ୩୩ ଇଞ୍ଜା ଏଝାରି ଗଲ୍‌ଗତା ଇନି ଟାୟୁତା ଇତିହିଁ ଏମିନାଣି ତାୟଁ ରୁପା ଇନେରି ଏମ୍ବାଆଁ ଅଡ଼େରି । ୩୪ ଏମ୍ବାଆଁ ଏଝାରି ଏଝାଣାକି କାମେଲି ଏୟୁ ଆଡ଼ିହି ଅଞ୍ଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଝାଣ୍ଡାନା ଗସାଲି ମନ କିଆଡେସି ।

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକ୍‌ହାନା ତାନି ହିମ୍ବରିକା ପାଦି କିହାନା ତାନି ବିତ୍ତା ବାଟି କିହା ଅଡ଼େରି, ୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ କାଡ଼ିମାତେରି । ୩୭ ଇଞ୍ଜା ଏଝାରି ଏଝାଣି ତାୟଁ ଲାକଟି ଇଲେଇଞ୍ଜାଁ ରାଡାନା ଲେତେରି, “ଇଝାସି ଜୀବୁଦି ଲକୁତି ରାଜା ଜୀବୁ ।” ୩୮ ଏତିବେଲା ତାନି ଚିଃନିଝାକି ରଅସି ଇଞ୍ଜା ତାନି ଚେବୁଝାକି ରଅସି ଇଲେକିହିଁ ରୀ ସରକାଣି ତାନିତଲେ ପାସି ମୁଣ୍ଡାତା ଏକ୍‌ହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକୁ ତାମି ତାର୍ଜା ଗୁଟ୍‌କିକିହିଁ ଏଞ୍ଜାଣାଇଁ ନିନ୍ଦାକିହିଁ ଏଲେଇଚେରି, ୪୦ ✧ “ଆଡ଼େ ମାହାପୁରୁ ଇଲୁ ଡିକ୍‌ନାତି ଇଞ୍ଜା ତାନି ଦିନାତିଏ ଏଦାଆଁ ଖେଣ୍ଡେ କେପିନାତି, ନାନୁ ମାହାପୁରୁ ମାର୍‌ଏଣାତି ଇଚିହିଁ, ନାନୁ ନିଙ୍ଗେ ଗେଲ୍‌ପା କତାନା ପାସି ମୁଣ୍ଡାଟି ରେଚା ଖାମୁ ।”

୪୧ କାଜା ପୂଜେରାଜା ଜିକେଏ ଏଲେକିହିଁ ଏ ମେରାପୁନାରି ଇଞ୍ଜା ଲକୁତି କାଜାରି ତଲେ କିଜଞ୍ଜିକିହିଁ କାକ୍‌ହିହିଁ ଏଲେଇଚେରି, ୪୨ “ଏଞ୍ଜାସି ଏଟ୍‌କା ଲକୁଣି ପିସ୍‌ପି କିତେସି ତାଙ୍ଗେ ଗେଲ୍‌ପାଲି ଆଡ଼ିହିଲଅସି । ଏଞ୍ଜାସିତ ଇସ୍ତାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି ରେଚା ଖାପେସି, ଆଡ଼ିହିଁ ମାର୍ ଏଞ୍ଜାଣି ତାଣା ନାମିନ । ୪୩ ଏଞ୍ଜାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀଞ୍ଜୁ ନହାଁ ମାନେସି, ଆଡ଼ିହିଁ ଏ ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି, ଏଞ୍ଜାସି ଖେସାମାଚେସି ନାନୁ ମାହାପୁରୁ ମାର୍‌ଏଣାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକ୍‌ହା ମାଚେରି, ଏଞ୍ଜାରି ଜିକେଏ ଏଲେକିହିଁ ନିନ୍ଦା କିହାଲି ମାଟ୍‌ହେରି ।

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ । ୪୬ ମିଡ଼ଅଲ୍‌ମା ତାନି ଗଂଟା ବେଲାତା ଜୀସୁ କାଜା ଗିୟାଁତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍‌ତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଙ୍ଗେ ଏନାଆଁତାକି ପିସ୍ତାତି ?”

୪୭ ଇ ହାଡ଼ା ଖେଞ୍ଜାନା ଦାରିତା ନିତାମାଟି ଲକୁ ଏଲେଇଚେରି, “ଇଞ୍ଜାସି ଏଲିୟଇଁ ହାଟି ମାନେସି ।” ୪୮ ଅଡ଼େ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଚିହିଁ ହାଜାନା ର ତ୍ରାଃଆଲି ପୁଲ୍‌ମା ଅଙ୍ଗୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହାତେସି ।

୪୯ ସାମା ଏଚେକା ଲକୁ ଏଲେଇଚେରି, “ହେଣ୍ଡୁ ଏଲିୟ ଇଞ୍ଜାଣାଇଁ ଗେଲ୍‌ପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜୀସୁ ଅଡ଼େ ଖେଣ୍ଡେ କାଜା ଗିୟାତଲେ ହାଟାନା ହାଡ଼େସି

୫୧ ଇଞ୍ଜା ମେହ୍‌ଦୁ ମାହାପୁରୁ ଇଲୁତା ଲେଟାମାନି ହିମ୍ବରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡ଼େ, ଇଞ୍ଜା ବୁମି ବାରେ ଖୀଡ଼ିତେ ଅଡ଼େ ଖାଲ୍‌କା ଅୟାହାରୁ, ୫୨ ଇଞ୍ଜା ମାଡ଼ହା ମୁହ୍‌ନି ଟାସ୍ଲା ବାରେ ଦେପିଆତୁ, ଅଡ଼େ ହାହାମାଟି ହାରେକା ସୁଦୁ ଲକ୍ଷୁତି ଆଙ୍ଗା ମାଡ଼ହା ମୁହ୍‌ନି ଟାୟୁଟି ନିଙ୍ଗାନା ଖାଡ଼େରି, ୫୩ ଇଞ୍ଜା ଜୀସୁ ଖେଣ୍ଡେ ନିଙ୍ଗିତି ତାୟୁ ଏଞ୍ଜାରି ମାଡ଼ହା ମୁହ୍‌ନି ଟାୟୁଟି ହଟାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡ଼େରି ।

୫୪ ପାସାକଡ଼ି କସ୍‌କା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଗାରି, ଏଞ୍ଜାରି ବୁମି ଖୀଡ଼ିତାଣି ଅଡ଼େ ଏମ୍‌ଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରଏସି ମାଚେସି !”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍‌ଆଁ ମାଞ୍ଜାନା ହେକଟି ସିନିକିହମାରୁ; ଏଞ୍ଜି ଜୀସୁତି ସେବା କିହୁଁ ଗାଲିଲିତି ଏଞ୍ଜାଣିତଲେ ଖାହାମାରୁ; ୫୬ ଏଞ୍ଜାସିକା ବିତ୍ରାଟି ମଗଦଲିନି ମରିୟମ, ଜାକୁବ ଅଡ଼େ ଜସେପ ତାନି ଇୟା ମରିୟମ, ଅଡ଼େ ଜେବଦି ତାନି ଇୟା ମାରୁ ।

ଜୀସୁଇଁ ମୁହ୍‌ନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଗାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଗାସି ଖାଡ଼େସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଚେସି । ୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଙ୍ଗା ରୀସ୍ତେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେରପାଲି ହୁକୁମି ହାଡ଼େସି । ୫୯ ଜସେପ ମାଡ଼ହା ଆଙ୍ଗାତି ଅହାନା ନେହୁଁ ପୁଃନି ପାଡ଼ାଡ଼ା ଦବଲା ହିମ୍ବରି ରୁପିତେସି, ୬୦ ଇଞ୍ଜା ତାନୁ ତାଙ୍ଗେତାକି ହରୁତା କାରୁଞ୍ଜି କିହାମାନି ମାଡ଼ହା ମୁହ୍‌ନି ପୁଃନି ଟାୟୁତା ମାଡ଼ହାତି ଇଚିତେସି, ଇଞ୍ଜା ମାଡ଼ହାତି ମୁହ୍‌ନି ଟାୟୁତି ଦୁଞ୍ଜେରିତା ର କାଜା ଖାଲି ବିକ୍‌ହାନା ହାଜାତୁସ୍ତେସି । ୬୧ ମଗଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହ୍‌ନି ଟାୟୁତା କୁଗା ଡ଼ୟିତୁ ।

ମାତୃତ୍ୱ ମାଣ୍ଡାତା କସ୍କା

୨୭ ତାନି ଅର ଦିନା, ଇତିହାସ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଜା ଅଡ଼େ ପାରୁସିୟା ପିଲାତ ତାଣା ରୁଣ୍ଡା ଆହାନା ଏଲେଇଚେରି, ୨୩ ☆ “ବାବୁ, ଏ ନାଡ଼ି କିନାସି ଜାସୁତା ମାଚାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଜିକି’ ଇଞ୍ଜି ଖେସାମାଚାଣି ନୀଏ ମାମୁ ଅଣ୍ଡିପାନମି । ୨୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଟାୟୁତା କାଚାଲି ତାକି ହୁକୁମି ହୀମୁ, ଆଆତ ତାନି ସୀସୁୟା ଖାହାନା ମାଡ଼ହାତି ତଂଗା ଆହା ଏଝାସି ହାକିଟି ନିଜାମାନେସି ଇଞ୍ଜି ଲକୁଣି ଖେହନେରି; ଆତିହାସ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୨୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।”

୨୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଝାଲି ଗୁଚା ଆଆପେଝା ଇଞ୍ଜି ଝାଲିତି ଜାଣି କିହାଁ ସୀଲି ଖେଚାନା ମାଡ଼ହା ମୁହନି ଟାୟୁତା କାଃନାରାଇଁ କାପି କିତେରି ।

୨୮

ଜୀସୁ ଖେଣ୍ଡେ ନିଜିନାୟି

(ମାର୍ଚ୍ଚ ୧୭:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଝାଚାତି ତଲିତି ଦିନାତା ଲାକ ଲାକସିଏ ମଗଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଟାୟୁତି ସିନିକିହାଲି ହାଚୁ । ୨ ଅଡ଼େ ମେହଦୁ ଏ ଦେବୁଣିଏ ବୁମି ଝୀଡ଼ିତେ, ଇତିହାସ ମାହାପୁରୁତି ର ଦୁଡୁ ଲାକପୁରୁତି ରେଚାଝାହାନା ଏ ଝାଲିତି ଗୁଚି କିହାନା ଏଦାଣି ଲାକ କୁଚିତେସି । ୩ ତାନି ଝାଣା ମିଣ୍ଡିମାନି ହାଗୁଲେହେଁ ମାଚେ ଅଡ଼େ ତାନି ହିମୁରି ପେଣ୍ଡିଲେହେଁ ଦବଲା ମାଚେ । ୪ ଇଞ୍ଜା କାଃଆନାରି ଆଜିତାକି ତୀରଗିହାଁ ହାଡ଼ିଲେହେଁ ଆଡ଼େରି ।

☆ ୨୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍ଚ୍ଚ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

୫ ସାମା ଦୂତୁ ଇୟାସିକାଣି ଏଲେଇରେସି, “ମୀରୁ ଆଜାଆଦୁ, ଇଚିହିଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍ପାଆଁ ହିଲଅସି; ଇଚିହିଁ ଏଝାସି ଏନିକିଁ ଝେସାମାରେସି, ଏଲେକିହିଁ ଏ ନିଙ୍ଗାମାନେସି, ଝାଦୁ ଏଝାସି ଆମିନି ଟାୟୁତା ତୁରାମାରେସି ଏ ଟାୟୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାମି ସୀସୁୟାଁଣି ଝେହ୍ଦୁ, ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଅଡ଼େ ମେହ୍ଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ପାଆଁ ମୀରୁ ଏଝାଣାଇଁ ମେହ୍ଦେରି; ନାନୁ ଝେସ୍ତାତାଣି ଅଣ୍ପାଦୁ ।

୮ ଏମ୍ପାଟିଏ ଆଜି ଅଡ଼େ ରାହୁଁଟି ମାହୁଣି ମାଣ୍ଡାଟି ତବେ ହାଜାନା ତାମି ସୀସୁୟାଁଣି ଝେସାଲି ଦାବଡ଼ି ହୁଟୁ ।

୯ ଅଡ଼େ ମେହ୍ଦୁ ଜୀସୁ ଏଝାସିକାଣି ବେଟାଆହାନା ଏଲେଇରେସି, “ମିଙ୍ଗେ ହିଡ଼ଡ଼ି ଆୟାପେ” ଏମ୍ପାଟିଏ ଏଞ୍ଜି ତାଗେ ଝାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ । ୧୦ ଏଚେଟିଏ ଜୀସୁ ଏଝାସିକାଣି ଏଲେଇରେସି, “ଆଜାଆଦୁ, ମୀରୁ ହାଜାନା ନା, ତାୟିୟାଁଇଁ ଝେହ୍ଦୁ, ଏଝାରି ଗାଲିଲିତା ହାଲାପେରି; ଏମ୍ପାଆଁ ଏଝାରି ନାଙ୍ଗେ ମେସ୍ତାନେରି ।”

ମାହୁଣି ମାଣ୍ଡା କାଃଆନାରି

୧୧ ଆୟାସିକା ହାଜିମାତାଟି, କାପୁ କାଟାମାଟି କସ୍ତକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଞ୍ଜି ଆଡ଼ାଣି କାଜା ପୂଜେରାଙ୍ଗାଣି ଝେସ୍ତେରି । ୧୨ ଏଝାରି ଲକୁତି କାଜାରି ତଲେ ରୁଣ୍ଡା ଆହାନା ଅଣ୍ପିହିଁ କାତା ତାରିକିତି ତାୟୁ, ଏ କସ୍ତକାକି ହାଡ଼େକା ଟାକାୟାଁ ହୀହାନା ଏଲେଇଚେରି, ୧୩ “ମୀରୁ ଏଲେଇଞ୍ଜୁ, ମାମ୍ପୁ ତୁରାମାଟି ବେଲାତା ତାମି ସୀସୁୟାଁ ଲାଆଁୟାଁ ଝାହାନା ଏଝାଣାଇଁ ସରୁ ଆହାନା ଅଡ଼େରି । ୧୪ ଅଡ଼େ ଇ କାତା ସାଲଞ୍ଜି କିନାଣି କିୟଁ ତୁ ହାଚିହିଁ, ମାମ୍ପୁ ଏଝାଣାଇଁ ନେହିଁ କିଁ ଝେସାନା ମୀ ଅଣ୍ପୁଟି ପସ୍ପି କିୟାନମି ।”

୧୫ ଏଞ୍ଜରୀ ଚାକାୟାଁ ଅହାନା ଏନିକ୍ ହୁକୁମି ବେଟାଆହା ମାଚେରି, ଏଲେକିହ୍ କିଚେରି । ଏଦାଆଁତାକି ଇ କାତା ଜୀହୁଦି ଲକୁତାଣା ଝେଙ୍ଗା ହାଜାନା ନୀର୍ବ ପାତେକା ମାନେ ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ ଶାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଞ୍ଜରୀଇଁ ଝେସାମାଚେସି, ଏ ହରୁତା ହାଚେରି । ୧୭ ଅଡ଼େ ଏଞ୍ଜରୀ ଏଞ୍ଜାଣାଁ ମେସାନା ଜହରା କିଚେରି, ସାମା ଆମ୍ବା ଆମ୍ବାଆରି ନାମାଆଚେରି । ୧୮ ଇଞ୍ଜା ଜୀସୁ ଏଞ୍ଜରୀ ତାଗେ ଝାହାନା ଏଲେଇଚେସି, “ଲାକପୁରୁ ଅଡ଼େ ଦାର୍ତତି ଅଦିକାରା ନାଙ୍ଗେ ମେଡ଼ା ଆହାମାଞ୍ଜାନେ । ୧୯ ☆ଏଦାଆଁତାକି ମୀରୁ ହାଜାନା ବାରେ କୃତାତି ଲକୁଣି ଆବା, ମୀରସି ଅଡ଼େ ସୁଦୁଜୀଝୁ ଦରୁଚି ବାପ୍ରିସ୍ତ* ହୀହାନା, ୨୦ ନାନୁ ମିଙ୍ଗେ ହୀହାମାଞ୍ଜାନି ହୁକୁମି ବାରେ ମାନଝି ଆହାଲି ଜାପୁହାନା ଏଞ୍ଜରୀଇଁ ନା ସୀସୁୟାଁ କିଦୁ; ମେହ୍ଦୁ ଜୁଗୁ ରାନି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇ ।”

☆ ୨୮:୧୭ ୨୮:୧୭ ମାତ୍ରି ୨୭:୩୨; ମାର୍କ ୧୪:୨୮

☆ ୨୮:୧୯ ୨୮:୧୯ କାମା ୧:୮

* ୨୮:୧୯ ୨୮:୧୯ ମୁଞ୍ଜନାୟି

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33